

2. L. A. h. 1502 2
2 n. 3783 2



RENATI RAPINI

SOCIET. JESU

CARMINUM

TOMUS TERTIUS.

CONTINENS HEROICA, ELEGIAS,

Odarum Librum, & Miscellanea.

Nova Editio aucta & emendata.




PARISIIS.

Sumptibus FRATRUM BARBOU,
viâ Jacobæâ, sub Ciconiis.

M. DCC. XXIII.

CUM PRIVILEGIO REGIS.



INDEX HEROICORUM

LIBER PRIMUS.

C hristus Patiens.	pag. 1
Simeonis de Christo vaticinium.	25
Mater immolans natum.	32
S. lis in aurora sinu concepti Fabula.	45
In festum Virginis Annunciata.	58

HEROICORUM LIBER SECUNDUS.

Templum fama.	66
Respublica Veneta.	78
Pacis triumphale Monumentum.	86
Pacifer Delphinus.	91
Themidis pax cum Musis.	100
Consolatio ad Jul. Card. Mazarinum.	113
In obitum Memmii Avancii.	119
Triumphalium Ludovici XIII.	120

INDEX ELEGIARUM.

I. Elegia ad Ludovicum XIV.	125
II. Jul. Card. Mazarino.	127
III. Ad Ducem Montosierum.	133
IV. Musae Collegii Claremontani.	135
V. Lud. Gall. Delphini Epistola.	139
VI. Lud. Henr. Lomenio.	143
VII. Dionysii Petavii Tumulus.	145
VIII. Franciscus Fouquet mutatus.	147
IX. Alphonsi Mancini Tumulo.	149
X. In Eju'dem prematurum obitum.	152
Rap. Tom. III.	

INDEX ODARUM.

I. ODE. <i>Jesus in agro ludens.</i>	156
II. <i>Ad Guillelmum Lamonium.</i>	159
III. <i>Ad Cicadam.</i>	161
IV. <i>Ad Ludovicum XIV.</i>	162
V. <i>In Tumulum Joan. Verjussi.</i>	164
VI. <i>Ad Clementem IX.</i>	166
VII. <i>Ad eundem.</i>	168
VIII. <i>Ad Fontanerium.</i>	170
IX. <i>Ad Clementem IX.</i>	172
X. <i>Emin. Card. Bullonio.</i>	173
XI. <i>Ad Lamonium.</i>	175
XII. <i>Ad Virginem Lauretanam.</i>	177
XIII. <i>Ad Ducem Borbonium.</i>	178
XIV. <i>Ad Petrum Bellevrium.</i>	180
XV. <i>Ad Carolum Pererium.</i>	182
XVI. <i>Ad Seren. Gall. Delphinum.</i>	174
XVII. <i>In Guill. Lamonii obitum.</i>	186
XVIII. <i>In ejusdem obitum.</i>	188
XIX. <i>In Christum patientem.</i>	191
XX. <i>In fontem Polycrenem.</i>	196
XXI. <i>In eundem Fontem.</i>	197
XXII. <i>Seren. Card. Bullonio.</i>	198
XXIII. <i>Nic. de Lamoignon de Basville.</i>	200
XXIV. <i>Achilli Harlao.</i>	203
<i>Traduction de l'Ode XXIV. en vers.</i>	206
<i>Traduction de la même en prose.</i>	210
MISCELLANEA	
<i>Claudio P. llerio.</i>	215
<i>Armando de Grammont.</i>	219
<i>Viris amplissimis Lamon.</i>	220
<i>In Imaginem Clementis IX.</i>	223

Finis Indicis Tomi Tertii.

CEL-



CELSISSIMO PRINCIPI
FERDINANDO
EPISCOPO MONASTERIENSI
ET PADERBORNENSI,
S. R. I. PRINCIPI,
COMITI PYRMONTANO,
LIBERO BARONI
DE FURSTEMBERG, &c.

RENATUS RAPINUS SOC. JESU.

QUO loco sit apud te litterarum
amor, PRINCEPS CELSISSIME,
quis honos doctrina & virtuti à te
habeatur, fecit tua in litteratos vel
humanitas vel beneficentia, ut hodie liberalis
& ingenuus nemo ignoret. In quo laudari non
potest cum admiratione satis magna, tua pru-
dentia singulare judicium. Nam pace dixe-
rim tuâ, nihil fecisti unquam, vel magis

A ij

EPISTOLA.

splendidum ad celebritatem tui nominis, vel ad immortalitatem gloria tua magis consentaneum, quam cum incensus amore literarum tam laudabili eruditis panè omnibus de fortunarum tuarum amplitudine, & animi tui magnificentia gratificari cœpisti: non enim satis dici potest, quanto virtuti tuae ornameto fuerit ea sive altitudo animi, sive genii excelsitas ac beneficentia, quâ ornare cœpisti studiosos omnes, in quibus aliquod meritum literarum esse comperisti. Nihil enim est omnium rectè aestimantium iudicio, quod in homine per se magno & illustri majus illustriusque esse possit, quam excitare alacritatem & industriam literalorum, & eorum industria favere, quemadmodum facere cœpisti.

Ut enim in maximis viris & ad laudem aspirantibus existunt interdum gloria cupiditates vel ignobiles, vel inconsiderata: plerique principes viri, eorum ex ordine praesertim qui dant operam administranda publica rei, viamque verae solidaeque gloriae ignorarunt habere. Etenus universam, pro celebrando nomine posteritatisque commendando, vel magnis arduisque laboribus susceptis, vel superatis fortiter ac generosè periculis, vel negotiis difficilibus prudenter excellentèrque confectis, famam quasi mercedem rerum praeclare gestarum justissimam parare cogitant. At quàm haec parum digna sunt magno, grandi, elato, resque humanas despiciente viro, qui ab imperita

EPISTOLÆ.

multitudinis iudicio & errore liber nulla re magis gloriari soleat, quàm rectè factorum conscientia; virtutemque requirat in omnibus multò consultius, quàm virtutis opinionem. Hac enim una propè res est, quæ faciat excellentes viros & evectos supra conditionem rerum humanarum. Quod cum satis ipse per te intellexeris, & respexeris semper studium literarum doctrinaque opinionem, tanquam autoramentum virtutis omnium certissimum, nullamque videris ad nominis claritatem amplitudinemque compendiosiore viam, quam per cultum literarum, amoremque ingenuarum artium: hoc supra ceteros amantes gloriæ es meo iudicio consecutus, qui ut immortalitati tuæ magis consuleres, favere cœpisti artibus iis, quæ filere de te posteritatem nunquam patientur.

Nosque adeo in primis quos ornare cœpisti tuis beneficiis, dabimus operam præ ceteris, ut quæ ad dignitatem tuam amplificandam pertinere videbuntur, predicare nunquam cessemus. Et si contingeret aliquando, quod sat scio nunquam futurum, ut opprimeret vel taciturnitas vel oblivio de te ora literatorum, ut ipsæ literæ, ipsa virtus, ipsa fama tuam gloriam non sineret unquam intermorituram. Cujus cogitationis eò tibi suavior debet esse gustus, quod jam & communi sensu populorum, & ipsius consuetudinis usu ita diuturno nihil magis tibi ipsi compertum sit. Quod si Musæ

EPISTOLA.

noſtra de te conticeſcerent, ipſi tui mores declararent, quâ fortitudine animi, quibus conſiliis, quam ſanctis, quam gravibus reſormaveris Clerum tuum, quâ vigilantia gregem excolueris, quo verborum fulmine & eloquio os frænaveris impietati, quo rerum ſucceſſu debellaveris errorem, quâ felicitate ſubditorum incolumitati ac ſecuritati publica conſulueris, difficillimis his bellorum, quibus laborabat Germania pœnè univerſa, temporibus: quâ majeſtate in adminiſtranda republica Chriſtiani Paſtoris perſonam cum politici Principis dignitate conjunxeris. Fuit enim tuum illud de religione benè merendi tam perpetuum & conſtans ſtudium, ut qui ceteros Principes in civilibus negotiis ſapienter adminiſtrandis longè ſuperaveris, in tuenda colendaque religione tecum certes, excellasque ſemper ſupra teipſum: quo haud ſcio an quicquam de te diciqueat magis illuſtre ac ſplendidum ad nominis tui commendationem ſempiternam. Ex quo laudis aditu, & vera ac germana gloriæ primordiis, à te jam video ſumma omnia expectanda: niſilque in poſterum ei ſpei quàm debes habere amplificanda tuæ laudis, deſuturum. Vale. Ultimo Kalend. Quintiles anni
M. DCLXXXI.



HEROICORUM

LIBER PRIMUS.

CHRISTUS PATIENS

CARMEN HEROICUM.



MA alii, & fusopartas de sanguine lauros
Dicere ament, Regesque canant & prælia
Regum.

Tu mihi servando promisse salutifer orbi

5. Regnator, summi soboles æterna parentis,
Carmen eris, tu Christe, tuæ tibi mortis honores
ingredior: quando ligno sublimis ab alto,
Conflictus, leto indecori, patere supremos,
Humanamque tuo reparares funere gentem.

10. Si mihi, divinos mortali voce labores
Cantanti, pœnâsque omnes, seriémque dolorum,
Indignosque obitus, ô si contingeret illi.
Par tuba, quæ Manes imâ tellure sepultos
Judicium ad magnum, mundo ex ardente, vocabit:
Quos motus animorum, & quàm confusa cicerem
15. Per populos lamenta, quibus clamoribus orbem
Attonitum, quanto turbarem pectora planctu!

Quamquam, ô Christe, tuos sat forti pectore dicam
Interitus: si me divino incenderit æstu.

Spiritus is, qui te morientem, agróque trahentem

20. De cruce singultus, qui quondam funere in ipso,
Ter regnorum, habilem percurrere claustra silentium
Fecit, & inferno leges imponere mundo.

Pierii colles & numina vana profanis
Vatibus implorata, levésque facessite nugæ.

25. Una meos omni demum pro numine cantus,
Una meos animos crux impleat. O bona Vati
Cruce assiste tuo! seriem da pandere rerum
Tantarum, penitusque sacros recludere fontes,
Perditus unde orbis lucem, vitamque recepit.

30. Da posse infandum populis narrare dolorem,
Montibus in summis, rigidas qui rumpere cautes,
Qui rutili potuit splendorem extinguere Solis,
Miscere extincto turbata elementa magistro,
Naturæque omnem latè confundere vultum.

35. Colle in pendenti, Solymæ sub mœnibus urbis
Hortus erat: collémque frequens oleaster, & hortum
Felici ramo, silvæque virente tegebat.
Huc Christum bissex focii loca sola petentem,
Fronde in saltu, comitari sæpe solebant.

40. Huc quoque, mensarum fundato more novarum,
Libatisque Patri dapibus, sacrisque peractis,
Venerat ipse, libens qui morti occurreret atræ,
Atque ultro sese fata ad suprema pararet.
Juxta aderant comites jussi vigilare, sed altus

45. Defessos jam nocte sopor superarat oborta.

Ille autem in nemoris solus spatia ampla profundi
Dum penetrat, mortisque genus meditatatur acerbæ,
Pœnarumque ignominiam, iniustusque dolores:
Dumque animo violenti obitus, violenta recurrant

50. Supplicia, & fosso dandus de pectore sanguis,
Insolito sensit differri corda pavore:

Turpis eum leti dubitantem, & multa morantem
Terrores circumvolitant, ac frigidus horror.
Sed contra imperium urgebat genitoris, & ipso

55. Jam datus à primæ consensus limine vitæ:

Quando olim sortem fratrum miseratus iniquam

Sumperat hos artus, & se devoverat aris.

At dum turbatæ crebrescunt tædia menti,
 Conflictu in medio, genibus procumbit in udam

60. Fusus humum, suppléxque parentem affatus, ab alto
 Has animi trepidus fundebat pectore voces.

Quæ diversæ autem surgit discordia menti?

Quò feror! aut quæ me demum ad tormenta refer-
 vas,

O genitor? Méne, ah! tam tristi occumbere leto

65. Immeritum, & veniam tam dura sorte pacisci?

Si quid amas natum, natum pater eripe fato

Immiti, mortem fas sit vitare pudendam.

Æstu animi in tanto; sopitos valle sub ima

Ille iterum ad comites, iterumque ad vota redibat;

70. Multa putans: toto proruptus corpore sanguis

Humectans campum largo sudore fluebat.

Est templum summi liquidos trans ætheris orbes;

Trans Solem & Lunam, sedes ubi sacra beatas

Constituit superum Regi, regnique ministris

75. Relligio: surgit templi in penetralibus altis

Ara ingens, aræ Deus insidet. Ordine longo

Circumstante mille Aligeri, qui supplice cultu

Vota repræsentant hominum, gemitusque, precésque

Et spes, & desideria, & quæcumque piandis

80. Mortales fundunt miseri suspiria noxis.

Hos aræ divina Cohors, pro thuris odore,

Præque omni ritu sacrorum, imponit honores:

Temperet unde animos, contra delicta nocentum

Iustitia, & pœnam precibus placata remittat.

Tunc quoque, quando ardens animorum, in vota

85. præcésque

Perstabas, fama est te tunc, ô Christe, precantem,

Tendentemque manus, & fletibus ora rigantem,

Te summi dum gens omnis spectaret olympi,

Suppliciter tristis, casuque exterrita tanto;

90. Ante Patrem, templo in medio, tua vota ferebat.

Suspensique omnes, quo sese numinis iræ

Ex longo offensi vertant, hoc cardine rerum:

Pro domino occurrunt medii : Patrique movendo
Certatim insistant : narrant , quos ille labores

95. Pertulerit , tenues hujus cum lucis in auras
Editus , humanos ultro susceperit artus :
Pérque novem menses habitat in carcere in arcto ,
Pro mundi imperio , & cœli pro luce serena.
Pars rigido memorat temeratum frigore corpus ,

100. Præsepi in fœdo , vilis sub stramine fœni :
Pars ductum incisâ meminit de pelle cruorem ,
Accepto fusus quando pro nomine sanguis ,
Per se omnem labem humanæ qui tollere noxæ
Sufficeret , populique scelus fatale piaret.

105. Addit , quanta illi , primis pro gente sub annis ,
Vota fuere mori , quis mentem incenderit ardor
Servandi generis : series nec longa laborum ,
Nec mortis diræ species tardarit amantem.
Ad Pelusiæcum repetit pars acta Canopum

110. Exilia , unius crudelem regis ob iram.
Centum alii , similisque pari virtute ministri
Ostendunt , quanto victum sudore paravit ,
Paupere sub recto : silvis ut solus in altis
Errarit , macieque oculos confectus & ora ,

115. Longa quaterdenos tulerit jejunia Soles.
Non ipsæ victum quercus , non ipsa ferebant
Arbuta : non ipsi præbebant pocula fontes.
Narrabant alii , per quæ discrimina rerum ,
Fugerit insidias malefidæ gentis , & ultro

120. Ipse suo obtulerit se vitæ prodigus hosti ,
Attonito nova sacra novus dum legifer orbi
Præciperet : quantoque animorum oraverit æstu
Ad turbas , cum per pagos , mediâsque per urbes ,
Venturæ inciperet populo monstrare salutis

125. Prima rudimenta , & priscos rescindere ritus.
Mille alii ærumnas , animis quas ceperat æquis ,
Algorémque , sitimque , & rædia longa viarum
Exponunt : quoties vigilatas ducere noctes
Oranti , & solos per montes degeere amanti

130. Contigerit , quoties tenebris deprensus abortis ,

LIBER PRIMUS.

5

Ingratum tulerit, nuda sub rupe, soporem.

Atque ea diversi porro dum fortè referrent
Pro nato ad Patrem, simul unâ voce rogabant,
Quem finem ipsius precibus ferat, unde dolori

135. Sperare auxilium velit, & quò vertere vultus?

Supremo ipse autem Patri fidissimus unus,
Signifer æthereæ turmis qui præsidet aulae,
Plurima, quo multum pollens erat ore, ferebat
Pro Christo, letum trepido cui triste parari

140. Dudum indignatus, tanto in discrimine rerum,
Instabat fidens animi, eloqui que peritus.

Nam memorabat, uti liquidam Jordanis ad undam,
Cum caput atque artus, purus licet, amne liquenti
Perlueret, natum Genitor confessus, & omnem

145. Id credi in populum, clara de nube, juberet,
Dans signum cælo ex alto, fulsere corusci
Per nimbum radiantem ignes, & conscius æther
Lætiùs intonuit solito assensuque secundo
Dicta Patris, multa manifestus luce, probavit.

150. Protinus auratis dorsum circumlita pennis,
Aëra per nitidum, terris delapsa columba,
Cælesti afflavit lustratum desuper aura.

His etiam addebat, nuper quæ gesta sub alto
Tabore, cum radiis insignem lucis, & igni

155. Ipse Pater fociis natum monstraret, & omnes
Illius imperio populos parere juberet.

Utque omnem cœpit monitis cælestibus oram
Implere, & factis ingentibus: atque per urbes
Finitimas jam tum manifestò numine ferri.

160. Talem ergo natum Pater, & tam iusta petentem
Hisque adeò meritis, leti discrimine in isto,
Multa alternantem, ne porro audire recuset.

Ipse mox lumen tanto imponat finemque labori,
Hisque illum curis exsolvat, & horrida diræ
Avertat, si fata sinant, præfagia mortis.

165. Hoc & amor Patris, & nati reverentia poscat.
Talibus orabat Michaël, quem cætera pubes
Orantem comitata eadem pro Rege ferebat,

At Pater omnipotens, illo quo temperat orbem.

170. Tum demum turbæ oranti sic ore profatur.
Non vestras natique preces audire recuso,
O famuli: sed ne afflicto succurrere possim,
Lex æterna vetat, promissaque fœdera mundo.
Nam postquàm vetita fatalem ex arbore fructum
175. Decerpfit primus mortalis, & ore superbo
Nec nostrum numen, nostras nec spernere leges
Erubuit, victus pellacis fraude colubri:
Audacis jam non abolenda injuria facti est,
Sanguine communi, majora piacula poscunt
180. Majestas violata, & spreti Numinis iræ.
Pròque Deo offenso crimen tam grande piandum
Per non humanos obitus, sed morte litandum
Divina: rerum is nimirum vertitur ordo.
Interea vocat Aligerum de millibus unum,
185. Qui natum leti pavidum terrore futuri
Obfirmet, dictisque ægrum soletur amicis.
Res hominum fractas, si qua pietate movetur,
Et vitæ sortem indignam, miserandaque fata,
Respiciat: tum quos ex ista morte triumphos
190. Ipse sibi, Patri quos conciliabit honores.
Si quæ autem natum genitoris gloria tangat,
Perferat hæc, neque jam satis, laudive resistat
Deinde suæ: vitam Genitori impendat, & orbi
Servando! quærenda salus, hac morte, suorum.
195. Nuncius it, summique volans fert dicta parentis
Ad natum, qui tum versabat mente sub alta
Omne odium tortorum, & inexsaturabile pectus.
Perjuræ mox quanta daret ludibria genti:
De cruce quos risus, faceret quos impia ludos
200. Posteritas: & quàm paucis de sanguine fuso
Præmia speratæ constarent certa salutis.
Nec jam pœnarum morsus horrescit acerbos,
Aut inhonesta crucis moriturum probra morantur:
Tardat eum clades patriæ, atque indigna suorum
205. Excidia, & mortis merces perdenda futuræ.
Talibus undantem curis, Patre missus ab alto
Nuncius

- Nuncius interpres super astitit : ille tenebat
 Ora solo fixus , jam leti horrore propinqui
 Exanimata , graves oculi languore jacebant
 110. Funereo , gemitusque agitabat creber anhelum
 Pectus , & insolito vultus sudore madebat.
 Jamque illum cœpti dudum , lucisque , sui que
 Pertæsum , vitam & lucem durare pigebat.
 Una autem , ante oculos volat atræ mortis imago ,
 115. Et clavi , & lora , & spinæ , laterique cruento
 Militis intorta figendum cuspide ferrum.
 Inde animo subeunt prætorïa , milite denso
 Conjurata graves cum sanguine poscere pœnas.
 Probræque apud Latium lento patienda tribunal.
 120. Et sua Majestas Regi ridenda superbo.
 Tuque ô ! funestæ mortis crudele theatrum
 Mœstæ occurrebas rupes Calvaria menti.
 Sic Annas solium ante suum , Caïphæque rogabit
 Infontem : rigidus sic vincto illudere miles ,
 225. Sic alapam audebit violenta infringere palma :
 Sic Petrus fœda ancillæ formidine victus ,
 Cari abjurabit noménque decusque magistri ,
 Sueta prius quam dent cristatæ signa volucres.
 Nocte sub obscura socios hinc inde per urbem
 230. Præcipites metus acer ager : sic crimina finget
 Impia gens dictisque minas jactabit acerbis.
 Ille ad eò tali confusus imagine rerum ,
 Dum mœsto tam multa tremens sub corde volutat ,
 In partes mentem labefactam dividit omnes.
 235. Nuncius ast illum cunctantem & multa paventem ,
 Sic demum affatu propior compellit amico.
 Macte animis , ô nate Deo , nam funere ab ipso ,
 Quod refugis , veniet supremo magna parenti
 Gloria , magna tibi : cum demum sanguine fuso
 240. Legibus ipse tuis regnandum acceperis orbem.
 Aspice quos populos letum deforme , quod horres ,
 Quàmque tibi injusto pariet de funere gentem.
 Nam postquàm fato demum perfunctus acerbis ,
 Sub terram umbrarum sedes & claustra silentum

245. Fregeris , ac manes victor concesseris imos :
 Captivos patres , spoliis oneratus Avernis ,
 Jam victor tecum supera ad convexa reduces.
 Atque tuo postquàm crimen commune piaris
 Interitu , toto surget gens altera mundo :
250. Tum rerum series melior nascetur , & aris
 Deinde tuis alios Patri instaurabis honores :
 Lætus & ipse tuum , post tristia fata , videbis
 In populos omnes latè increbrescere nomen.
 Tum posito demum tellus Ægyptia fistro
255. Numen adorabit : versis tibi Græcia fati ,
 Et gravis imperio terrarum Romula tellus
 Instituet ritus alios , morésque sacrorum ,
 Ac longo victæ atcedent ex ordine gentes ,
 Omnis Arabs , omnes patrio cum rure Sabæi ,
260. Et bello infræni Numidæ , fortésque Geloni ,
 Maurique , Cretésque , & odoriferi Nabathæi.
 Mulcebat tali miserans sermone paventem
 Aliger , ac mortis probrum celare pudendæ
 Non tulit : exponit quanti , hac è morte , dolores
265. Et quæ pœnarum series quàm longa sequetur
 Jamque Sacerdotum per fraudem injusta parantum
 Circumstare odia , & populum jam dira frementem
 Perfidiam comitum perjuræque verba suorum
 Narrat , & ut falsi prætendens nomen amici
270. Antevolans ficto socius dabit oscula vultu.
 Mandabunt ut terga fugæ procul agmine fuso
 Fidi omnes , trepidæ vix ausi fidere nocti.
 Haud aliter quàm cum casso pastore , per agros
 Fulmineo pecus omne fremens leo dissipat ore.
275. Addit , ut informem nectens ex arbore nodum
 Et laqueo infami Judas extrema secutus ,
 Se multa incusans , lucémque perosus , & amens
 Guttare ab eliso tristes pendebit in auras.
 Tum verò virgis ut percutienda salignis
280. Terga dabit , nudas circum geminata sonabunt
 Verbera per costas , & tabo undante natabit
 Omne pavementum , tenues ut sparsa per auras

LIBER PRIMUS.

9

Membra minutatim concisa in frustra volabunt,
Et cervix trajecta rigente horrebit acantho.

285. Pérque jocus servili humeros velabitur ostro,
Dandus ad Hebræam, tali sub imagine, plebem,
Vile in ludibrium, & turba illudendus ab omni.
Ut populus dictis patientem incesset amaris:
Omnia terrifici vates quæ dira canebant.

290. Quamquam autem mœstæ tot menti indigna re-
cursent:

Aligeri postquàm dictis recreatus, acerbum
Excussit penitus terrorem, animósque recepit:
Ibo, inquit, quò me cari suprema parentis
Jussa vocant, generis crimen commune piabo,

295. Nec me pœnarum species horrenda retardat.

Dicebat, campoque alacer surgebat ab ipso:
Lucentem cum turba ingens lucentibus armis
Ad Lunam, portis hortum perrumpit apertis.
Desertumque suis & inermem, milite multo,

300. Circumstant, magnoque trahunt clamore per urbem,
Judicio dandum infido, pérque omne tribunal
Raptandum: leti causas & crimina, rectis
Ipsi primores, ut cuique est copia, texunt
Artibus obliquæ invidiæ, pœnâsque reposcunt.

305. Una animis infensi omnes, variisque trementem
Insidiis circumveniunt. Confusus at ille
Dum scelерum autorem cuncti, fraudumque poten-
tem

Incusant, tenet ora solo defixa, silétque
Consciус ipse sui, præfectum indigna rogantem

310. Nec jam responso dignari sustinet uno.

At quamvis regnum nil jam mortale moretur,
Divinos ortus coram prætore fateri

Non puduit, qua se memorabat origine cretum,
Fidentérque Deum sese testatus: at ipse
Horrorem insimulans, procissa veste Sacerdos

315. Sacrilegum inclamat, fontémque professus, ad ædes
Præsidis Ausonii mulctandum morte remittit.

Illo frænabat Solymæam tempore gentem

B ij

- Cæsare pro magno , Romana missus ab urbe
 320. Pontius , atque alta populos sub pace regebat.
 Præsidis ergo omnes Romani ad limen inundant ;
 Divini quos dira sitis , rabiésque tenebat
 Sanguinis , & misero nova fingere crimina tendunt.
 Vestibulum densi ante ipsum , longisque frementes
 325. Porticibus , variis acuunt clamoribus iras.
 Pars memorat , festis cum lex cessare diebus
 Præcipit : ut morbos curare , ægrisque mederi
 Obstinet : & legem contra , morémque receptum ;
 Illotos vulgo comites confidere mentis
 330. Sustineat , manibusque cibos contingere fœdis.
 Pars ait , ut pollens linguæ , fandique peritus ,
 Paulatim ad turbam vicinas suscitetur urbes ,
 Dum perstat mores sacrorum abolere vetustos ,
 Et legem antiquam , patrúmque edicta resagit ,
 335. Seditione potens : instat pars cætera , ut omnem
 Gaudeat ambiguas in plebem spargere voces.
 Ut regnum saltu in populum affectare superbo
 Ausit , & irriso se prodere Cæsare regem.
 Obtendunt alii , Solymæ dum vana minatur ,
 340. Sacrilego quoties sese jactaverit ore ,
 Eversum aras , & pessum templa daturum.
 Dumque incensi odiis Christum tot frivola contra
 Certatim objiciunt , & dictis crimen acerbant :
 Ipsa amens animi , variisque exterrita monstris
 345. Romani conjux , noctem quæ passa per atram ,
 Multa virum hortatur , causæ ne se ingerat illi
 Imprudens , falso insonem neu crimine perdat :
 Polluat unde suum scelerata cæde tribunal.
 Pontius uxoris monitu permotus , athena
 350. Afferri liquidos fontes præcepit in urna ,
 Perluat unde manus , animúmque ostendat , & omni
 Si quod erit , coram populo , se crimine purget.
 Ut trepidæ ostensa uxori sic visa refutet.
 Nam neque jam fas est populi procerúmque cruen-
 tam
 355. Restinxisse sitim , neque tanto obstare furori.

- Cuncta timet, plebísque minas, Urbísque tumultum.
Præcipuè quoties vanum plebs nomen obumbrat
Cæsarís, atque isto communes aggerat iras
Prætextu, morte immeritum dum perdere tentat.
360. Ille adeò victúsque metu, cedénisque furori
Injusto, Christum maledicæ denique genti
Tradidit insontem: séque intra tecta recepit.
Haud aliter, quàm cùm Tyrrenum nauta per æquor
Tendit iter velis, cælo si fortè nigranti
365. Tempestas fœda ingruerit, quæ triste minetur
Omnibus exitiúmque viris, ratibúsque ruinam:
Obstantes contra ventos luctatur ab alta
Puppe gubernator, clavúmque intorquet, & ipsos
Hortatur validis comites insurgere remis,
370. Si quæ gravem casum detur superare facultas.
Verum ubi collectum glomerari nubibus imbrem
Immitésque omni ventos crebrescere ponto
Senferit, & piceo misceri turbine cælum,
Permittitque ratem ventis, clavúmque relinquit.
375. Facta potens voti pubes Solimæa furentis,
Judicio infando, non jam Prætoris ob ædes
Incerta errabat: cædem fremitore cruento
Turba omnis, cædem primores gentis, & ipsi
Deinde Sacerdotes, Italo cum milite, spirant:
380. Atque omnes Christum insontem ad crudele repo-
scunt
Supplicium. Signum interea fatale paratur,
Et necis urgendæ studio, infabricata bicorni
Cruce cedro erigitur, mortis nunc triste theatrum
Christe tuæ, seris signum venerabile seclis,
385. Quo nostræ constet pretium commune salutis.
Romulæ interea procedunt urbe phalanges:
Pone subit, dorso gestans immane trementi
Pondus, & undanti jam squallidus ora cruore
Christus, cum peditúmque manus, equitúmque
cohortes
390. Armatæ circumstant, & fune retorto
Rapratum, duræque crucis sub mole gementem

- Cædis diræ avidi, magnis clamoribus urgent.
 Ibat mœsta parens, tanto servata dolori:
 Ibant & reliquæ matres, crinémque solutæ
 395. Pectora fœdabant palmis, atque ora rigabant.
 Ut ventum in montem, cæcis mugire cavernis
 Cœpit, & insolito sub terram horrore moveri
 Omne solum, gentis dirum ceu crimen iniquæ
 Horruerit tellus, domini mox sanguine sacro
 400. Respergenda sui, & justo confusa dolore,
 Visceribus tantum scelus ejuraverit imis.
 At non illa tamen populum præfagia terrent.
 Nam Christum immemores rerum, oblitique salutis,
 Vestibus exutum rigido distendere ligno
 405. Insistunt, nudumque supremo in monte reclinant.
 Salve divino quoties opratus amor
 Letifer ô collis! namque hac certamen arena
 Christum grande manet: mortis vincenda potestas
 Rupe sub hac, quærenda salus hoc publica campo.
 410. Quantum fatorum locus hic habet! ut semel Agnus
 A prima quondam mactatus origine mundi,
 Isto monte super, sese devoverit aræ:
 Atque expirantis Christi violenta cruentum
 Ruperit hasta latus: populósque effusus in omnes
 415. Purgandum sanguis divinus laverit orbem.
 Omine quo, victis mœrens Stix palleat undis,
 Et regno trepidi Manes turbentur Averno,
 Infernique lacus, & inexorable letum,
 Ergo fide animis, & sacrum concipe fœdus,
 420. O Christe: humana mortem pro gente pacisci
 Ne dubita: unde tuo dirimatur sanguine bellum,
 Et causæ irarum antiquæ cum patre residant.
 Interea expediunt necis instrumenta nefandæ
 Tortores: clavo palmas pars figit adacto,
 425. Cedrum in transversam, rigida pars cuspide plantas
 Trajicit. Ah, crudo potius me figite trunco:
 Tortores, fontem quocumque absumite fato,
 Perdite me, ut merui, Christo nil tale merenti.
 Parcite: sum leto solus damnandus acerbo,

430. Qui toties summum violavi crimine numen :
Sumite poscendas, scelerato à sanguine, pœnas.
Sed quid ego hæc autem tristes maleficus ad auras
Vana loquor? neque enim, jam curat dicta, neq; audit
Impia gens : alta pendens ex arbore Christus
435. Sublime erigitur, terras unde arduus omnes
Respiciat moriturus, & omni debita mundo
Victima monstratam fati mactetur ad aram.
Hos Regi perjura tuo persolvitis honores
Nimirum, ô Solyme : non ille ferocia corda
440. Pervicit meritis : dominum crudelis iniquo
Interimis leto, qui te servare parabat.
Hunc gens vestra odii stimulis agitata maligni
Affixum ligno, properata morte, peremit,
Qui vestros quondam, per tot miracula, patres
445. Servitio eripuit duri Pharaonis, & ipsam
Cunctantem, ac monitis toties cælestibus actam
Ægyptum, cæso primævæ flore juventæ
Perculit, atque maris sua demum in claustra refusi
Fluctibus involvit, tota cum gente, tyrannum.
450. Quid dape cælesti, deserta per arida, pastos
Isacidas, gregibusque datam sitientibus undam
Eloquar, expressis ista de rupe fluentis ?
Ut fileam riguas mira dulcedine valles,
Atque redundantes cælesti nectare rivos.
455. Diruta raucarum solo clangore tubarum
Mœnia quid memorem trepidæ Jericunthis, & urbes
Jordanis toto passim sub litore victas ?
Quid tribubus metata tuis fatalia rura
Promissæ telluris, & hostes undique fusos :
460. Respondes autem tanto, gens perfida, amor
Supplicia & pœnas, divini hæc impensa favoris
Argumenta, tot illa crucem benefacta merebant ?
Hoc Servatori pretium memorabile vestro !
Quid faceres scelerata tuo, crudelius hosti ?
465. At quid ego Hebræam gentem, Solymamq; furoris
Nec quidquam accuso tanti ? Quid fera querelis
Mortales lentè teneri jactamus, & ipsos

- Carnifices diris incessimys? Omnia quando
 Tormenta hæc sceleris sunt prima exordia nostri.
470. Id pietas tua, Christe, tui id meruere labores
 De nobis? Quicumque Crucis divina secuti,
 Bellando vexilla, tua sub lege, meremur
 Christiadae infidi, te Christe, peremimus omnes.
 Crudeli interea risu, linguâque procaci,
 475. Armato passim mixtum cum milite vulgus
 Christo insultabat: referunt ea præmia porro
 Qui templum exturbare agitant: sic lapsa refingunt
 Mœnia, sacrilego dum factu vana minantur.
 His populus probris, toto sub monte fremebat.
480. De cruce pendenti mater carissima nato
 Astabat: non illa manu perculsa decorum
 Pectus, & effusos ventis laniata capillos,
 Aut se desertam fletu male quæsta pudendo.
 Namque suos generosa parens, natique dolores
 485. Exsuperans animorum, æqua sub mente ferebat.
 At non sic reliquæ, tot Christum indigna ferentem
 Spectabant matres: isto de funere, natis
 Quæ fatale aliquid jam tum impendere videbant.
 Ipsa adeo cædis vindicta parata cruentæ
490. Attonitam implebat variis rumoribus urbem:
 Et tristes pœnas jam conscia turba pavebat.
 Quid reliquos porro Christi memorare dolores
 Attinet, ut vepribus cervix trajecta cruentis
 Diffluat, intensis ut membra rigentia nervis
495. Et trunco defixa, gravi sub mole laborent:
 Ut male suspenso ruptus de corpore sanguis
 Exsuccum inflammet pectus, faucésque perurat.
 Ferte citi limphas, sitis arida torret hiantem,
 Qui summo laticem exiguum pro munere poscit.
500. Sed succo immitti, ac tristi perfusa veneno
 Pocula præbentur labris, ut dirus amaror
 Torqueat os, linguâque urat morientis. At ille
 Respuat oblatos labris, quos attigit hauritus.
 O feritas immanis, aquæ tibi gutta negatur,
 505. Qui fontes populis, & flumina dividis orbi,

Perpetuūque rigas arentes roribus agros.

Sed non optato sitiens frustrabere potu,

Christe, tui sacrae si quando numinis auræ

Obsequimur faciles, & si meliora secuti

510. Cœperimus vitæ injustos dediscere mores,

Virtutemque alacres amplectimur. Iste ruorum

Terminus, hoc pretium, hæc merces quæ sita laborum,

Nostræ erat, urebat quæ te sitis illa, salutis.

Sed Christi exhausto morientis sanguine, nondum

515. Omnis tortorum furor est exhaustus, iniquo

Restat adhuc odio, rabiem plebs unde requirat

Exsaturare suam: pendenti illudere dictis

Aggressi, risu miserum insultante saluant.

Funere pasce oculos gens impia, pasce cruentas

520. Sanguinolenta manus: verum hunc compesce furorem:

Absit ab injustis saltem petulantia verbis.

Ecce autem fuso major de sanguine crescit

Hæc rabies, crescunt iræ: nec parcere linguis

Norunt factilegi: sua deerant vulnera honori,

525. Christe tuo, dictis etiam violandus amaris

Ille fuit: toto passim sub monte furentum

Confusæ insurgunt voces, & acerba jocantur.

I nunc, i, te voce Deum mentire superba

Dum moreris: sic disce alios servare cadendo,

530. Qualem te jactas, manifesto numine, prodis.

Sed dum tortores immani murmure Christo

Insultant, ipsis veniam tortoribus orat,

Excusâtque scelus: quin & pro crimine tanto

Vota facit, gentis furias miseratus iniquæ,

535. Vulnerâque obtendens Patris objicienda furori,

Hanc, ait, hanc infontem animam tibi sponte remitto,

O Pater, & tota vitam pro gente refundo.

Nec plura effatus, magna ter voce, Parentem

Supremum implorans, ligno expiravit ab alto.

540. Si sic immeritum punis, Pater optime, natum:

- Quid non servi humiles, nostra ob delicta, meremur
 Supplicii, & quas non debemus sumere pœnas,
 Ipse autem ante alios? mène ah! tam sæpe nocentem,
 Et veniæ usque adeo indignum, lucisq; fruendæ,
 545. Non potuisse mori! Nam quæ mihi, quanta pepercit,
 Quot delicta Deus? flamma dum vindice, fontes
 Ex alto in reliquos superintonat? O ubi; qui me
 Et meritum toties, & adhuc graviora merentem,
 Fatalem hanc, qua se Christus devovit, ad aram,
 550. Mactandum imponat! Quid enim jam demorer ultra
 Vitæ infelicitis spatium quod inutile restat,
 Ætatémque mihi proferri longiùs optem:
 Quam morbi & curæ affligunt, tot bella per orbem
 Inflammata, graves odiis furialibus, ipsos
 555. Per populos inimicitiae, super omnia virtus
 Tam multis despecta, suas temerata per aras
 Religio, nostri præceps infania luxus,
 Tot scelerum species. Nam quæ unquam secla fuerunt
 Usque adeo virtuti infecta, aversaque ab ari s?
 560. Quando suos patitur fluctus, hoc turbine rerum,
 Religio & virtus, me fluctibus eripe ab istis,
 Summe pater: quod & hoc de te si denique munus
 Non merui, saltem fas sit pendere supremum
 De cruce, & amplexu Christi morientis ab ipso
 565. Hos animos haurire, Deo quos nolter amanti
 Quondam expressit amor, crudeli funere dulcem
 Cum vitam moriens reparando impenderet orbi.
 Ah saltem liceat perfossis oscula plantis
 Truncum amplexantem totis libare diebus,
 570. Et tecum simili libantem occumbere leto.
 Si nunc ille, tuo qui pectore, Christe, calcabat,
 Ille meis si se nunc ossibus implicet ignis,
 Ferventémque paris me leti inflammet amore:
 Quas ego non pœnas, quæ non tormenta subirem
 575. Pro te alacer, promptusq; mori, quæcumque paratus
 Digna indigna pati, cuicumque occumbere leto.
 Quamvis id sperent meriti, qui sanguine fuso,
 Cælestem referant tua per veltigia palmam.

- Excitet hæc alios fiducia. Vos mihi partes
580. Este meæ, Christi supremum plangere funus,
Atque meo gemitus populorum incendere planctu.
Sed mortis dum, Christe, tuæ vulgare dolorem
Aggredior lacrymans, & totum flenda per orbem
Fata redordiri populis, ac carmine mœsto
585. Dicere te leti pro mundo extrema secutum,
Quis gemitus guttis roret sat grandibus ora?
Quæ satis hunc casum possint æquare querelæ?
Nec mihi pro rebus posthac volvantur inanes
Jam lacrymæ humanis, tum flere humana decebat,
590. Cum ligno Christus nondum suspensus ab alto,
Se nostra pro gente, neci devoverat atræ,
Et nondum laceri clavis immanibus artus
Prostarent tristes miserandum funus ad auras.
Tene ego, dum moreris, possim te, Christe, tueri;
595. Pallentemque oculis, expirantemque cruento
Funere, nec doleam, tanti qui prima doloris
Causa fui? Ille ego sum, tua qui tibi vulnera fixi,
Quas merui, das ipse tuo de sanguine pœnas,
Non veritus, pro me tam fœdæ occumbere morti.
600. Et vivo infelix, nec creber ab ore profundo
It gemitus? Riguo non manant lumina fletu?
Nec violenta meum rumpunt suspiria pectus?
Ipsa suo postquam rerum natura parenti
Indoluit, sensitque tuos, ô Christe, labores,
605. Multa gemens, ipsi flerunt tua funera montes,
Ipsæ te rupes, ipsæ sub rupibus altis
Visceribus diffillæ imis, flere cavernæ
Quin & purpureo dum Titan ore niteret,
Et vespertino præberet lumina calo,
610. Horruit aspectu tam diro, oculosque retorfit,
Pallentemque atri Lunam infecere colores.
His super incensis erumpere nubibus ignes
Terrifici, maculæ obscurum per inane rubentes,
Nigranti fulgere polo, tristisque per auras
615. Audiri voces mœstæ, & suprema minari.
Criminis ipse etiam tanti jam conscius æther

Occuluit sese tenebris, & nocte profunda
Indixit toti servanda silentia mundo.

Rupit & ille dolor tumulos, manésque sepulcris,

620. Invisam rursum in lucem, prodire coëgit.

Et passim simulacra modis pallentia miris

Visa sub obscurum, confusam errare per urbem,

Et terrere vagum subita formidine vulgus.

Istis tum primum populo res credita signis,

625. Offensi tristes portendere numinis iras.

Supplicii socios, ut erant, jam morte propinqua

Semianimes jussu perimit dum funere tortor,

Luçantésque animas invito à corpore solvit,

Christum expirantem, qui tum sub monte, coruscantem

630. Pictus acu Tyria chlamydem, cristáque comanti

Conspiciendus eques juxta respexit, & hastam

Impressit nudo lateri, jam frigida leto

Transadigens fractis alte præcordia costis.

Continuo rigui, rupto de pectore, largus

635. Sanguinis it torrens. Spes hinc spes discite vestras

Mortales. Neque enim frustra divinus aperto

Corde cruor cœpit totis decurrere rivis

Noxas unde omnes, unde omnia crimina mundus

Eluat, atque salus populorum certa sequatur.

640. Nec mihi vile adeò quisquam persuaserit autor,

Sanguinis esse tui pretium, divine Redemptor,

Ut genus humanum non fructus mortis ad omne

Pertineat. Quis enim metas imponat amorì

Immenso, meritumque Crucis tam parvus in arcum

645. Deducat, repetens igitur, repeténsque monebo,

Mortales sperate, suas Clementia leges,

De cruce jam mundo cœpit dictare nocenti:

Et moriente Deo venia exorata Latroni,

Sontibus ostendit quæ spes monstrata futuris.

650. Hæc dubias animat quando fiducia mentes:

Cur non perpetuo rorantes lumina fletu,

Nudæque percussi violentis pectora palmis,

Magnum sponte Crucis provolvimur ante tribunal,

Atque ultro oramus veniam, & commissa fatemur?

Ibo

655. Ibo prior, nec me deinceps terreat cunctem,
 Sit quamvis scelerum species horrenda meorum.
 Parcite cælestes : si Christi morte redemptus,
 Humanas vel opes, fluxæ vel gaudia vitæ
 Affectans, alios quàm Servatoris amores
660. Suspiravi amens. Neque enim promissimus ista
 Christiadæ, quando mundum mundique superbam
 Pompam omnem, ad sacras primùm abjuravimus un-
 das.
 Nam postquam, Christe, humanæ sub imagine
 formæ
 Venisti, vita & monitis, qui crimina primus
665. Nostra redargueres, & nos tua regna doceres :
 Nil super imperio terrarum, aliisve movemur
 Promissis, primo quæ quondam nostra parenti
 Fata ostendebant : spes olim agitavimus istas :
 Quando humilis sortem humanam fortuna decebat.
670. Et postquam nobis regnum immortale parasti
 Sanguine, Christe, tuo: nil jam terrestre putandum est
 Ascitis in spem æternam : nam cœpimus ex quo
 Esse Dei heredes, terram mutavimus astris.
 Deinde ergo jam nullus opum, jam nullus honorum
575. Nos pertentet amor : nec nostras terror inanis
 Poenarum falsa frangat formidine mentes.
 Quis pudor inferno foret inservire Tyranno,
 Cælestis patriæ immemores, rebûsque caducis
 Affixos, postquam obscura sub nocte jacentes
680. Æternam in lucem Christus revocavit, & ægris
 Morte sua medicatus, iter patefecit Olympo?
 Huc ergo scelerum quos conscia vita remordet,
 Huc concursu omnes pacem exorate frequenti :
 Et si vos teneat veniæ spes ulla merendæ,
685. Cruda sui placate patrem per vulnera nati.
 Nare Deo, per eum quo nos mercaris amorem,
 Per spem, quam duro moriens de funere mandas
 Esse reis, per dira necis tormenta cruentæ,
 Perque artus laceros, per sparsos sanguine vultus,
690. Iphis, per veniam quam tu tortoribus oras,

Vulnera trajecti per pectoris, & per amoris
 Cætera signa tui, gentis miserere, nec unquam
 Ipse tui causas bonus obliviscere leti:

Quo stetit humanæ merces impensa saluti.

695. At quamquam fas, Christe, tuæ sit fidere morti,
 Cum patre percussum postquam jam fœdus, & omnes
 Compositæ pacis divino sanguine leges:
 Non erit inde tamen posthac impunè superbis:
 Huc igitur tumido cui mens malè turgida fastu,
 700. Aut famæ malefanus amor, laudumve cupido,
 Sublimes animos & spes inspirat inanes.
 Huc ades: atque tui mortem meditare magistri.
 Ad crucis aspectum se vestra superbia frangat,
 Mortales stolidè vani, atque insana tumentes.
 705. Aspice divino resperfos sanguine vultus,
 Trajectosque pedes, & apertum cuspide pectus,
 Quisquis es, exoso dubitas qui parcere fratri,
 Averfusque fovesodia implacata tuorum.
 At non ille suos, cujus te morte redemptum,
 710. Ostentas furiose, tuus sic frater in hostes
 Christus erat, moriens quando post crimina tanta
 Tàmque graves inimicitias, tibi deinde pepercit.
 Illa tuos reprimat species, & imago furores,
 Si quis adhuc odiis nunquam exsaturatus, amara
 715. Rumperis invidia, fratrum genus omne perosus,
 Irarumque gravis violento agitaris ab æstu.
 Quisquis es, externo thalamos qui prodis amori,
 Connubii que fidem, sacratâque fœdera rumpis:
 Atque inconcessos sub pectore concipis ignes:
 720. Respice, quos pro te moriens perferre dolores
 Sustinuit Deus: & posthac mala gaudia quære.
 Si te expirantis Christi non flectat imago,
 Nullus, mollem animum possit qui flectere deinceps,
 Sensus erit, Morbis namque una medebere nostris
 725. Crux impacatos domitura libidinis æstus.
 Fortunata arbor, Christo pendente, superbum
 Quæ caput excelso mundi super ardua trunco
 Attollis, cælo fructus paritura perennes

Et terris : nostræ lignum fatale saluti ;

730. Quas tibi commemorem, merito quam carmine laudes ?

Te mors primorum spoliis onerata parentum ,
Te domus immanis tenebrarum , umbræq; silentes
Victricem sensere , tuos Acheronte sub alto ,
Captivi quondam manes cecinere triumphos.

735. Te cælo latè , & terris , Ereboque potentem
Tartareæ tremuere acies : tua maxima virtus
Contudit Inferni vires & sceptrâ tyranni.

Tu generis maculam antiquam , prolîque futuræ
Impressam prima mundi sub origine labem ,

740. Lavasti pura divini aspergine roris.
Tu quondam Hebrææ , colubri sub imagine aheni ,
Per deserta Arabum , sanasti vulnera gentis.

Plaudite servato , sacra Crucis arbore , mundo
Mortales , cui nulla unquam certaverit arbos ,

745. Divite tot trunco tales producere fructus ,
Aut caput excelsum passis sic tollere ramis :
Non priscis habitæ quercus oracula Graiis ,
Non Libani cedrus alta , nec Hæmonix cyparissi ,
Olim tempus erit , tua quando supplice cultu

750. Sub juga captivus latè censebitur orbis ,
Cruz instaurato signum venerabile mundo !
Cumque omnes populi , flexo cum poplite Reges
Accurvi sacro libabunt oscula trunco ,
Et tua describent lustrandæ insignia fronti.

755. Magnanimique equites , si quando ardentibus ibunt
In medias acies animis , & castra movebunt ,
Contra Asiam , virésque omnes Orientis , & ipsum
Regnatorem Asiæ , pro Religione tuenda ,
Armbunt , de more , tuo sua pectora signo :

760. Ut bella , & casus belli eventusque secundes.
Curva tuum ipsi etiam servati in litora numen
Nautæ implorabunt : trepidis tu læta reduces
Tempora , te nimbi tempestatésque pavebunt.
Et dubio deinceps quicumque per æquora ponto

765. Vela dabis : cœptam vel jam sub nocte profunda

Ingrediere viam, cæco si fortè tumultu,
 Desuper astra tonent, & inhorreat imbris æther;
 Crebrâque confusis rumpantur fulmina nimbis:
 Irato frustra cæli terrebere vultu,

770. Signa Crucis postquam cervici impresseris altæ:

Et sua templorum quoties penetralibus imis
 Relligio solito peraget mysteria ritu,
 Cælestésque epulas pateris libabit, & auro,
 Omnibus alma dabis Crux prima exordia sacris.

775. Ut te ergo lignum terris, Ereboque verendum,

Ut fidens promptusque animi, te pectore toto
 Amplector, tanta humanæ quæ commoda genti
 Adportas, miseris mortalibus utilis arbos.
 Unica tu generi spes & fiducia nostro.

780. Nec mihi flammifero Hebræus super æthera curru,

Se raptum ostendet Vates, cælóque receptum.

Posthac per te unam fas aspirare beatis

Sedibus, & cæli summa in statione locari.

Numinis æterni nam conciliare favorem

785. Sola potes, justosque animi compescere motus:

Cum suprema dabit mortalibus, ore tremendo,

Arbitria, inque hominum vitas & crimina quæret

Exactor, mundumque ardenti è nube nocentem

Armatus flamma damnabit vindice Judex.

790. Tunc Vatem, Crux alma, tuum, Vatiq̃ue fideles,

Qua virtute potest, spero, servabis amicos:

Lamoniam imprimis, tu diva, tuebere gentem,

Unam præ cunctis studio pietatis avitæ

Insignem, semperque aras defendere promptam.

795. Felix illa domus, si partos inter honores,

Tuta patrocínio Crucis, & morientis I E S U,

Pergat uti cœpit jamdudum infiltrare rectos

Virtutis calles, miserorum intenta saluti.

Felix ipse, caput præclaræ nobile gentis,

800. Si quando, dum regna fori imperiosa gubernas,

L A M O N I D E, & solio leges moderaris ab alto,

Ipsè Crucis sacros numeraberis inter amantes.

Namque tuus nec honos tibi, nec tua purpuratantum,

- Non generis prisco veniens à sanguine splendor,
 805. Non ea quâ populum, non quâ tibi gratia Regem
 Concilias, non quæ memoranda oracula reddis
 Sublimi è folio, fandi non maxima virtus,
 Non reliquæ, quarum magna est tibi copia, dotes
 Profuerint: quantum morientis gratia Christi,
 810. Atque bonæ te sancta Crucis tutela juvabit.
 Cætera nâmque tibi plausus famâmque merebunt;
 Replebûntque tuas auris popularibus ædes:
 Crux dabit una tibi vitæ immortalis honorem.

SIMEONIS DE CHRISTO VATICINIUM. CARMEN INFESTUM

VIRGINIS PURIFICATÆ.

- Q**UALIS olor moriturus, ad udi nota Caystri
 Littoꝝa, funereis ripas implere querelis
 Dicitur, & cantu mortem celebrare supremo:
 Sic annis quondam gravis, & tardante senectâ
 5. Longævus Simeon, divino numine plenus,
 Et pactæ dudum expectans promissa salutis
 Pignora, fatidicas, ipso sub funere, voces
 Vulgabat populis, & Christi facta canebat.
 Fortè quaterdeni jam partu Virgine Matri
 10. Perfunctæ, de more ierant ex ordine soles:
 Et jam legali virgo purgata recessu
 Coniuge cum sancto natum ad delubra ferebat;
 Torquatas aræ imponens pro lege columbas.
 Stabat candenti præcinctus veste Sacerdos
 15. Sacra ferens superûm Regi, sanctâmque parentem
 Hebræas inter matres cum prole piabat.
 Et jam devotas acceperat ara palumbes;

- Cum nato purgata parens ad tecta redibat,
Cui cursu Simeon redeunti occurrit anhelos
20. Festinans, altóque trahens è pectore vocem:
Quanta moves, inquit, mulier præfagia menti.
Túque, puérque tuus! video fata, horrida fata,
Sanguineósq; enses. Simul hæc, simul alta repressit
Ora silens mœstúsq; rogat virgo ipsa silentem.
25. Effari, quæ fata velit, quos nuntiet enses:
Tum vates quamvis illum res ipsa silere
Invitet, timeátque ipsam abstertere parentem,
Dicam equidem, nec te tanti violentia fati
Vincat, ait, natum patri fatísq; remitte.
30. Nam qualis sæpe in castris armata juvenus
Intenta expectat signum, volat acta per auras.
Glans crebra in metam, vel torto spicula nervo ::
Sic erit ille tuus quondam puer, omnis in illum
Telorum effusis tempestas ibit habenis.
35. Jámq; incensum odio, ardentémq; furore tyrannum
Tortorúmque manu scelerata sub arma coactas
Betlemiam passim video volitare per urbem
Undique confusæ resonant rumpentibus ædes.
Infantum lacrymis, & fœmineo ululatu.
40. Heu fuge crudeles terras crudelia regna
Nate Deâ, te tela petunt, tibi funera portant,
Túque ô sancta parens natum his natum eripe telis.
At vos per noctem monitis cælestibus acti
Ad septem gemini properabitis ostia Nili,
45. Vix fisi tenebris, & furto noctis opacæ,
Omnes per silvas foliis trepidantibus auræ
Terrebunt pavidos, & nato cuncta timentes.
At postquam dederit vobis Ægyptia tellus
Fatale hospitium, atque Phari vos rura tenebunt.
50. Proh! quanto virgo infelix turbaberè luctu:
Namque Deum monstra omnigenum, & latratorem
Anubis
Eripiant nato reddendos thuris honores.
Plebíque omnis ritus sua per delubra profanos,
Diraque perficiet patrio mylteria fistro.

55. Sacra hæc, credo equidem, mentem scelerata mo-
vebunt,
Durate; & tantum placidi perferte dolorem
Olim tempus erit, melior cum Memphis, & ipsa
Templorum ritus alios, morésque sacrorum
In melius versis tellus Ægyptia fatis
60. Instituet: quos ah! cultus tum læta facrabit.
Religio, quos & ritus altaribus addet
Ibunt solivagi longa in deserta, profundis
Assueti silvis pueri, innuptæque puellæ,
Atque Sacerdotes longis jejunia ducent
65. Solibus, & nudâ in noctem tellure cubabunt:
Fama Palestinum tulerit cum nuntia regem
Perfunctum fatis, & acerba morte peremptum.
Cælesti monitu Phariis excedere terris
Maturate ambo, sceleratam linquite gentem,
70. Linquite monstri feri septemflua flumina Nili.
Post varios iterum casus vos patria tellus
Accipiet reduces, & tectis læta fovebit,
Nazareosque læres, parvâmq; videbitis urbem.
Hic confanguineos inter, populûmq; fidelem.
75. Vobis parva quies, & in arctis otia rebus.
Alter ab undecimo natum cum ceperit annus,
Vos urbem ad Solymam solenni morte vocabit
Paschæ festa dies, agniquæ epulanda bidentis.
Viscera, cognatæ socio simul agmine gentis.
80. Stipati, patrias natum ducetis ad aras.
Demum perfecto sacrorum munere læti,
Cum cælo piceas nox acta reduxerit umbras,
Atque labore via fessos domus hospita tectis
Ceperit, hospitio proles amissa parato
85. Ah! desolatam deerit frustrata parentem:
Tum tibi tam tristis casûs fatalis imago
Confusam eripiet mentem: quo turbine rerum
Anxia turbabunt diversi pectora motus?
Heu maternatus fatône ereptus amanti
90. Substitit, erravitne viâ, lassûsve refedit,
Incertum, quos mœsta parens absente dolores.

Pro nato accipies : fido cum conjuge quando
Térque quaterque viam repetens clamore replebis
Te miseram incufans , duro jam nulla labori ,

95. Nulla quies curis , gemitu per compita multo
Pérque domos notas , & per diversa locorum
Hospitia , atque vias animi irrequieta redibis.
Qualis ovis fœtu amisso balatibus implet

100. Rura suis , notum respectans crebra recurrit
Ad stabulum , totóque gregem perlustrat ovili.
Illam non liquido quæ vallem interfuit unda
Flumine , nulla novo canentia rore morantur
Gramina , non ramis densæ frondentibus umbræ.

Quamquam autem natus genus alto è sanguine
regum

105. Deducat , seriémque antiquam ostendet avorum ,
Ipsum etiam regem , per tempora longa juventæ
Hunc lare privato vilis fortuna tenebit

Obscurum , & victum multo sudore parantem ,
Cælestésque manus , opera ad fabrilia dantem.

110. Credo , mater , erit pars non postrema doloris
Illa tui , natum quando spectabis egentem ,
Dignum cui late subjectus pareat orbis.

At non ille domo , patriæ non mœnibus urbis
Prodibit , luci coram ostendendus apertæ ,

115. Quin prius horrenti se longe abscondat in umbrâ
Solorum nemorum silvis effusus opacis.

Hîcque quaterdenis jejunia longa diebus
Perferet , atque sitim nullo solabitur æstu.

Intereà trepidi vatúmque urgentibus omnes

120. Perculsi monitis manes Acheronte revulso
Turbantur latéque omnis conterritus orcus

Ecum agitat , quâ vi contra , quo prodeat astu
Ipse autem ante alios vallis regnator Avernæ
Vatibus ostensum sacris ratus affore tempus ,

125. Quo Deus inferno vindex succederet orbi ,
Atque domos Erebi penitus referaret opertas ,
Sollicitus partes animum versabit in omnes :

Si qua forte suo iam magnam avertere cladem

Possit ab imperio, tenebrosâque regna tueri.

130. Ergo illum tentandum altu, insidiisque petendum
Dum tendit, rugas mentitus fronte seniles,
Ipse suum urgebit secum concurrere regem.

Est in deserto vallis secreta profundo,
Obliquo anfractu, quam densis frondibus atrum

135. Urget utrinque nemus, nemoris de colle volutus
Saxosumque sonans it rauco murmure torrens,
Angustique tenent aditus, callésque maligni.
Illo Tartareus summo cum numine princeps,
Vana fremens quondam audebit decernere campo.

140. Cælestes tanto attoniti certamine manes
Hærebunt, animis tantine nocentibus ausus?
Offeret ipse Deo lectos torrente lapillos,
Unde laborata Cereris sibi munera curet,
Atque dies ducta in longos jejunia solvat.

145. Tum raptum in nebulâ, medio feret aëre septum;
Collem in longinquum, & summo sub monte locabit,
Unde omnes regnorum & opes, & sceptrâ superba
Spondeat, æthereo si se pro numine adoret:
Demens! ipse suum tendat qui fallere numen.

150. Hic Mater generosa meis ignosce querelis:
Quid divine Puer poteris committere tantum?
Ut tua Tartaræ te te fortuna tyranno
Infamem in pugnam opponat: tantumne licebit
Prædoni de te infido, qui sedibus exul

155. Æthereis, patriæque olim desertor Olympi.
Exigat immanes æterno in carcere pœnas:
Noctis ubi horrendæ pavor, infernæque tumultus.
Pugnarum tamen hæc & erunt, Puer alme, tuarum,
Clara rudimenta, hoc primum exercere campo.

160. Sed quid ego reliquos nati memorare labores
Persequar, in populum se quando ostendere coram
Incipiet, numen factis, verbisque professus.
Quas furias, quæ non odia impacata suorum,
Quos non ille feret malefidâ à plebe furores?

165. Quæ dum dira fremet necquicquam, & saxa parabit;
Ille cavam objiciet sacro pro corpore nubem.

Et dum Sydoniam serâ sub nocte per oram
Fessus iter feret, hunc fastus induta superbos
Gens tectis abiget longè, hospitiumque negabit.

170. Frustra illum orabunt socii, infensique monebunt:
Contemptum populi porro ne duret inultum:
Mœnia sed subitis disturbet inhospita flammis.
Ipse autem attonitam monstris dum grandibus urbem

Implebit, patriæ primores gentis, & ipsos

175. Deinde magistratus in se patietur acerbos,
Qui tristis stimulo invidiæ, & crudelibus omnes
Instabunt violenti odiis, pœnâsque reposcent.
Seu legem antiquam, veterumque edicta refingat.
Multi etiam nato objicient pro crimine magno
180. Quod non vitabit mensas, cœtusque nocentium.
Nam si quis totâ passim grassabitur urbe
Inventor scelerum, aut legis contemptor avitæ:
Si qua fidem thalami mulier, sanctosque hymæne

185. Fœdarit; si quis furto lætatus iniquo,
Illos præ reliquis in primis creber adibit
virtutum hortator, verbisque monebit amicis
Discere justitiam, & rectos insistere calles.
Quam gravia ille autem, perpelluq; aspera quondam
Perstabit durare, suâ pro gente, quibûsve

190. Sacra exercebit quàm crebris pectora curis.
Ut si quis, si pastor ovem de millibus unam
Amisit, per agros, aut montes forte per altos
Errantem, & seræ oblitam decedere nocti:
Illam per rupes, & per prærupta locorum,

195. Per nemora & silvas, ventos perpeffus, & imbres,
Avia per deserta, & arundiferas convalles
Vestigans, omnes implet clamoribus agros
Nec mora nec requies, pecudem quin deinde reper-

tam

Impositamque suis humeris ad ovile reducat.

200. Cætera quid memorem nato patienda, quid omnem
Quos feret, exponam numerum, seriémq; laborum?
Ut contra jactanda malæ convitia plebis,

Et famulis habitos summo de numine risus,
Præteream, quando longè graviora supersunt.

205. Cui Mater. Nam quæ me autem ad graviora refer-
vas,

O Pater, aut post hæc nato quæ denique restant.
Sic Mater: Matri vates sic deinde locutus.

Hic animos, omne hic animorum collige robur.
Non erit illi unquam Matri par pœna, neque ulli

210. Par fatum nato, sed tantum, virgo, dolorem
Perturbata omnis rerum natura dolebit.

Tu Sol, tūque ô Luna tuos testabere luctus!

Quin etiam toto pallebunt sidera cælo,
Supremos nati ex alto miserata labores:

215. Ipsi etiam montes, saxa ipsa, immania saxa,
Ipsi turbato manes Acheronte refusi,

Tristia per se ultro morituri funera nati
Mœrebunt; sed jam mentem confundit imago
Ista meam, melius tibi res ex ordine pandam.

220. Principio Solymam veniet mactandus in urbem

Cum fociis, & per carum prodendus amicum.

Oscula amicitiae quondam, tunc signa nefandæ

Proditionis erunt, comitis quod crimen avari

Patrabit, sed non turpi lætabere facto

225. Quisquis eris, meritis rumpet tua guttura funis.

Vos ô! Getsemani colles, tūque herbifer hortus

Montis Oliviferi, sacer ah! locus! O ubi vestram

Quis mihi monstret humum Christi de fletibus olim

Rorandam! Nam prima Dei luctantis arena

230. Hæc erit, hæc series pœnarum longa redibit

Sub monte oranti, veniâque à patre roganti.

Hic ferrum, & funes, & acerbæ cuncta videbit

Instrumenta necis, sceleratâque probra malignæ

Plebis, & insanos furiosi militis ausus.

235. Sic dorso infligent palmas, sic vincula nectent,

Et tot transadigent tamque altè in tempora spinas.

Quæ dum cuncta suo tristis sub corde revolvit,

Juxta sanguineo tellus sudore madebit.

Sed jam per montem latè glomerata propinquum,

240. Arma sonant, crudóque volat gravis ære Satelles.
Vincula jam tendunt capto, multóque per urbem
Certatim vinctum læti clamore sequuntur.
Proh scelus infandum! Summi moderator Olympi,
Cui mare, cui tellus, cui paret maximus æther,
245. Ille Deus magno tories datus arbiter orbi,
Judicis humani per se ultrò injusta subibit
Arbitria, injustæ leges, indignaque jura!
Non ego Pontificúmque minas, fallúsque superbos,
Non probra Romuleus quæ per prætoria miles
250. Plurima jactabit, non vulgi verba procacis,
Non comitum turpémque fugam, vanósque pavores
Híc repetam, lacerósque flagris immanibus artus,
Perfossúmque caput spinis, non sanguine dicam
Undantes latè fœdata per atria rivos,
255. Non illudendum Regem, juncóque palustri
Regali quondam pro pompâ, ostróque rubenti
Ornandum, & stultæ dandum in ludibria plebi.
Occupat una meam rupes Calvaria mentem,
Crux tenet una meos sensus. Te ne optime rerum:
260. Infœlix nimium ah Solymæ & cognata propago
Te poterit fixum infami distendere ligno!
Tene ah! tam turpi pœnas expendere letho,
Et medium geminos inter pendere latrones
Infontem genitrix unquam mœstissima cernat.
265. At non diva Parens, non te tam triste movebit
Supplicium, quàm cum natum furiosa suorum
Circumstare odia, & torum fremere undiq; montem
Aspicias diris clamantúm, & acerba furentúm.
Non tamen illa animum, Mater, perturbet imago:
270. Crux est in votis puero vix pene bimestri:
Crux erit in votis crescenti, annósque morantes
Increpirans lentos ah! Soles ire dolebit.
Dum loquor immani rumpuntur saxa fragore:
Terrifici fulsere ignes: & conscius æther
275. Triste sui expavit fatum rectoris, & altæ
Nocte atrâ cælum tenebræ eripuerunt profundum.
Inde tamen speranda salus mortalibus ægris.

Virgo

Virgo tuo quod erit solamen grande dolori :
Proinde patri jam natum ultrò , fatisque remitte.

280. Hæc cum dicta dabat , media inter talia , blando
Ore Puer risit vati , mœstaque Parenti.
Non tamen is potuit Matris lenire dolorem
Risus , ei rupto cœperunt lumina fletu
Turgere , & largis latè decurrere rivis.

285. Cui vates : Mater lamentis parce , neque istum
Inideas nato tam magnæ laudis honorem :
Quando pro totâ communis victima gente
Effuso vitam cum sanguine ponet ad aram ,
Sanguine quo totus demum purgabitur orbis.

290. His dictis tenuit lachrymas , animûmque recepit
Virgo , vovénsque suos , jam pectore fortis , amores.
Nos quoque , ait , nos partem aliquam juvat esse tuo-
rum ,

Quando id fata sinunt , ô dulcis nate , laborum.
Hoc Genitor velit , & fatum commune reposcat.

295. Vos templum , atq; aræ (templum monstrabat , & aras)
Audite hæc , testésque meis assistite dictis.
Hunc ego , quem lapsæ antiquo pro crimine gentis
Fata petunt , mortique pater jam destinat atræ ,
Hunc natum , caros afflictæ matris amores

300. Devoveo , & Matris jus , imperiûmque repono.

Hæc effata , imis durum tamen artubus omen
Contremuit , pèrque ora pavor turbata cucurrit.
Contremuere ædes : quin motis cornibus ara
Horruit , & magno sonuerunt templa fragore.

305. At vates animum Matris miratus , & ipsam
Numinis excepti secum gratatus honorem ,
Hac vixisse tenuis licuit , quid demoror ultrà
Fusus , ait : Manes perfunctum morte paterni
Me socium accipiant , & jam non lucis egentem.

310. Quando fas lumen coram spectare paratum
Gentibus , & mundo ostensam populisque salutem
Sic ait , & cantu moriens sua fata supremo
Cygnorum de more ipsas celebravit ad aras.

M A T E R
IMMOLANS NATUM.
CARMEN IN FESTUM
VIRGINIS PURIFICATÆ.

- V**IRGINEOS partus lustrali lege piatos,
 Purgatâmq; ulla thalami sine labe parentem
 Et numen damnatum aris, hominûmq; solutas
 Carmine fatidico magna in præfagia voces.
5. Aggredior. Tu Virgo parens tua maxima quando
 Quæ canimus, sunt facta, fides ne forte laboret,
 Adsis ô sobolisque tuæ rem numine firma.
 Seu te legalis perfunctum rite recessu
 Tendentemq; viam; & Solymæ tecta alta petentem,
10. Seu sacris in templi aditis discrimine nullo
 Matribus Hebræis permistam, uterûmq; plantem,
 Seu natum templo portantem, arisque voventem
 Dicere contingat, sint omnia virgine digna.
 Sed jam Bethlemiæ pulsata carmine rupes
15. Dant sonitum cælo ingentem, Jordania totis
 Flumina persultant ripis, Solymæ canenti
 Tempa sonant, latèque omnis responsat Idume.
 Jamq; iter ingressam, sancto cum conjugè, Matrem
 Aspicio, sacrosque Deo plorante, per auras
20. Audio vagitus, cælestes agmine longo
 Aspicio circum aligeros, sequor omnia tanta.
 Est delubrum ingens Solymæ sub mœnibus urbis,
 Quod primi posuere patres, quando hoste repulso
 Telluris longum ostensæ, rerûmq; potiti
25. Publica tranquillæ libarent munera pacis.
 Ardua perpetui vasto munimine valli
 Erigitur cælo moles, quæ pariete quadro
 Præruptum montem includit; nam monte sub ipso

- Optarique locum, fundarique aggere sedem
 30. Principio est visum, summaque sub arce locari.
 Mons adeo adducta in planum tellure, per amplum
 Æquoris effusus spatium, latera undique tollit
 Quadratæ in morem turris, quantumque sub auras
 Tenditur, in præceptum tantum descendit, & alto
 35. Vertice subjectam despectat plurimus urbem.
 Impositum gradibus surgit sublime superbis
 Limen, iter partes templi quo fertur in ambas
 Ærati circum vestes, duratque ferro
 Robora, pendentes stridenti in cardine valvas
 40. Attollunt, cælo ad lævam se fundit aperto
 Circumquaque patens, nudoque sub ætheris axe
 Planities, rectorum alto circumdata ductu.
 Sexaginta intus famuli, qui sacra ministrent
 Përque vices anni certas oracula reddant!
 45. Sanctius inde adyrum dextram tenet, inclyta sacris
 Et donis opulenta domus, Libycoque elephanto
 Pone latet sacri arcanum penetrale recessus,
 Unde Dei responsa sonant, discrimine longo
 Stat procul attonitum vulgus, numenque pavendum
 50. Supplicibus votis secreta è sede precatur,
 Celsa ubi se in quadrum dimensa per atria fundit
 Porticus, eductis cælo suspensa columnis,
 Qua populus cum sacra facit, se deinde receptet
 Si fors tristis hyems, aut horridus ingruat imber,
 55. Aut importuni malesano sole colores,
 Planitie altare in media sua cornua tollit
 Æratum, sublime, ingens, ubi sanguine fuso
 Mactatæ fumant pecudes, bustoque perenni
 Sacra immortalis vivunt incendia flammæ.
 60. Huc omnis populique manus, patrèsque verendi
 Confluere, & superùm veniam expugnare precando.
 Hîc functæ partu matres lustralis obibant
 Officium ritus, hac se statione tenebant.
 Tu quoque quamquam omnis vitii sincera, neque
 ullas
 65. Passa vices thalami, quidquàmve experta maritum,

Diva parens purganda venis ! qua purius unquam
 Nil fuit , illimes , non qui per saxa volutus
 Rivus agit limphas , non qui lucentibus ardet
 Per tenebras radiis stellarum argenteus ordo.

70. Ecce autem matrum in turba dum staret ad aras ,
 Et solitum offerret virgo propignore munus ,
 Unum par volucrum (sic lex Hebræa ferebat)
 Forte aderat , juxtaque aram tardante senectâ
 Astabat Simeon , qui plenus numine Divum

75. Aversatus opes , & mollis comoda vitæ
 Templâ frequentabat , monstratâque gaudia terris
 Sperabat fidei intrepidus , pactamque salutem
 Expectabat ovans animi , populoque canebat.
 Nec se fatales leti prius ire sub umbras

80. Audierat , tardamque annis abrumpere vitam ,
 Quam sperata orbi promissæ munera lucis
 Tum demum , senio nequicquam urgente , videret.
 Ille ubi sacra stetit divinæ ante ora parentis ,
 Purâque virginei respexit lumina vultûs :

85. Conspectu populi in medio stupefactus & ardens
 Clamabat , caloque manus cum voce ferebat.
 En sua fatidicis constant oracula dictis
 Absolvuntque fidem , simul hæc , simul impiger ibat
 Ad Matrem , Puerumque sinu tollebat , & altam

90. Intendens vocem , tales dabat ore loquelas.
 Expectata Dei soboles descendit Olympo ,
 Unde salus populorum , & puræ lucis origo ,
 Hic Puer , hic ille est , seris quem fata ferebant
 Temporibus venturum orbi , legesque daturum ,

95. Illum Thariades genitor , qui pectore duro
 Spem generis totam in nato obtruncabat ad aras :
 Ni dextram in vulnus pendentem , & summa paran-
 tem

Librato æthereus Puer avertisset ab ictu.

100. Illum & thariadæ soboles spondebat , & acer
 Luctator superum Isacides , qui fortibus ausis
 Nocturno obnixum tulit in certamine numen.
 Illum omnis patrum series labentibus annis

Venturum, illum omnis vatum prædixerat ordo.

Hoc unum cuncti optantes, unumque precati,

105. Ut quondam nemore in magno cum nocte sub alta
Turba viatorum longis erroribus acta

Per sentes, per tesqua, per & prærupta locorum

Induxit sese paulatim, sidera cælo

Vestigat late explorans, lucemque requirit

110. Nequicquam, nox atra regit, nubésque profundæ

Ast ubi vel primo perstrinxit lumine cælum

Orta dies, lucem inclamant, lucemque salutant

Opratam lucem, plausu nemus omne resultat.

Sic mundo sperate venis, certissima gentis

115. Gloria Abrahamiæ, & summis spes unica rebus.

Tu magni obductum referabis limen Olympi,

Æternasque domos, nosque in tua regna vocabis

Lux idem lucisque author, te fracta pavebunt

Tartara, te tristes umbræ, Manesque profundi

120. Te dominum accipient, cælóq; erebóq; potentem.

Talia jactabat, verba inter singula fletus

Abrumpens, Puerique oculos miratus, & ora

Oscula libabat lachrymans, vultusque rigabat.

Agglomerat sese circum multo agmine vulgus,

125. Matres & pueri atque omnis Jescia pubes,

Et fusi circum assistunt, gaudentque tueri.

Adfuit ante alios serâ qui nocte capellas

Servabat vel oves, aliquis de gente Menalcas,

Cantantem aligerum quando per pascua turbam

130. Audierat, tenues primum cum venit in auras

Divinus Puer, & nostros descendit in artus;

Ille autem narrabat uti, lux plurima cælo

Visa sub obscuram noctem, juvenesque per umbras

Auditi, festos in cælum tollere cantus

135. Atque laboranti pacem portendere mundo.

Pars quoque spectantium Licidas fuit: ille Mariam

Josephumque frequens visebat in ædibus arctis,

Multaque de Puero, de Virgine multa rogabat:

Hunc olli vicina domus permiserat usum.

140. Ille adeo claros proceres ductantibus astris

Narrabat vidisse, externo à Sole profectos,
 Et populos sese peregrina in veste ferentes.
 Dona dehinc aura congesta, & diris odores
 Arabiæ, liquidam itactem, lachrymosaq; myrrhæ

145. Fragmenta, & triti divinos thuris honores
 Portasse, ac Puerum pariter, pariterque Parentem
 Obsequiis instar famulantum, & supplice cultu
 Promeritos, atque officiis certasse priores.

Vix ea finierat, cum circumfusa repente
 150. Plebs fremitu plausuque ruit, coramque videre
 Ardet inexpectum exultans, juvat usque morari,
 Et tali enixam gratari prole parentem.

Quis tibi tum sensus, lætæ quæ gaudia menti
 Diva Parens, quales agitabas pectore motus?

155. Sed tibi (proh rigida dura inclementia fortis)
 Illa omnis tibi, Virgo, brevi eripienda voluptas:
 Poscentique Puer sistendus victima Patri,
 Tūque eadem natum genitrix, eademque Sacerdos
 Crudelem superum monitu damnabis ad aram.

160. Tempus erat cum jam sacris altaria flammis
 Rite instaurantur cunctis pro lege diebus.

Nam populi pro criminibus de more piandis
 Publica solemnes fumabat victima ad aras.

Jamque Sacerdotes veniebant ordine longo

165. Simplice velati lino, flammæque ferebant.
 Pars pueros fontes, cæsi pars exta juvenci
 Portabat, pars multa Deo dicebat honores,
 Carminibus patriis, longe atria pulsa sonabant.
 Vix composita aræ subjectos ceperat ignes

170. Victima, confuso ruit omnis turba precantum
 Agmine: tum pacem tota pro gente Sacerdos,
 Pacem omnes orant alii, fusique per aras
 Visceribus tostis placatum numen adorant.
 Mox ubi supremas perfecto munere voces

175. Sacrorum Antistes solemni more locutus:
 Turba omnis templo abstinit, funduntur apertis
 Agmina porticibus, dein sese quisque recepit.

Interea surgit Simeon, qui Virginis almæ

Hærebat lateri affixus, cœpítque profari :

180. O mulier (pariter Virgo surgebat, & unâ
Attollens Puerum vari ostendebat) at ille
Quanta moves pavidæ mulier præfagia menti
Tûque, Puérque tuus ? nec plura effatus, acerbam
Turbatus vocem medio in sermone repressit ,
185. Tum Virgo. Quæ tu mœstæ funesta Parenti,
O Pater, aut charæ narras præfagia proli ?
Quidquid id est, durum fuerit licet, omnia pridem
Versando mecum exegi, me nulla malorum
Quamquam animi interdum trepidam, sobolique
timentem
190. Terruerit facies; quæ sint fatalia porro
Quæ surgunt animo præfagia, dicere coram
Ne dubita ? Nam me plus ipsa silentia terrent :
Sic Mater, Matri sic vates deinde locutus
Hoc equidem rebar partu connixa pudico ,
195. O genitrix ? Et te quæcumque in fata paratam
Credideram : nec me ignarum spes vana fefellit,
Nec celare tuæ sobolis funesta parabam
Fata, Parens, de te quicquam quod molle vererer.
Non ea præfagæ fuerat sententia menti,
200. Ipse meus vocem pressit dolor ! O tibi quanta
Fatorum incumbit magno quam pondere moles !
Et nisi divino firmaret robore pectus,
Atque novas vires cælum adderet, ipsa dolorum
Turba, tuam, Virgo, quantum fors cunque resistat,
205. Adversumque omnes tollat sese ardua casus,
Ipsa tuam opprimeret virtutem turba dolorum.
Námque ut solemnem populi pro crimine ad aram,
Vidisti dura mactatum cæde juvenicum,
Sic natum Mater crudeli morte videbis
210. Pro populo pœnas dantem, fuscòque cruore
Purgantem humanam, per sæva piacula, noxam.
Jámque dies leti cælo rata, jámque nefandæ
De signata neci, Libano sub monte, cupressus
Fatales tendit ramos, sublimis in auras
215. Pendeat unde tuus quondam Puer, & latus iectu

Perfossū ingenti populis ostendat, acerbæque
Inclinet cervicem altam sub pondere mortis,
Nam neque divinum genus, & cælestis origo
Fatorum legem avertet, certissima proli

220. Quod minime reris mors, cælo autore, paratur.

Tūq; ô diva Parens, quanquam alto vulnere pectus
Trajiciat dolor, & torta seu cuspidē adactus
Intima descendat rupti in penetralia cordis,
Quamquam omnem se cruda modum tormenta, fi-
dēque

225. Attollant longe super, omniāque aspera vincant:

Pectore tu firmo, tormentis major, iniquam
Erecta adversus sortem constabis, ubi ingens
Percussus casu horrendo turbabitur orbis.

Tu Sol, tu candens radiis ô Luna pavebis:

230. Atque operum testes tantorum sidera cælo

Deficient, mœstosque prement ferrugine vultus,

Tôtque inter rerum motus, cælique fragores,

Illa omnis fors dura tibi superanda ferendo est.

Possum alios super atque alios narrare labores,

235. Ni refugis, sortisque piger meminisse nefandæ.

Nam gravis impendet series, & longa malorum

Tum Virgo! quæ me porrò ad majora reservas

Divine ô Vates! quid enim mihi durius unquam

Contingat (mi Nate) tuæ quam mortis acerbum

240. Omen, & indignæ tam tristia nuntia fortis?

Sed mihi crudelis leti prius omen, & ipsum

Letum (oro) tota incumbat cum mole dolorum,

Ante tuos possim quam (dulcis Nate) labores

Aspicere his oculis, aut te te cernere coram

245. Infami trabe pendentem, summosque cientem

Pectore singultus, & fata inhonesta ferentem.

Si tamen humanæ forsan reparanda ruinæ

Damna animam repetant, tota pro gente, litandam,

Hanc habeant, in me ruat omnis turba malorum:

250. Tantum indigna meus fugiat discrimina Natus.

Et si quid nostra demum pro clade luendum est,

Ipsa luam Instabat porrò, & fors piura parabat

Cum vates, abfiste, inquit. Nam tendere contra
Supremos cæli monitus, & jussa tonantis

255. Detrectare nefas: læso pro numine numen,
O Mater! damnandum aris animæque litandum
Divina, sic fata ferunt, hoc poscit Olympus:
Ne tantis proinde imperiis parere recusa,
Cede Deo, dixit. Tremere omnis visa repente

260. Attonito cum vate domus, perterrita Mater
Extemplo supplex in humum ruit, oraque cælo
Et charam attollens sobolem, sic deinde profatur.

Summe Pater, quocunque vocat divina voluntas,
Prompta sequor, nec jam monitis parere recuso.

265. Si tantum potuit generi indulgere suorum,
Natus, ut exitio, & fatis communibus unus.
Se daret hanc ne suæ ut proli laudem invida Mater
Præripiat, summoque Patri, fatisque resistat.

I, potius duros contra tu Nate labores

270. I, morere & ... medio vox gutture pressior hæsit
Septa inter fortemque ausum, nimumque dolorem.
Pene adeo jam victa animi restabat, at altus
Urgeret quamvis dolor, & penetralibus imis
Fluctantem animam versu exerceret acerbo:

275. Illa tamen magno abrumpens conamine vocem
Vocem interceptam, nimumque dolore repressam
I, morere, i, mi Nate, inquit, Patrique supremo?
Et fatis te redde tuis? Quæ pectore firmo
Quamquam effata: tamen durum imis artibus omen

280. Expavit, perque ora tremor turbata cucurrit.

Nec minus interea vates oracula Matri
Cætera pandebat, primis quam dura sub annis
Tempestas Pucro ingrueret, quam sanguine multo
Quæsitus patrias deberet linquere sedes,

285. Tum Nilum exilio peteret, quos deinde labores
Quos quanto rerum pateretur turbine casus
Utque omnes unum contra se tollere, totis
Viribus obnixi instabunt, cæcæque furore
Illius exitium jurati extrema parabunt.

290. Qualiter exortum verno sub sidere solem

- Horrentes atra cum tempestate procellæ
 Tollentem sese, ac roseo splendote micantem
 Involvunt nocte ingenti, & nigrantibus umbris,
 Tum violento omnes, per cælum, turbine venti
295. Certatim insilunt glomeratis undique nimbis
 Mille unum adversus tendunt se nubila solem.
 Talia divino fundebat pectore vates,
 Tristiâque infantis narrabat fata parenti,
 Cum Mater ceu jam non Mater, nulla dolorum
300. Vis objecta, inquit, natum tardaverit, omnes
 In casus animo ingenti fortissimus ibit.
 Tûque adeo supreme Pater sententia quando
 Illa sedet, Puer ut fatis jactatus iniquis
 Tristitia funestæ subeat discrimina fortis:
305. Hoc tu deinde ratum, teneas cum Matre, neq; ullo
 Aut nato, aut Matri indulgens avertē labores.
 Nil ego pro Nato jam deprecor, omnis in illum
 Tempestas ruat, atque atro se turbine vertat.
 Mille illum pœnis, & mille doloribus aræ
310. Devoveo, charâ jam facta è Matre Sacerdos.
 Hæc invicta animi dicebat Mater, & ora
 Tollebat cælo exultans, arâsque tenebat,
 Quin etiam teneram firmato pectore prolem
 Jam divina super Solymæi altaria templi
315. Ponebat, tales promens è pectore voces:
 O qui supremo rerum momenta gubernas
 Imperio (Pater alme) tuis en sistitur aris
 Victima, cui totus terrarum pareat orbis.
 Hancque tibi, quanta est alto tibi pectore Mater
320. Immolat, & morti, si fas est, destinat atræ.
 Tu triste exitium, & clades abolere tuorum
 Morte tua, jam Nate para? Sic funere magno
 Sacrorum implebis divinâ oracula vatum:
 Sic pacem referes mundo, populisq; salutem.
325. Tum forte in Solymis vates longæva trahebat
 Desertam thalamis, & dulci conjuge vitam.
 Nam postquam primi frustratam morte mariti
 Primus amor vacua tectorum in sede reliquit:

Illa omnem porrò nexum aspernata jugalis

330. Connubii, summi legem & mandata tonantis

Affiduo sacrorum usu, obsequiòque fideli

Rite observabat: quin crebris sæpe solebat

Muneribus meritos superis impendere honores.

Illam prima dies, illam postrema videbat

335. Et pendentem aris, & templo vota ferentem.

Inque vicem obsequii, & servatæ ex ordine legis,

Huic quoque fatidica prævertere mente futuros

Eventus rerum dederat Deus, ipsaque genti

Pandere juratæ mysteria sacra salutis.

340. Dúmque aris, populi antiquo pro crimine, Mater

Natum imponebat, templi in statione reducta

Sancta orabat anus, sed res objecta precantem

Terruit, & tanta sacri novitate paventem.

Tum procul ô nostris, inquit, quæ victima templis?

345. Qui ritus, quis rerum ordo, quæ sacra parantur?

Sic effata, gradu ad Matrem tendebat anili,

Et simul augurium agnosco. Sed parces moveri

O Mater: neu tu caræ crudelia proli

Fata putes, ingens clarabit gloria durum

350. Funus, & æterni venient à morte triumphi.

En erit illa dies totum cum fama per orbem

Téque tuamque feret, magno sub nomine, prolem.

Nec jam mortem atram, nec tristia fata pavebis,

Nam quidquid Nato dirum, aut immite paratur,

355. Quondam erit hoc omni clarum ac venerabile mun-
do:

Illum adeo spoliis olim Phlegetonitis onustum,

Et victorem Erebi accipies, cæloque videbis,

Jam parva populis pro libertate, receptum

Hînc stellas, solémque inter sublimis, in omnem

360. Jura dabit mundum, & rerum tractabit habenas.

Nec regni mors finis erit, nec terminus ævi,

Immortalis honos, regnum immortale manebit,

Nec jam cornigeri templis fumantia tauri,

Non tardos hirci spirabunt exta vapores,

365. Aut fuso exundans adolebitur ara cruore.

- Tu divine Puer, sine fumo, & sanguine, jugis
 Victimæ solemnes mactabere Patris ad aras.
 Inde tuum in populos, latè increbescere nomen
 Structæque candenti tibi surgere templa videbis
 370. Marmore, & externas se passim subdere gentes.
 Dúmque his afflictæ mœstos solatur amores
 Virginis Anna Parens, venturæque gaudia narrat.
 Ipsa etiam monstrata sibi solatia Mater
 Immolat, an quicquam Nato, inquit, dulcius un-
 quam
 375. Esse queat? Mea cum Nato solatia ad aras
 Devoveo, cælóque meos permitto dolores.
 Temporéque ex illo sacris exercita Virgo
 Rite suos cælo cum prole vovebat amores:
 Et secreta animo faciebat sacra sub imo.
 380. Donec supremo mactatus funere Christus
 Arduus, immani pendens ex arbore, vitam
 Reddidit urgenti fato, fusóque cruore,
 Arboream est nostro pro crimine cæsus ad aram.
 Sed dum te cælo Natum, fatóque voventem
 385. Dicimus, ac merito laudum celebramus honore
 Diva Parens, factúmque ingens miramur, & altum
 Prole in mactata, ac devoto in numine robur:
 Nos animæ viles tanti turba æmula facti
 Nos, ô Virgo, tuam communis victimæ ad aram
 390. Prostrati accidimus, nostrósque vovemus amores.
 Hostia si Patri Natus fuit, Hostia Matri
 Quis nostrúm (ô comites) esse abnuat? ô mihi tan-
 tus
 Si contingat honos, sacrisque altaribus ultrò
 Damnum accipiat Virgo, admittatque clientem,
 395. Quanta meis demum succedet gloria rebus.
 Non mihi si pleno rerum se topia cornu
 Ostendat, jactétque suos fortuna favores,
 Non si fama omnis popularem spondeat auram,
 Aut Dominum mundo imponat, tibi fœdere certo
 400. Æternos servire dies, & mente subacta
 Virgo tuis malim mactari victima templis.

LIBER PRIMUS.

43

Fors erit illa dies, longo post tempore, tantum
Cum munus nostro tandem indulgebis amori.

Tum tibi divinos Virgo solvemus honores,

405. Effusi ante aras: tum se tibi pectore puro,
Parthenii pia turba chori sacrabit, & ipsam
Certatim instabit voti rea pendere vitam,
Ah felix nimium, si quondam ut cerea tæda
Perpetuis assumpta, tuo pro numine, flammis
410. Ardeat, atque tuam flagret hostia jugis ad aram.

SOLIS

IN AURORÆ SINU CONCEPTI

FABULA.

CARMEN RECITATUM

AD FESTUM

VIRGINIS ANNUNCIATÆ.

- P**RÆGNANTEM sole Auroram, fecundâq; partu
Viscera ab ætherco, & puræ primordia lucis:
Unde suos oculis Titan ardentibus ignes
Extulerit, cæcôque dies se fuderit orbi
5. Ordiri est animus. Vos ô radiantis olympi
Lumina, vos vestrum deducite lumina vatem,
Nullus ubi signata notat vestigia callis,
Stellarum supra caput, astrorumque labores,
Tûque creatarum longe ô pulcherrima rerum
10. Candida lux, seu tu præclari filia Solis,
Sive soror, seu quoquam alio de nomine dici
Malueris, tu callem aperi, da tollere frontem
Splendores inter medios, solémque tueri
Venturum inundo solem, & durare tuendo.
15. Primam, opere in tanto, soboles Jescia partem

Rap. Tom. III.

E

Una tenes. Unam spectant te carmina. Dúmque
Dicimus Auroram , te dicimus ? O bona Virgo !
Divinum , quæ prima refers mortalibus ignem ?
Tu lucis , quodcumque animo spiramus , & aura

20. Concilias ? tu das solem , quo deinde recepti
In vitam sumus ; & patrias revocamur ad ædes
Proinde tuos Virgo vultus , tua lumina vati
Annue , ne quovis præceps offendat , & altum
Tentat iter dum musa , viamque affectat olympo

25. Tu tentanti adsis , & se super astra ferenti.

Ante suos orbi Titan quam promeret ignes ,
Aut Lunæ albentes vultus , aut sidera cælo
Arderet : librata suo jam pondere tellus
Pendebat : sed tarda ægro natura stupebat

30. Corpore , & obscura tenebrarum in nocte jacebat.
Nondum annos rerumque vices per tempora certa
Versabat cælum : nondum prodire sub auras
Audebant arcto vincti sub germine flores :
Et nondum diffusa comis errantibus arbor

35. Tendebat ramos , aut se sublimis in auras
Tollebat , nulli vertebant arva jувenci.
Arebat tellus , victumque inarata negabat
Tam duræ impatiens sortis natura , pigroque
Victa situ , manibus superos orasse supinis

40. Dicitur , & tales in cælum egisse querelas.

O Pater ! immensum nam te dare jura per orbem ,
Atque omni latè leges imponere mundo ,
Et perhibent , & vera fides : quid lucis egentem
Usque finis me quâque tuam , si credere fas est.

45. Nec sum adeo imprudens rerum , quæ denique sortis
Nescia sim nostræ : nam me olim maximus æther
Optavit thalami sociam , quem prole parentem
Fecissem innumerâ , juratæ munera lucis
Si mihi deinde darent superi , vel forte dedissent.

50. Illa olim promissa dabas . hoc affore tempus ,
Cum tenebris demum exemptæ , spirabile donum
Vitæ illuceret , nec Solem aut astra negares.

O mihi si demum superi sperata dedissent.

Lumina , felicis libarem gaudia vitæ

55. Tum mihi res versæ in melius felicibus irent
 Auspiciis , facili fluerent proclivia partu
 Viscera , vitalésque venirent cuncta sub auras,
 Tum varias species animantium uberrima tellus
 Funderet , errarent virides armenta per agros
60. Tum pictæ cælo volucres plaudentibus alis
 Et festo resonum pulsarent aëra cantu.
 Squammiferumque pecus pinnis spumantibus æquo
 Finderet , ac toto gens luderet humida ponto.
 Nam tibi quis meritos aris incendat odores ,
65. Aut altas candenti ædes de marmore ponat ?
 Si lucem eripias mundo : quæ semina vitæ
 Terrena contage hebetes diffundat in artus.
 Unde animæ existant , & mentis vividus ardor !
 Nî facias : nimio tellus oppressa fatiscat
70. Quippe situ , pessumque abeat , victusque ruinâ
 Aut fidat sponte in sese , aut præceps ruat orbis.
 Tûque adeo (rerum nam te penes illa facultas)
 Tantum averte nefas , & acerbis consule rebus.
 Da lucem miseræ : da non indebita posco
75. Dona meis fatis : lucem sperare jubebas.
 Talia perstabat lacrymans , planctûque sonanti
 Crudelésque Deos , crudeliâque astra vocabat.
 Audit , & totum quo numine temperat orbem ,
 Multa obtestantem firmat Pater. Ecce repente
80. Et tremere , & crebros æther flagrare per ignes
 Visus , uti quassâ cum nube , solutus in auras
 It fulgor , longo signat se limite splendens
 Sulcus , & ignito currit per nubila tractu.
 Natura augurium agnovit , cui denique certam
85. Spem visæ inspirat lucis lætabile signum.
 Juppiter interea precibus mollitus , Olympi
 Tecta aperit , superosque vocat , sedet ordine longo
 Turba omnis , prima ante alios stat Juno dearum
 Maxima , tûque pater Pelagi Neptune , frementem
90. Qui premis oceanum : sequitur quam pulcher Apollo
 Ardentes auro vultus radiatus , & igni

Non illi superûm quisquam se tollere contra
Audeat, & primas formæ non cedere partes
Est adeo præstans oris, totôque decorus

95. Corpore: nec roseos violarunt tempora vultus.
Parte ex adversa Phœbo sedet æmula Pallas
Patris amor, Patri longè gratissima Pallas.
Hanc perhibent sacra Jovis è cervice profectam
Et galea insignem, primùm venisse sub auras.

100. Illa autem rerum causas prævertere secum,
Moliri que animo non inscia, mente sagaci
Mens ipsa, instabat patriæ virtutis imago.
Adfuit & superûm chorus omnis, defuit una
Idalius cum Matre puer, submovit utrumque
105. Juppiter, haud illos rerum momenta ferebant.
Tum simul ipse, simul latè omnis turba quievit.

O quibus æternas cælq; describere leges
Fata sinunt, totique suum jus dicere mundo,
Calicolæ, quæ nos causa in communc vocarit

110. Concilium, paucis, animos advertite, dicam.
Ecce novo natura meum clamore fatigat
Numen, & optatæ poscît commercia lucis.
Illa vices sub nocte atra causatur iniquas
Et rerum sortem immeritam. Nos tendere contra

115. Promissæque orbi producere munera lucis
Præterea, Parcæ prohibent. Nam debita Parcæ
Tempora complerunt: nunc qua ratione quid utget,
Expeditam Poltremi habitat sub finibus orbis,
Pura animi, pollénsque oris, flammæque rubenti

120. Picta oculos Virgo, genus alto à sanguine divûm
Quæ trahat, Auroram primi dixere parentes.
Hanc demum venturam orbi, lucémque daturam,
Et parituram agris pactos mortalibus ignes,
Ipse olim fatorum author narrabat Olympus.

125. Tempus adest, quod fata petunt, momentaq; rerum.
Sed fors longævus quamquam id contendat Olym-
pus,

Fatorûmque fides, ni numina vestra secudent,
Ni superi annuerint, frustra speraverit orbis.

Divinum quiddam est magis, ut sine numine vestro,

130. Lux detur : ni divum aliquis descendat, & almam
Ipse suo ferat ore diem, angustaque sub alvo
Auroræ inclusus mortales duret in artus
Luceim immortalem, & moli semisceat atræ :
Non sua speranti constabunt lumina mundo.
135. Ecquis erit vestrum superi, qui tanta gerendæ
Cœpta rei, nitidæque adeo primordia luci
Instituat : nam lux donum immortale Deorum est.
Hæc ubi dicta dedit, contra sic orsus Apollo
Me me: adsum Pater alme, ibo, quocumque vocaris,
140. Ibo animi promptus : mihi rerum Juppiter author
Si fuerit, quosvis patiar perferre labores.
Si tellurem imam, & manes penetrare profundos
Cælum urget, noctemq; atram Phlegetonte sub ipso,
Rumpere fata jubent, in me mora non erit ulla.
145. Nec me adeo tantum absterrent mortalia, quantum
Ipsa animorum addit Patris suprema voluntas.
Cælicolæ stupefacti omnes mirantur, & ipse
Juppiter ante alios, ac tali voce profatur.
Sic equidem de te rebar, mi Nate, neque ullas.
150. Fortunæ fatique vices, te pectore certo
Deinde moraturum, nunc instant omnia quando,
I celer, i fidens rerum, tibi quanta paratur
Gloria ? Námque omni latè dominabere mundo :
Te cælum, & magni suprema palatia cæli
155. Luminis authorem accipient : tibi clara receptæ
Diique, Deæque omnes debebunt munera lucis.
Tecum ibunt flammæ comites, te lumine, & igni
Altra coronabunt, signorum argenteus ordo
Auratum pandet, media inter sidera, callem.
160. Quid dicam totum quoties tibi templa per orbem
Fundabunt populi, fuso quam sæpe cruore,
Solemni de more, tuas fumabit ad aras
Victima ? Quanta sacros ornabunt munera postes ?
Cuncta autem nec me fando meminisse necesse est,
165. Nec vacat, est aliud, memorem quo talia, tempus.
Dixit & amplexus medium perfudit odoro

Nectare : tum sacrum divino lumine vultum
Inflamat , multoque ardentem insigniit auro.

Mittitur interea Auroræ , qui certa reportet

170. Nuncius , it pernix cælo Cyllenius Ales
Præpetibus pennis , & jussu allabitur orbi.
Qualis cum liquido libratus ab æthere . grandis
Aut aquila , aut magno connixus remige milvus.
Ille volans tenues immani verberatauras
175. Alarum impulsu , tum nubes lintuit , & imum
Stringit iter , demumque humili super arbore sedit.
Talis ad Auroram Cyllenius ibat , & altas
Per nubes , tali præceps se mole ferebat.

Orbe sub extremo trans æquora , transq; remotos

180. Æthiopum fines , sublimes pendet in auras ,
Ostentatque caput dorsum insuperabile montis ,
Pendientes inter scopulos , plorantibus antris
Cogitur in tenuem glomerato vortice rivum
Ganges Indarum primus Regnator aquarum.

185. Hic quondam fama est cum vastum conderet orbem
Juppiter ad vitrei sacrum caput amnis , amœnam
Auroræ posuisse domum , montemque sub ipsum ,
Illam amplas spatio ingenti extendisse per ædes ,
Illusas gemmis , & mille coloribus ædes.

190. Vallis ubi obliquo se tramitis implicat orbe ,
Et cæcum furatur iter , sub rupe cavata ,
Angusti patuere aditus , qua limen iniquum
Secretos celat nigra sub nocte recessus
Implicuitq; viam. Haud cuiquam penetrare facultas.

195. Vestibulum ante ipsum stat Phosphorus : igneus olli
Ardet apex , ardent humeri , fuditque per ora
Se nitor : & tenui jam signat lumine callem.

At domus interior mundo purissima cultu
Porticibus longis , longas spatiosa per ædes

200. Panditur ; hic roseis ardens splendoribus ignis
Scintillat , sed Sole minor , qualisque videtur
Cum rubuit moritura dies , damnataque nocti
Pallentem obscura pinxit ferrugine vultum.

Secti intus , positique rato discrimine regnant

205. Per tabulata onyches , pendet laquearibus altis
Ordine perpetuo crySTALLUS plurima , lucem
Quæ ferat in sese & referat , lux æmula luci
Splendore it volitans tremulo , luditque per auras.
Illam & ludentem , & circum se quaque ferentem

210. Accipiunt , redduntque modis conchylia miris
Apta inter sese : ceu fors obducta metallo
Cum solem adversum capiunt vitra , multus in auras
Luce repercussa Sol emicat , omnia circum
Pervolitant radii , lux undique Soles.

215. Ipsa autem , mediis tecti in penetralibus æstes
Aurora exercet varios , modo lilia molli
Ducit acu , fingitque rosas , modo serica carpit.
Vellera , & arguto molitur pectine telas.

Fors tenerum exigua pingebat imagine Solem ,

220. Chrystallo in lævi , & radios tendebat in auro.
Cum subit , inq; domum ingressus se ante ora puellæ
Mercurius dedit , & turbatam , ac multa paventem
Divino affatu , verbisque appellat amicus.

O Dea (namque tibi vitæ immortalis honorem

225. Et decus , & virtus , atque indulgentia Divum
Concessere) suum , per te clarissima Virgo
Expectat Natura diem , te Cynthius ipse ,
Ipsi ignes , ipsa optarunt te sidera Matrem.
Ne tantum mundo munus , neu tu tibi tantum

230. Invideas laudem , cælo nam lapsus ab alto
Viscera per : sacramque alvum , Sol aureus ibit ,
Affabitque uterum : donec susceperit artus.
Hæc ego siderea missus tibi nuncius arce
Certa fero , nec fas tantis non credere rebus.

235. Illa autem posita demum formidine fatur.
O quicumque meum , fatis authoribus , urges
Obsequium , tantæque paras mihi laudis honorem ,
I me , i , divinos cælo testare paratam
In monitus , superis animum testare fidelem.

240. Vix ea dicta , pari sese super astra volatu ,
Munere perfecto , divinus sustulit ales.

E iij

Viderat hæc , qui cuncta vider , qui singula lustrat
Sol Pater , extemplo se per declivia cæli

Libra agens , sed qua movit secumque (per auras

245. Descendens , rutiloque caput circumlitus igne ,

Cærulem infecit candenti limite cælum.

vatibus unde illud tantum memorabile Graiis

Fulsit iter , nivei dictum de nomine lactis.

Nunc quo , quidve modo , post tanta exordia rerum

250. Contigit , expediam , quæ carminis altera pars est.

Attonitam majora cient spectacula mentem.

Nunc animis opus ! ingenti nunc ore sonandum est :

Sed diviſa animo vis incidit. O ubi celsis

Sideribus ? qui me tecum deducat Olympo

255. Cynthia ; cum primum veniebas ? O ubi ! qui me ,

Tecum incedentem , & tam grandia cœpta paran-
tem

Edoceat ? cum primum humilis sub pectore Nym-
phæ

Arcta inter lucem immensam ceu claustra premebas,

Vix primum Auroræ sacras penetraverat ædes

260. Cynthia , ecce novo fremere omnia visa repente

Flammarum sonitu , passimque per atria multi

Collucere ignes , blandoque volumine ferri.

Aurora expavit : nec longum tempus ; amicam

Viscera per , roseosque sinus , se fundere lucem

265. Sensit , & arcano ventrem coalescere fœtu :

Namque Deus blando allapsu per pectora , & artus

Dat sese , miscetque utero , perque ora refusus

Perque oculos Matrem ardenti splendore coronat.

Illa ubi flagranti rutilum caput induit auro ,

270. Tota nitens , tota ætherco spectabilis igne ,

Tota suum referens multo jam lumine Natum ,

Tectorum impatiens cælo exultare parenti

Gestit , & obscuro jam lumina spargere mundo :

Ire juvat ? summosque super se tollere montes :

275. Atque novum terris iubar ostentare , nigrantemque

Exturbare polo , & sub tartara mittere noctem.

Nec jam fata obstant juvat ire , & promere vultus ,

Sole inflammatos vultus, radiisque flagrantēs.

Talia versantem, & multa jam luce superbam

280. Accipiunt, tolluntque leves per nubila bigæ.

Ibat ovans animi Virgo, mundoque ferebat

Optatum lumen, sperataque gaudia terris.

Utque altos ventum in montes, en protinus omni

Nox pallere polo, atque umbræ trepidare fugaces,

285 Puniceique cavis lucere in vallibus ignes,

Et pingi extremo tenebrosum in margine cœlum.

Jamque undis radiati amnes, radiata relucēt

Arva, micat tremulo crispatus lumine Ganges,

Purpureæque agris late increbrescere flammæ.

290. Sed quales primo lucent per cerula mane,

Aut cum sera rubens inflammat sidera vesper.

Ut primum affulsit cœcis lux insita rebus,

Et croceo splendens Aurora incanduit ore,

Obstupuere imis Nymphæ Gangetides antris:

295. Ipse etiam obstupuit claro jam flumine Ganges.

Et procul! O quis te superum lux inclita cœlo

Detulit in terras? Nec plura effatus, in aquor

Præcipitat, Thetidique novæ fert nuncia lucis.

Narrat, uti primo nascens Aurora sub amne

300. Extulit os nitidum terris, rebusque colorem

Infudit, nec vana fides, manifesta per undas

Jam signa apparent, multo nam lumine fluxit.

Mirantur Nymphæ donum admirabile lucis,

Oceanusque Pater, mirantur cætera ponti

305. Numina, Nereides, Glaucus, Tritonque biformis,

Cymoque Xantoque & frontem picta Corallis,

Auro omnes roseam per lactea colla refusa

Cæsariem, lucem inclamant lucemque salutant,

Lucem exoptatam, voces pulsata volutant

310. Littora, & ingenti sonat omnis murmure pontus.

Nec minor interea regnat per rura voluptas,

Ipsi etiam montes, & montibus antra sub imis

Lætitia exultant, ipsi cum fontibus amnes

Auditi festas in cælum tollere voces.

315. Rustice Hamadryades, manibus permutua junctis,

Orbem ineunt, lætasque agitant per prata choreas.

Inde alio tendunt alius ex orbibus orbes

Ordine ab adverso, medius Pan magnus ovanem

Carminis ad numeros moderatur rite coronam

320. Quis mihi Naturæ sensum mentemque recludat

Talia mirantis? Quibus ah clamoribus auras

Pulsabat? Quanto tollebat gaudia plausu?

Ipsa etiam varios tellus induta colores

Gesti inexpectum exultans, stat pectore fixus

325. Auroræ decor, & blandæ cervicis amores.

Illæ sinus multo jam gramine pictæ virentes

Gaudia testatur, jam tentat promere florum

Prima rudimenta, & parvarum exempla rosarum,

Et jam pampineas meditatur collibus uvas,

330. Designatque novos sub inani germine fructus.

Nec te magna Pales, nec te formosæ Favoni,

Officii arguerim immemores, cum munere vestro

Auroræ ambrosios cælum exhalavit odores.

Demque ea tam varia passim ratione geruntur:

335. Ecce iterum læto fremere omnis murmure pontus.

Namque rei totum late ut se fama per orbem

Egerat: ecce suis diversi è sedibus amnes

Gangem invisebant, lucis qui fata verendæ

Pauderet, & primo seriem referaret ab ortu.

340. Ut venere, vident fluvium lucentibus undis

Errantem, & multo fluctus splendore trahentem.

Attoniti spectant omnes: gaudentque rueri.

Auroram toto crebrescunt littore voces:

Auroram rupes, Auroram proxima late

345. Arva sonant, resonatque imis è vallibus Echo.

Ipse Pater summa Ganges caput extulit unda,

Nec mora pandit iter, vitreisque sedilibus amnes

Excipit: at illi primum de luce recepta

Gratari, mox & veniendi dicere causas.

350. Deinde orant, solis quam spes sit certa futuri?

Quam mox fatales tandem est venturus in auras?

Ille autem prudens rerum sic ora resolvit.

Non ea vis animo primas cognoscere causas.

LIBER PRIMUS.

33

O comites, quæ fata tamen dant scire, fatebor.

355. Postquam Aurora novem sacro sub pondere menses
Egerit & raros orbi monstraverit ignes.

Sol demum, tantum optatus prodibit, & oris.

Divinum jubar ardenti ostentabit in auro.

At non ille poli tectum tam rarus obibit

360. Axe super medio versabitur, unde per omnes
Exhibet populos, claro spectabilis igne.

Tunc ô! quæ species rerum, quam læta? quis orbi,

Et quantus nascetur honos? quam certa voluptas?

Tu vero ante alias Soli gratissima tellus

365. Floribus ah! quantis ornabere? Non mihi totum

Si centum linguis pectus sonet: omnia possum

Dicere, tam largo fundit se copia cornu.

Jam video toto passim surgentia cælo

Sidera, & ignivomos volitare per aera currus.

370. Jam pluviis variam pingi sub nubibus Irim,

Solis ab adversi radiis, jamque ora Dianæ

Curvari obliquos, accepto fratre, per arcus.

Quid dicam immenso nascentes æquore gemmas?

Quid concretum imis terræ in penetralibus aurum,

375. Quid stellas aut astra, tuos (Sol alme) labores

Commemorem? Tu prima sacra commercia lucis,

Tu vitam mundo infundis? Te maxima tellus

Authorem rerum, tempestatumque parentem

Prima colit? Vicibus distinguis tempora certis

380. Errantesque suis designas mensibus annos?

Te gemini regnantem axes, & summa tenentem,

Te stellarum ignes, te mundi templa pavebunt?

Te rupes, te saxa, cavæ te, maxime rerum,

Convalles, nemorumque frequens celebrabit imago?

385. Dumque oriens omni partiris lumina mundo

Ah! nihil objiciat se contra. Ah! nubila vultum

Ne lædant, active solo fumante vapores!

Aspirent faciles Zephyri, primoque sub ortu

Assistant volucres, incendantque aera cantu.

390. Silva comas fronti inducat, cæloque repenti

Terra tibi primos instauret veris honores,

Dixerat ille. Novo sonuerunt flumina plausu
 Et Soli felicem ortum de more precati
 Carulei comites sua quique in testâ recedunt,

395. At vos dum nostro socii pendetis ab ore,
 Damnatis vatum mendacia, namque Poetis
 Quis putet esse fidem? Verum non vana loquuntur
 Omnia: sed nostris obducta est fabula rebus.
 Nam quis te Auroram abnuerit, clarissima Virgo?
400. Quæ Solem paritura tuum, paritura parentem,
 Ipsa tibi affundis lumen, mundoque refundis.
 O quis te superum nobis, pulcherrima rerum,
 Misit, ut obductæ eximeres fastidia noctis?
 Natura informi caligine pressa gemit
405. Æternam metuens noctem, tu Virgo gementem
 Solaris: raptæque refers consortia lucis.
 Te tuæ, diva Parens, pro tali munere proles;
 Te multum æternis cæli splendoribus auctam
 Imponat late inundo, pelagoque potentem:
410. Unde tuos cælum ad nutus moveatur, & orbis
 Accipiat leges, præscriptaque fœdera seruet,
 Agnoscant auræ imperium, & maria alta tremiscant.
 Vos vero, lecti ô comites, quos, Virgo fideles
 Jam rite ascivit sua demum in jura ministros,
415. Ite citi, meritos Matri instaurate triumphos.
 Dicite sperato reparatum lumine mundum,
 Et celebrate sacra natum de Virgine lumen.
 Interea summum Virgo paritura tonantem.
 Accipe devotas mentes, nec pectora donis,
420. Sed studiis metire piis, cultuque fideli.
 Quod si quid potuit de te vicisse merendo
 Noster amor: si forte rudes placuere Camœnæ:
 Imperiis tu Virgo tuis, monitisque paratum
 Des animum, inque vicem officii gratata reponas.
425. Donec nos puræ defunctos munere vitæ
 Tollat summa dies: & tardi mole solutos
 Corporis, æternam cæli transcribat in Ædem.

S O L Y M A
SIGNO PARITURÆ VIRGINIS
LIBERATA.

CARMEN IN FESTUM
VIRGINIS ANNUNTIATÆ.

- A** MOSIDÆ magni promissam carmine Matrem,
Et tot prodigiis in secula sera paratam,
Tempore ab antiquo, & concessam munere divûm
Mûsa refert. Quo res primum sit prodita casu,
5. Quo vulgata modo, dum fas, attendite dicam.
Jura dabat Solymis, folioque sedebat avito
Achaz Osiades: cum rursus cœpta profanis
Ritibus & vetitis fœdari altaria sacris.
Tum pateræ direptæ aris, ac vasa nefandos,
10. Proh scelus! addici pollutæ gentis in usus.
Ex illo demum fluere, ac pessum omnia ferri:
Spes rebus labi afflictis, Oracula templis
Cessare, ac voces divûm, & responsa negari.
Cuncta autem ruere in pejus, Rex impius ex quo
15. Lustratum flammis natum obtruncavit ad aras
Crudelis: scelerata novo dum more Moloci
Numina, sacrilegus superum contemptor adorat.
Dumque aliud scelus, atque aliud, ceu molis iniquæ
Ingentem agglomerat cumulum, terramque fatigat
20. Criminibus, cælo numen respectat ab alto:
Et pœnas, sprete pro religione, reposcit.
Continuo attonitam rumoribus acta per urbem
Fama volat, totis hostes insurgere campis,
Conjurare omnem Syriam, populosque cieri
25. Finitimos, qui bella parent, & prælia tendant.
Interea glomerari acies, fremere omnia circum,

Rap. Tom. III.

F

Marte sub externo, durum jam mœnibus hostem
Instare, obsessæque urbi suprema parari.

Et jam rauca sonant ferali classica cantu,

30. Pulsati resonant colles, perque avia longè
Dant sonitum tela ingentem, micat aspera bello
Vis juvenum, primique duces rex Rasin, & acer
Romelides, armati ambo, curruque superbi,
Hebræamque ambo jurati exscindere gentem.

35. Pone subit, magnisque urbi clamoribus instat,
Tota acies, longâque locum obsidione coronat.

Quid faciat pressus mediis in mœnibus Achaz,
Quidve paret? delubra adeat? pacemque per aras
Supplicibus quærat votis? Quid vota nocenti

40. Profuerint? Tyrium ne vocet, totoque potentem
Euphrate Assyrium, certam qui rebus in arctis
Fidus opem ferat, & fines turetur ab hoste?
Fata obstant! Multo circum custode, tenentur
Interclusi aditus, nec spes opis ulla futuræ est.

45. Interea muros primis successibus ardens
Verberat, & pugnam rabido fremit ore Damascus,
Par animi sævit pubes Samaritis, & ignem
Plurima sulphureum, primas molitur in arces.
At cives trepidare intus, ceu nubibus ater

50. Cum Boreas, nemore in magno, bacchatur, &
altas

Verfat agens, motatque ima è radice cupressos.

Tum frondes tremere, & rami, tremere omnia tanto
Vis tam dira agitat jactatam turbine silvam.

Talis agit cives miseros tremor, omnia ubique

55. Desperata: sonat clamor miserandus ad auras.

O Solyma, ô summo urbs quondam dilecta tonanti

Nunc invisa! Quibus te tam crudelia damnis

Fata premunt? At non tanto in discrimine rerum,
Aut Syrus, aut vasta metuendus mole Damascus

60. His mersere malis urbem, in præcepque dedere:
Ipsa tibi scelerum moles immensa tuorum
Hanc cladem parat, & summi ni cura resistat

Numinis, incensas versis jam mœnibus ædes
Et flammæ abstulerint, & ferro exhauserit hostis.

65. Sed nondum visum superis evertere gentem
Atque urbem cælo acceptam, populisq; frequentem
Perdere: stat pœnæ addictum producere tempus
Et posuisse moras, donec se deinde receperit
Mutata in melius, ritus exosa nefandos,
70. Tum forte in Solyinis Hebrææ oracula genti
Interpres divum pandebat, carmine sacro
Inclytus Amosides, quo non præstantior alter
Urbe fuit tota, textum admirabile legis
Effari in vulgus, venturaque prodere fata.
75. Nox erat, & crebro dum circum mœnia luctu
Clarescunt sonitus, rectorum in parte suprema,
Aere sub nudo, puroque, sub ætheris axe,
Obnixus cælo vates, in vota, precesque
Perstabat vigil, & pacem pro gente rogabat,
80. Multa Deum obtestans, talesque ad sidera voces
Tendebat. Quo summe Pater nos deinde reservas?
Aut cur versa tibi retro sententia, tantum
In discrimen agit miseros? Quos ipse vocabas
Spem rerum in magnam. Quid profuit æquore ab-
alto
85. Servatam, & dura Pharii è tellure receptam
Mœnibus his gentem Hebræam cinxisse? quid hostes
Tot monstris juvat attritos? Si tristitia rursus
Bella parant, victæque urbi suprema minantur?
Aspice qui porro casus? quo turbine rerum
90. Quæ fata impendent Solymæ? & succurre jacenti.
Ni facias? Inimicæ acies quippe omnia voltant:
Sacrilegasque ferant in nostra altaria dextras.
Proinde aras spolient donis, captivæque sacra
Permittant stultæ, vana in ludibria, plebi.
95. Si tamen ulteriores, læso pro numine, pœnas
Sumere, si fraudes, & publica crimina flammis
Vindicibus punire ratum est, sparge omnia flammis,
Unum oro, remove infandos altaribus ignes.
Ah! ne sacratum limen gens impia fœdet.

100. Quod si quid forte aut pietas antiqua parentum,
Aut vates prisca, aut ipsi nos deinde meremur,
Da pater auxilium, & duris ne desce rebus?

Talibus orabat vates, & fixa tenebat

Ora polo, signum expectans: cum visa repente

105. Stella facem intentans, tristes fulgere per umbras,
Et medium flammâ ingenti discedere cælum,
Miratur quid visa ferant, quo lumina spectent,
Amosides, iterumque preces orditur, & instat
Pacem orans superos omnes, superumque parentem,

110. Extemplo clarum sonuere per aera cœtus
Aligeri festo cantu, plausumque dedere.
Visa simul curru in volucris pulcherrima Virgo,
Fluentes effusa comas, quam lucida nubes
Purpureo late ardentem circumdabat auro.

115. Qualis virgineos cum promit ab æquore vultus
Regina Astrorum, candentibus acta quadrigis.
Mille illam stellæ comites longo agmine stipant,
Lucentem clara in nebula, mille altra sequuntur.
Qualis & æquoreo Sol aureus exit ab orbe,

120. Formosum radiis caput inflammatus, & igni.
Talis erat Virgo, tali se fronte ferebat,
Sydereis cervicem altam redimita coronis.

Nec mora cælestes hæc vox audita per auras
Illa tibi vates? (Nam vatem ostenta petebant)

125. Illa tibi, quam pacem oras tam fidus, & ubi
Virgo dabit, nec vana putes oracula divum:
Signum pacis erit Virgo paritura, sine ullo
Connubii thalamique usu, rixus, e dolore.
Omne quo, trepidos firmabis denique cives.

130. Tu modo Regem adeas, monituque hortere benigno
Pacem oret, signumque petat, dabiturque petenti:
Si monitus fastum exuerit, moresque superbos.
Hæc ubi dicta; novo sonuerunt agmina plausu.
Tum vati simul ostensum, quo pignore Virgo

135. Exolvat divinam alvum, quo nomine prolem
Rite appellatam ipsius genitoris ad aras
Devoeat? quis honos Puero, quæ gloria, qualis

- Cultus erit, quâ, quem victum, ratione tenebit.
Præterea folio ut sese instaurabit avito
140. Monstratum, variis jactatum motibus orbem.
Pacabit, patrioque Potens regnabit Olympo.
Talibus attonitum visis lux plurima Vatem
Involvit blando allapsu, venturaque fata
Virginis ostensæ manifesto in lumine monstrat.
145. Interea partes animum versabat in omnes
Rex dubius, pendensque animi, quo deinde repellat
Auxilio triste exitium, quibus obvius armis
Durum hostem avertat muris: & consulat urbi.
Et jam tempus erat, cum primum aurora rubenti
150. Vecta polo, cæli albentes discriminat oras.
Protinus acciri proceres, regnique ministros
Imperat, & cœtu in medio consulta requirit.
Circumfusi adfunt primores gentis, & una
Concilium cum Rege ineunt: nec jam amplius armis.
155. Sed prece decernunt templis exquirere pacem.
Ergo omnes delubra petunt, præit ordine longo
Plebs fusa in lacrymas, proceres cum rege sequun-
tur.
Et mala multa suo, mœsti, cum corde putantes
Expugnare parant superos, cælumque precando.
160. Est locus extremæ summis sub mœnibus urbis,
Multus ubi ruptis collectus ab imbribus humor
Stagnum ingens molitur aquis, quo pellere morbos
Atque lacu affectos artus mersare salubri,
Religio tristes ægros non vana monebat.
165. Cum moto interius spumabant cerula fluctu.
Piscinam indigenæ, stagnum dixere minores.
Hic Regem opperiens Vates, dum templa petebat,
Et molles quærens aditus, ac tempora fandi,
Stabat, vicinum qua se piscina coarctat
170. Ad fullonis agrum: dumque illac turbidus Achar
Tendit iter, multo venienti occurrit honore
Amosides, talique prior sermone paventem
Aggreditur. Quid tu bello terrenis inani,
O bone Rex? Nam quæ turmis hostilibus urbem.

175. Arma premunt, mox cassae leves solventur in auras.
Et quamquam ardentibus animis, tumidique secundo
Marte ruant, strictisque insistent mucronibus hostes,
Stant contra, rebusque favent pia numina nostris.
Proinde animi intrepidus spem pacis præcipe certam,
180. Nec belli moveare minis, sunt agmina caelo
Quæ (si fata premant) urbem defendere possint.
Tuque ô posce Dei veniam, supplexque precare
Det signum caelo placidus, quo pignora firmet:
Nam signum obsessæ quodcunque oraveris urbi,
185. Haud superi abnuerint, tantum pete fidus, at illum
Dicentem Princeps, & dicere plura parantem
Impatiens animi, medio in sermone repressit.
Quid tu autem me justâ inquit formidine pressum
Increpitas? Superosque jubes tentare petendo?
190. I procul: & ficta cum religione nefandos
Fer plebi dubiæ monitus? Nil me ista movebunt:
Nec fas est, nec signa petam: ne forte petendo
Numinis ipse fidem arguerim, dubiusque refellam.
Nosque adeo, quo se dederit fortuna, sequamur.
195. Insequitur Regem Vates, tenditque benigno
Hortatu, si quâ mentem expugnare superbam
Arte queat, verbisque monens insistit amicis.
Ille etiam fixus contra, obnixusque resistit
Demens! qui dum se superos tentare recusat,
200. Ipse suum crimen pietate obtendit inani.
Non tamen abstinuit dictis, monitisque pepercit
Amosides. Nam multa Deum testatus, Achazō
Promittit tanto ultricem pro crimine pœnam.
Intentatque minas, Vatem nihil ille moratus,
205. Inceptum tendebat iter, temploque subibat.
Jamque Sacerdotes concursu ingentē coacti
Stabant porticibus longis, & sacra parabant.
Interea Vates fandi doctissimus unus
Qui fuit in Selymis, & consultiissimus æqui,
210. Vestibulum templi ante ipsum, spectante corona,
Verba facit populo: stant cives agmine magno
Condensi, pendentque sacro dicentis ab ore.

Ille autem primum affatu solatur amico.

Indigenas trepidos rerum, & formidine cæcos,

215. Hortatur revocare animos, cœptumque timorem

Ponere: tum certo pacis pro pignore signum

Ostendit, seræ ætati memorabile signum.

Narrat, uti sæclis olim labentibus, orbi

Virgo Parens promissa, patres id prodere priscos.

220. Dein veterum sacra evolvens monimenta parentum,

Atque Deo plenus, de Virgine multa canebat.

Ut quondam aeterno pro Virginitatis amore,

Et fugiet thalamos, & se sacrabit ad aras.

Mox ut divinum spectabit crescere ventrem,

225. Nulli mixta viro, nullos experta hymeneos.

Nam Pater omnipotens, cui cæli regia pareat,

Afflatam implebit cælesti desuper aura:

Solaque virgineum servabit Mater honorem.

Qualis felici tollens se citrus in horto,

230. Cum primum ad vernos frondent arbuta tepores,

Inter odoratos flores, sua crescere poma

Miratur, ramisque & flos & fructus in iisdem est.

Sed quid ego hæc inquit non forte ignota revolvo:

Antiqui quando hæc portendunt omnia vates:

235. Sive rubum foliis, flamma in crepitante, virentem

Corniger Ifacidum ductor, sive inclytus armis

Joasides, fufis impervia vellera nimbis

Expediebat, erant magnæ præfagia Matris.

Et quamvis incredibile, ac mirabile signum.

240. Forte fidem eripiat dictis, aut visa refutet:

Fata viam ostendent: nec pluribus insuper addam,

Quæ mihi, matre super, pueroque objecta per
umbras.

Talia narrabat Vates, simul ora rigabat:

Uberrim rupto testatus gaudia fletu.

245. Tum populus scitari ardet, subigit fateri

Quid monitus, quid visa ferant? Remque ordine

pandat.

Ille autem exultans animi, fandique paratus,

Dicam equidem, ô cives, nec tanta arcana silebo.

Nec tu carminibus, Regina, tacere nostris,

250. Quæ patrias inter longe pulcherrima nymphas,
Centum optata procis, sacrabere patris ad aras
Virgo torique omnem plane averfaberis usum:
Sic tu concubitu nullo, mirabile dictu,
Cælicolum regem educes in luminis auras

255. Mortalem, nostrosque artus, nostra ora ferentem.
Quo nascente, omni surget gens aurea mundo,
Lætaque mutatis procedent omnia sæclis.

Haud aliter longo cum terra exaulta calore
Finditur, arentes herbæ moriuntur, & omnis

260. Languet ager: tam si liquidis se nubibus imber
Ruperit, & magnum descenderit agmen aquarum,
Continuò tollant animos fata, gramina surgant,
Vernantique solum se passim vestiat herba.

Nec tu, magne Puer mihi non memoratus abibis,

265. Unus qui populi crimen commune refellis,
Et vitam inspiras mundo, lapsæque ruinas
Instauras gentis, quas cælo reddis habendas.
Tuque adeo generis propter commercia nostri,
Indutosque artus, nervis ac ossibus aptos,

270. Emanuel seris olim appellabere sæclis.

Ille autem quamvis genus alto à sanguine Regum:
Et trahet, & longam seriem numerabit avorum,
Parcus erit, dapibusque famem solabitur arctis:

Huncque adeo, teneris immutgens ubera labris,

275. Lacte & cadenti, & silvestri melle, fovebit
Casta Parens, Puerumque cibo durabit agresti,
Ut fas atque nefas, æquum discernat iniquo,
Humanum in morem, & nostros se fingat in usus.
Quid memorem quantis populos terrebit, & urbes

280. Prodigiiis? Quid facta viri præstantia dicam?
Utque alios longe ritus, legesque sacrorum
Instituet, moresque novos, nova fœdera ponet.
Ipsi autem monitis homines cælestibus acti,
Discere justitiam, & virtutem prodere factis.

285. Incipient, aliosque aris imponere honores.

En erit illa dies! totum cum læta per orbem

LIBER PRIMUS.

63

Pax ibit, positoque silebunt classica ferro,
Pacem urbes, pacem arva, choro plaudente, sonag
bunt.

Simplicitas, & cana fides, virtusque redibit

290. Omnis, & irriguo sudabunt nectare rupes.

Ipsi etiam fontes, ipsa & vaga flumina lacte

Undabunt, plenae manabunt gaudia ripae.

Magna Puer ducet latos armenta per agros

Securus, nec jam maculosos tergore tygres

295. Horrebit, saxisque habitata draconibus antra.

Tum sua mansuetos in rura venire leones,

Ingentesque feras descendere montibus altis

Mirati agricolae, & campos tondere virentes,

Jam nullum pecori exitium, armentisque timebunt.

300. Exhibunt molles, longa in deserta juvenci

Permixtique feris, ad limina nota redibunt:

Parvus ubi pascor, vix matris ab ubere raptus,

Taurusque, horrentesque urfos injecta docebit

Fræna pati, victosque eadem ad præsepia coget.

305. Quin etiam, nec vana fides, per inhospita tesqua,

Lanigero mixtus pecori lupus ibit, & altos

In saltus, tuti errabunt cum tigribus agni.

Non timidae fugient, aquila veniente, palumbes,

Turribus è summis, aut murmura rauca sonabunt.

310. Nec quæ nunc arvis passim infelicibus herbae

Sponte sua tollunt sese, falluntque legentes,

Frugibus officient lætis, segetique nocebunt.

Quercus poma feret, pendebunt sepibus uvæ,

Nec messem agricolis tellus inarata negabit.

315. Talia perstabat memorans, Christumque ferebat

Venturum excidio Ægypti, Memphimq; superbam,

Atque Ælam, atque Assur, Solymis in regna daturum;

Postquam autem belli signum cælestis ab arce

320. Imperii extulerit, densis glomerata manipulis

Gens Hebræa, suos aciem instaurabit in hostes.

Quique odiis Ephraim nunc inflammatur amaris

Germanum in Judam, rixasque & jurgia miscet:

In melius referet sese, fratrique favebit.

Sed mihi tantarum seriem deducere rerum :


325. Nec quid, quæque dies, quo temporis ordine portet,
Narrare est animus, nec si foret, omnia possum.
Unum autem, quod res, & tempus postulat unum
Accipite, & duris rebus sperate salutem.
Nam certam testatus opem Deus, æthere ab alto,
330. Signa dedit, cæloque fides manifesta monenti est.
Jamque urbem vobis dura obsidione solutam,
Concessamque Dei supremo munere pacem
Edico. Nunc qua rerum ratione, quod instat,
Expediam : reperet numen pro crimine regis
335. Supplicia infensum. Rasim, Phaceasque peribunt.
Quod superest, ite ad templum, veniamque precati
Supplicibus sacros aris adolete vapores ;
Et meritas tanto pro munere solvite grates.
Cælicolum Regi primum, magnæque Parenti,
340. Quod servent feri ventura in secla nepotes.
Vix ea dicta, eadem simul omnes ore fremebant.
Nam fuso circum populo, post omina tanta,
Credita res, Vati que frequens tam mira ferenti
Plebs grata, volat totam jam fama per urbem,
345. Agmina desertis cessisse hostilia castris,
Et patriam petiisse, juvat procedere muris,
Atque solum late aggeribus fossisque paratum
Cernere, qua populo exitium impendebat, & urbi,
Ni superi afflictis jussissent fidere rebus.
350. Interea festo velati tempora ramo ;
Mactatis cives faciebant sacra juvencis :
Jam venturam inæo venerati pectore Matrem.
Olli divinos, ut cuique est copia, honores
Laudibus instaurant variis, celebrantque frequentes
Prostratos signo parituræ Virginis hostes,
355. Et promissam urbi tanto sub pignore pacem.
Quis nostrum ô comites, post tanta exordia re-
rum,
Atque orbi pactam, per tot miracula, Matrem,
Ipsi usque adeo facta admiranda parentis
360. In laudes cessare queat ? Te maxima Virgo,

Venturam primis olim cecinere Prophetæ
Temporibus, divina modis oracula miris,
Promisere tuos miseris mortalibus ortus.
Nondum spirabas vitæ letabile lumen,

365. Cum jam importunum Solymæ à mœnibus urbis
Hostem avertebas, & pacis dona ferebas.
Nos quoque speramus, postquam te nostra tulere
Sæcula, te pacem Europæ, mundoque daturam.
Hoc unum, quod fata negant, præque omnibus
unum

370. A te expectamus: nec spes frustrabere nostras.
Nos tua progenies etiam majora precamur,
Speramusque, piæ functos ut munere vitæ
Sedibus æternis, æterna in pace reponas.





HEROICORUM

LIBER SECUNDUS.

TEMPLUM FAMÆ, CARMEN HEROICUM,

*QUO STUDIORUM SUORUM
primitias Cardinali JULIO MAZARINO
avunculo suo ALPHONSUS MANCINUS
ad Kalend. Jan. an. 1657. consecrat.*

SINT alii, qui carminibus te, maxime JULI,
Clarorum dum facta canunt memoranda viro-
rum,

Vel sperent se posse, vel ausint dicere Vates.

At non illa mea (quamquam excusanda, nec ulli

7. Permittenda magis) veniat fiducia menti.

Sed par fortè animus quamvis ad carmina desit,
Desperemque tuas laudes æquare canendo:

Ipse tamen referam (si fas audere) quid isto

Monte super, tibi Fama, paret quos Phœbus ho-
nores.

80. Tu modò (difficiles dum mundi tractat habenas,
Respirare animus si quid tantisper, ab altâ
Rerum mole sinit, nec Vatem audire recusas,

Cantantem

Cantantem tua facta, tuo de sanguine Vatem)

Tu bonus aspira justas in carmina vires,

15. Da magnam vocemque tuo ingeniumque Poëta.

Tum Tyberis, tum me pater Apenninus, & omnis
Audiet extremis è finibus Itala tellus.

Omnis cantanti jam Gallia plaudit, & Alpes

Attonitæ Vatem agnoscunt, nutuque saluant.

20. Phocide in extremâ, bijugo se vertice tollit,

Inter delicias nemorum, antrorû nque recessus,

Et prata, & fontes & amœni gaudia ruris,

Mons olim multo celebratus carmine Vatum,

Parnassum veteres primûm dixere Poëta

25. Huc tendunt, montisque sacros accedere fontes,

Affectant: si qui, lævo non numine, Vates

Esse velint: nec enim famam sperare canendo

Fas cuiquam, meritæque caput circumdare lauro:

Ni prius Aonium, certus non cedere, montem

30. Vi superet, summoque super se vertice sistat.

Ipsæ etiam, Magne ô J U L I, dum me tua porro

Musarum dulci in gremio, & felicibus ulnis,

Jussa tenent operi addictum, studioque Minervæ,

Parnassum ipse etiam in montem, & super ardua
montis

35. Aut ibam, jam laudis amans, aut ire videbar.

Cum prior, ante alios, venienti occurrit Apollo

Ipsæ loci præses, sacræ occurrere Sorores,

Omnes Phœbæ præcinctæ tempora lauro:

Perque suos fontes, & roscida fontibus antra,

40. Per montis delubra, novum duxere Poëtam.

Istorûmque habitus varios, cultusque locorum

Monstravere, artésque, suo sub monte, repertas.

Nam primus curis acuens mortalia corda,

Artibus ingenuis homines formavit Apollo:

45. Ne turpem traherent inhonesta per otia vitam.

Monte super summo, planæque ex aggere terræ.

Surgebat delubrum ingens, æquatæque cælo

Machina, tercentum cælo suspensa columnis.

Cui non sublimi Rhodius de mole colossus,

Rap. Tom. III.

G

50. Non Pharos, immanes tollens, pro funere Regum,
Pyramidas, non ipsa Jovis Capitolia certent.
Ut ventum ante fores. ALPHONSE, hanc aspice
molem,
Phœbus ait, summo quæ sese tollit olympos.
Is locus, hæc Famæ est sedes, Templumque super-
bum,
55. Quod Musis permixtæ Artes struxere, tuoque
JULIADÆ posuere, vides! quæ fronte sub ipsâ
Se pompa ostendat, quanto molimine surgant
Atria, porticibus quàm vastè extenta sub amplis.
Mirabar molem immensam, magnâsque stupendæ
60. Artis opes, seriémque operum, egregiósque labores.
Vestibulum ante ipsum, puro de marmore, Famæ
Extabat simulachrum ingens, par illa volanti
Magnum remigium alarum tendebat in auras,
Inflabatque tubam: textus pendebat ab illâ
65. Tortilibus nodis, & picto ardebat in auro
Carbasus, insigni portans pro stemmate fasces,
Romanos fasces, permixtâque fascibus atra.
Et MAZARINO tuba nomine plena sonabat.
Nomine quo, pulsî resonabant undique colles.
70. Tum nos vestibulum ingredimur, Temploque su-
bimus.
In medio, lævi stabas de marmore totus,
At non purpureo, per tempora, vinctus amictu,
Sed lauro caput, & frondenti cinctus olivâ.
Palladias, quod amans Vatum, informatus ad artes,
75. Ipse dabas operam Musis, cum prima sinebant
Otia, nec totum te Regni cura tenebat.
Hicque prior, solito ante alios te Phœbus honore,
Ceu præsens Templi numen veneratus, idemque
Musarum chorus omnis, idem fecere Poëtæ,
80. Virtutisque tuæ assueti, nebulque canendis.
Ipse aderat reliquos inter, sed in agmine, Vates,
Qui Claro sub Monte, bonas me format ad artes.
Durum erat, in tantâ spectari luce, modesto:
Quamvis ille tuas & mecum, carmine puro,

85. Cantaret laudes, & me cantare doceret.
 At dum turba omnis circum, tua facta Poëtæ
 Alterni repetunt cantu, celebrantque frequentes.
 Certatim Musæ summi laquearia templi
 Exornant, lectisq; tuum pars plurima gemmis
90. Inscribunt muro nomen, lauróque coronant:
 Pars auro cælata, & grandibus aspera signis,
 Solemnem portant vasa imponenda sub aram:
 Pars ostrum Templo intendunt, artisque tapetes
 Barbaricæ: fulvo resplendent cuncta metallo,
95. Pars & Romanos fasces, insigne paternum,
 Adjiciunt, & res describunt ordine gestas,
 Parietibus summis. Illic mihi prima Casalís
 Fœdera monstrabat Phœbus. Stat Martia pubes
 Arrecta, expectans signum, jam jámq; parata
100. Irruere, & versis concurrere cominus armis.
 Tu rerum medius, tanti in discrimine belli,
 Pernici volitans, turbata per agmina, cursu,
 Prætendensq; manum, pacis responsa ferebas.
 Et quamquam ardentés spirarent prælia turmæ:
105. Arma ultrò posuere: venit Pax lapsa per auras
 In fœdus: galeæ circum, gladiisque per agros,
 Scutæque, loricæque, & tympana strata jacebant.
 Parte ex adversâ, pictus sub vertice sacro
 Montis Aventini, multóque superbus in ostro,
110. Stabat Honos, radiis caput inflammatus, & igni,
 Tingebátque tuas, Romano murice, vestes.
 Mille illum longo stipabant agmine Nymphæ:
 Pars tibi multa novos etiam terebat amictus,
 Purâque Sidonio fundebat vellera succo,
115. Addebátque rosas ostro, æternúmque ruborem.
 Rex tibi Franciadûm, magnæ de munere Romæ,
 Rebus pro gestis, hos conciliabat honores.
 Purpureos inter Patres sublimis, & ipse
 Purpureus, tu deinde aliâ de parte sedebas;
120. Ausoniumque tuo implebas splendore Senaturn.
 At tu, Romano jam tum spectandus in ostro,
 Posceris ad Franci res, summâque munera regni.

- Illic pallentem **L O D O I C U M** morte propinquâ,
 Cernere erat, mediôque tuam, sub funere, dextram
 125. Prenfantem, dum te Regni in suprêmâ votatum
 Concilia imponit rebus, pro parte, gerendis.
 Túque adeo summo positus sub cardine rerum,
 Reginæ, Regique fidem, obsequiûmque vovebas,
 Dum te poscebant rebus tutamen in arctis :
 130. Juratâmq; fidem, cæli è regione serenâ,
 Firmabant testes Superi; quin ipsa favorem
 Mitia pacato spondebant sidera cælo :
 Hîc tamen interea summo delapsus olympos,
 Aliger is, Regni cui tradita cura, per auras
 135. Hos tibi, de cælo, monitus : hæc jussa ferebat.
 Dum regis hunc, **J U L I** populum, tu lenia lemîs
 Exerce imperia, assuescant parâre volentes :
 Imperium placidæ debes placabile genti.
 Hîc rerum series sese magis ampla tuarum
 140. Pandebat, Regni heredem, quem fumere in ipso
 Rex tibi, supremum moriens, mandarat alendum,
 Formabas, facilémq; animum, mentémq; benignam
 Accipere in populos, dulci sermone, monebas.
 In medio, Franci stabat spes publica Regni,
 145. Magna ferens magnæ præfagia mentis Alumnus :
 Cui flammis acres oculi, vis ignea vultus,
 Blandâque majestas divino ardebat ab ore.
 Et quamquam molles animus præverteret annos,
 Armorum magno jam tum inflammatus amore,
 150. Et crudum forti spiraret pectore Matrem :
 Placabas monitis Puerum, ardorémque premebas.
 Sic magnum Pelidem olim formâsse sub alto
 Pelio, ubi in rupes tollit se Thessala tellus,
 Dicitur, & Chiron animi maturus, & ævi.
 155. Ille tuo primùm mansuescere doctus ab ore,
 Indomitos placidâ Celtas sub pace regebat.
 Et quantò laudes plus exsuperabat avitas
 Pacis amans bellique Puer, quantò altiùs ibat
 Ante alios Reges, tantò te pluribus omnes
 160. Laudibus ornabant Musæ, Regisque juventam,

Et primos mores, inter tua maxima facta,
Pingebant, tabulamque auro, & sandice linebant.

Deinde alto tua, Reginae tum regna tenenti,
Consilio spectata fides, variisque probata
165. Eventis rerum, fato prudentia major,
Eventum cælo magnis Heroibus addunt,
Gloriæque ingenti te portat ad æthera curru.
Linquentem terras, & jam supera alta tenentem
Te picturato Fama ostendebat in auro.

170. Subter erant, humili sub humo, ornamenta favoris,
Quæ tibi, congerie immensâ, Fortuna parabat,
Aurea vasa, & opes auri argentique talenta,
Purpuræque, trabæque, & vani insignia honoris.
Tu, rapido in curru, longè super arduus ibas,
175. Grandi iter affectans, rerum ad sublimia, cursu.
Fallacis vitæ dum nos hæremus in umbrâ
Mortales, laudémque brevi speramus ab ævo.

His super attonito, atque oculos per cuncta ferenti,
Quæ rerum species, quanto confusa tumultu
180. Objicitur! picta obscurum & ferale rubebant
Sidera, pallenti cælo: ceu perdere regnum
Conjurata: feri sic nunquam arsere cometæ
Cum populis cladem, & strages, & funera portant:
Infra autem Mavors civilibus intonat armis
185. Efferus, & toto insultans discordia Regno
Arma fremit, cæci que ruunt in mutua Cæta.
Illic & pontes rumpebat Sequana, & ipsam,
Exundans ripis, terrebat fluctibus urbem.
Qui te tum casus, ô Gallia, quanta tenebant

190. Bellorum monstra implicitam? Quæ tum tua, magne,

Venerat, ô JULI, quàm dura in tempora virtus?

At dum me belli species tam dira tenebat
Attonitum: Juvenis, turbata per agmina, visus,
Ense viam rumpens, summâ cui casside cristæ

195. Undabant, rutilisque caput fulgebat in armis.
Frater erat, vultum agnovi, formamque decentem,
Ingentésq; animos: nam quo magis arma sonabant,

Stridebátque gravis, ceu turbine grandinis, imber
Telorum, medios ibat moriturus in hostes.

200. Ah! quo te Germane, tuus rapit ardor? ut atro,
Ante diem, properes violentam funere mortem?

Quo te funestæ laudis tam sæva cupido
Impulit? At tanto victus discrimine rerum

Occumbit, tunc Regis amor, regnique voluptas,
205. Nunc desiderium: manibus date lilia plenis
Franciadæ, fudit, Franco pro Rege cruorem.

Nec porro cuiquam, tam pulchrâ morte peremptum,
Contingat plorare, tui, pro munere summo,
O. Germane, mihi quærat gloria leti.

210. Nam quamvis mihi Roma suos ostendat honores;
Et primis faveat studiis non lævus Apollo.

Quippe suo Musæ nuper plaufere theatro,
Victori socios inter, palmâmq; ferenti:

Ipse tamen lauros, alio sudore, paratas

215. Quærere amem, nam me bellandi gloria, & ingens
Ardor agit, forti quam primùm occur rere leto
Et fuso partum tutari sanguine nomen.

Sanguine quo, JULI, tua purpura fortè ruberet,
Splenderétque magis, si qua est ea gratia tantis

220. In nostram passimque domum, ALPHONSUMQUE
nepotem,

Pro meritis, quod spe jam tum præsumere lentum est
Cui non iusta ætas hoc invidet. O ubi! qui me
Erudiat bello, laterique accommodet enssem,
Et dulcem hanc, pro te, pro Rege, impendere
vitam,

225. Inducat, quo me præclara exempla meorum
Invitant; nam Magne, tuo de sanguine, JULI,
Magnam mentem hausi, quando lucisque, suique
Contempterem animum, vestrâ de gente, recepi.

Hos animos, pro te, bello fortissima tellus

Franciadum, dedit hos animos mihi maxima virtus
230. JULIADÆ, mortémque, tua pro laude, pacisci
Hortatur paribus Germani gloria fati.

Quamquam ô, seu bello, seu me tuâ destinat aris,

O JULI, fuerit mihi: quæ pro lege, voluntas

235 Non parere negem, quidquid durando ferendum est.
Nec ferre abnuerim, fuerit quodcumque laborum:
Nos genus Æneadûm, primi de sanguine Teucris,
Romulidæ, leti immemores, quos Martia virtus
Et conferre manum cum fato, & spernere vitam

240. Instituit, veros contemptu mortis, honores
Quærimus, & fuso speramus sanguine laudem.
Talibus auspiciis sese gens Romula mundo
Imposuit, finésque suos æquavit olympo.

At non, qui morti sese devoverat atræ

245. Cæde suâ, tantos potuit sedare tumultus
Germanus, non summa omnis prudentia Regni.
Tantus amor belli, & sceleratæ insania cædis.
Armari ferro populos, portisque moveri,
Et Martem tentare, aliâ de parte videres.

250. Cuncta armis confusa; omnis monstrabat imago.
At simul ostendis pacem, Regémque reducis.
(Namque reducebas Regem, pacémque ferebas)
Hos æstus animorum, atque hæc incendia tanta,
Quæ miseri media ardebant per viscera Regni,

255. Restinguis, toto hîc fugiebat pallida campo,
Scissa comam, & lacerâ incedens Discordia pallâ.
Quin mœsto Mavors dejectus lumina vultu,
Terga dabat, lætôque redibat Pax bona gressu.
Qualis cum volucris populus florentis Hymetti:

260. Quamquam regna ardens animi, sibi cerea fingat.
Ipse tamen, rege amisso per castra vagatur.
Turbatus, rumpitque fidem, cellâsque resolvit.
At si fortè vagum, per rura virentia, pastor
Restituat genti regem, cellis reponat,

265. Pacis amor redit, & fundendi gloria mellis:
Ac se mutatis, componunt omnia, rebus.

Æquora deinde mari, Phœbus, prætentâ Britanno
Pinxerat, & toto captivas littore Nymphas,
Dunkercam, & Furnas, & Mardicum, & Gravelingam;

270. Captivas, dum te rerum momenta tenentem
Consiliis, Regni melior fortuna sinebat.

Dúmque hæc lutranti Templum admiranda videntur :

Parte aliã pestem , rupto ex Acheronte , profectam ,
Ætatis nostræ opprobrium , criménque supremæ ,

275. Cernebam superas conantem erumpere in auras :

Quæ nova in antiquos spargebat dogmata ritus ,
Et Romæ , & toti jam detestata Tridento.

Hanc circum stabant Furiz , stimulisque premebant
Tollentem sese. Tu labem abolere nefandam

280. Perstabas , monstrante Deo , dum crebra micabant

Fulmina , Tarpeii sacro de vertice saxi :

Et Vaticanâ summus de rupe Sacerdos

Triste exturbabat monstrum , dirisque vovebat.

Hac nos , ut perhibent , offensi numinis iræ

285. Peste exercebant , lene insidiosa venenum ,

Quæ sparsit latè in populos , Vatesque canebant ,

Pro tanto Regni exitio , pro peste priandâ ,

Ultori sua sacra Deo facienda per aras.

Et quamquam ingenti jam pridem attrita ruinâ ,

290. Tollere se tamen insidiis , furtoque parabat.

Ut serpens duro , quem longum stipite pastor

Contudit , ille lacer fractos ingentibus artus

Involvit spiris , formidandumque latendo

Virus alit , mox cum vires animosque recepit ,

295. Insultatque solo ferus , ostentatque venenum.

Sed quantò crescit magis , & caput altius effert

Dira lues , tantò te , J U L I , impensius æquum est ,

Obniti contra , totamque excindere gentem.

Jam te terribilem monstri sensere furentis

300. Reliquiæ , tantis , animi ne defice , cœptis.

Dúmque favent Superi , dum desuper ardua cæli

Porta tonat , Proceresque sacri , summusque Sacerdos

Romulidum , votis dum omnes hoc omnibus orant ,

Vince malum , diramque potens interfice pestem :

305. Si qua super nostras se tollere pergat in oras.

Ni facias , cælum & terram permisceat atra

Quippe lues , regnumque mali contagia perdant.

Ille tuus , J U L I , fuerit labor , hæc tua cura.

LIBER SECUNDUS.

71

Dumque tuis hostem, terrâque maiorque fatigas

§10. Consiliis, belloque acrem contundis Iberum:
Et tu pro sacris, pro religione paterna,
Pròque aris, Superùm vindex, pugnare memento.
Felix, illa tibi fuerit si meta laborum.

Hoc & Religio velit, & tua gloria poscat.

315. Inde tuas ædes, & aperta palatia Musis,
Grandem juxta aram, templi in regione sinistra,
Diversi variâ ostendunt pro luce colores.
Plurimus hîc longo digesserat ordine pictor
Librorum seriem immensam, illos duplici versu,

320. Distinguunt interpositos, mirâ arte, columnæ
Ingentes, sua quas ritè ornamenta coronant.

Nunquam tot Phario congesta volumina regi
Famosa Ægyptus, non tot vidistis Athenæ,
Cum pulchræ in vestris flourerent mœnibus artes;

325. Nec Vaticanas, quamvis id tu quoque jactes,
Maxima miraris par quidquam, Roma, per ædes.
Illic & Coi placita admiranda magistri,
Socraticæque domus, antiquorùmque sophorum,
Atque omnis monimenta ævi, quæ prisca vetustas

330. Eripuit tenebris, Graii Latique poëtæ
Codicibus prostant amplis, dorsoque patenti.
Pròque isto Musis adyto, pro sede paratâ.
Septa domûs intra alta tuæ, tibi templa vicissim
Ista, suo dulces statuunt in monte Camœnæ:

335. Quæ tum cum Famâ magnus condebat Apollo.
Mirum opus artificis divini, artisque magistræ.
Partem opere in tanto, tu non postrema tenebas,
Uranie, summi parent cui sidera cæli,
Imprimit illa suos stellis ardentibus ignes,

340. Atque immortalis cælestia semina flammæ:
Quâ longam ætatem, ventura in sæcula, perstent.
Addidit hos ignes operi, æternùmque vigorem,
Insita vis tantam longum duraret ut ædem,
Temporêque æterno Templum immortale maneret.

345. Non procul hinc turres longâ obsidione subactas
Ad pictum captiva Padum Valentia tollit.

Factum nuper opus dextrâque animoque Tuorum
 Dum Vallencenâ justos pro cæde furores,
 Ultricisque iras armis explere pararent.

350. Talia per Templum, stupefactus imagine rerum,
 Plurâque mirabar, nec fas evolvere cuncta,
 Quæ seriem rerum in longam, me ducere possint,
 Nec vacat, ut dictas tibi pergami dicere laudes.
 Est omni pro laude fatis, tua maxima virtus,
 355. Expertusque favor Superum, qui turbine rerum
 In medio, ostendit sese tibi multus, ubi ingens
 Tempestas, atrâ te circum nube sonabat.

Hos tibi cum Musis, ô J U L I, monte sub isto,
 Famæ in delubro, reddebat Phœbus honores.

360. Testis eram, & meritas laudes, sed corde sub imo,
 Quod poteram, justis sensu gratabar amoris.
 Dum te per Templum, latèque per atria Templi,
 Mille tubis, mille ora sonant, & mille tubarum
 Festos ad strepitus, Famæ te spiritus omnis
 365. Omnis vox, omnes animi, linguæque loquuntur;
 Frondenti Vates evincti tempora lauro,
 Plauderant manibus circum, lætūmque canebant.

Et fors tempus erit, cum plena accesserit ætas,
 Mæque suo faciles implerint numine Musæ;

370. Quando alios inter Vates, Parnasside lauro
 Conspicuis, vittrâque caput redimitus ovari,
 Conventu in medio populorum, & luce sub altâ,
 Expediam cantando, mihi quæ maxima rerum
 Argumenta dabis: dicam, quo pondere tractas
 375. Imperii momenta; quibus, dum bella geruntur,
 Consiliis, summam rerum, quâ mente ministras:
 Ut totum factis impleas ingentibus orbem,
 Dum magnam meritis fortunam grandibus æquas.
 Dicam res Italas, quo tempore magnus ad altum
 380. Fulminat Eridanum, & fugientes turbat Iberos
 Mercorides: addam tot Belgæ injecta leoni
 Vincula, tot domitas urbes, tot diruta castra.
 His super, & versas acies, pugnatâque bella
 Adjiciam, & fractos lætè hostes: non ego templa

385. Transierim : templa argento splendentia , & auro ,
 Pacato demum statuas quæ plurima mundo.
 Nec , mihi quid de te toties consultus Apollo ,
 Quid Divûm monitus , quid spondent fata , silebo.
 Hostibus ut quondam victis , atque orbe subacto ,
390. Barbaricis regum spoliis L O D O I C U S , onustam
 Per te victor agat Francorum ad litora classem.
 Túque laborato portari picta metallo
 Oppida , captivâsque urbes , captivâque signa ,
 Et regna , & populos , & fractis cornibus annes ,
395. Congestâsque ducum exuvias , & mille trophæa
 Aspicias , corâmque tuos spectabis honores.
 Tunc quoque si fessos belli Pax aurea Celtas
 Respiciat , milêlque iram , ferrûmque reponat :
 O quem tum Vates , quem tum te carmina Vatum ,
400. Vicinos inter montes , & flumina dicent !
 Námque tuis vacat hic meriris locus : illa tuarum ,
 Si fas , ô J U L I , parsit pulcherrima laudum.
 Tunc te pacificum pastor cantabit , & omnis
 Ad numeros circum saltabit rustica pubes :
405. Alma Ceres Francas cum spicis stabit ad aras ,
 Atque tuum agricolæ tollent ad fidera nomen.
 Non alio quæsitâ aris oracula sperem
 Eventu , faustis ferat hæc spes candida pennis.
 Ipse autem sæclis , de te tam magna , futuris
410. Transmittam , Fama æterno cælabit in ære ,
 Quæ populis , toti dicam quæ carmina mundo.
 At vos , dum Superi me cœpta ad tanta reservant:
 Accipite ALPHONSUM , vestro sub monte , Camœnæ ,
 Unde tuum , J U L I , exemplum , tua cernere facta
415. Assuescam , tua facta , tuo spectanda nepoti.
 Dúmque tibi lucet B O R B O N I A stella , tuosque
 Et regit , & multo fortunat lumine cursus :
 Ipse tuos omni spectem pro fidere vultus.

REIPUBLICÆ VENETÆ,

PRO DEBELLATO TURCA.

ARMORUM TROPHÆUM,
ob restitutam Venetiis Societatem
JESU:

AD FRANCISCUM JUSTINIANUM
REIPUBLICÆ
AD REGEM
CHRISTIANISSIMUM
LEGATUM.

HOC erat, Adriaco nuper quod litore Triton
Ausonius, torum conchâ dum personat æquor,
Dum canit extremo victos certamine Turcas,
Laureti summâ populos pro rupe monebat.

- (5. Ut Thracem Venetus Latiis averteret hostem
Finibus, ac lætis nos demum rebus, in urbem
Jam dudum absentes, Româ poscente, vocaret.
Audivere suis Nymphæ Benacides antris,
Quos Triton populis monitus dabat, audiit omnis
10. Adria, & ingentem respondit ab æquore plausum.
Invenere fidem, per Vos, oracula divûm,
Inclyte Dux, Proceresque urbis, Populûsq; Patrêsq;
Autores tantorum operum; cùm munere vestro
Nos Ignatiadæ, proles Patris æmula, vobis
15. Poscimus hospitio, quo tempore perdere bello
Ottomanum toto prædonem Oriente paratis.

Nos

- Nos memores facti, meritis pro talibus, hostem
 Bellando vobis nuper trans æquora victum,
 Et partos canimus Scythicâ de gente triumphos.
20. Nâmq̃ue tibi, si quæ nobis est copia fandi,
 Serviat, ut merita es, bello fortissima & armis
 Gens Venetûm, dextro dudum quæ Marte fatigas
 Regnatorem Asiæ terrâ, pelagôque potentem.
 Unam adeo (quod fera olim mirabitur ætas)
25. Adversî inter se reges dum prælia miscent
 Christiadae, tantum te bello tendere in hostem
 Vires, & populos, atque arma Orientis agentem
 Dicemus, laudêsq̃ue tuas æquabimus astris.
 Primus ego, hanc vestris, quando victoria palmam
30. Annuit, egregio meritæ pro laudis honore,
 Litore in Adriaco, veteri de more, Trophæum
 Institutam. focii circum, qui carmina dicant,
 Spectabunt, sacris redimiti tempora vittis,
 Frondentemque ferent pompæ ad solemnia laurum.
35. Tu dum rem patriam, dum magna negotia tractas
 Cum Franco, Venetis orator missus ab oris,
 Italiæ clarum decus, heroûmque propago
 O JUSTINIA DE, tenuis da sibila musæ,
 Festarum strepitus inter resonare tubarum,
40. Et laurum hanc vestro sese immiscere triumpho.
 At mihi compositis quæ stet sublimis in armis
 Non abies quærenda, aut ramis ardua quercus:
 Vulgaris pompa hæc fuerit vulgaribus armis.
 Sic ubi præcelsa est, ipso sub litore, rupes,
45. Quæ summas alto se vertice tollat in auras.
 Hanc ego decisis, qua prominet, undique saxis
 Componam Turcæ in speciem, ceu ce superbâ
 Omnes qui ventos, omnes qui terreat auras.
 Immanemque humeris immanibus, ex orichalco
50. Aptabo loricam, ingens quam desuper umbo,
 Aut picta è lævo pendebit parma lacerto,
 Pro galeâ, summâ imponam sub fronte, tiaram
 Carbascum, Scythici quod Thrax ferus accola ponti
 Tegmen habet capiti, per longa volumina plexum.

- In tergum obliquus descendet acinacis, ipsi
 55. Ductori pugnae ereptus, bellique magistro.
 Hac sub rupe, ferox fastu, torvusque videri
 Thracibus indutus mihi stabit truncus in armis:
 Ante pedes scuta, & galeas, captivæque signa,
 60. Threicio miles Venetus quæcumque Tyranno
 Eripuit, fractosque arcus, ensesque recurvos,
 Tela virum, atque hastas deponam rupe sub imâ,
 Congeriem armorum immensam, mavortiaque æra,
 Et peltas, fractamque in peltis cornua Lunam.
 65. Addam & opes pelago passim ex undante receptas,
 Et gazam; ac vestes gentis monimenta profanæ,
 Barbarici luxum decoris, Phrygiisque tapetas,
 Montesque, & fluvios, descriptaque bella metallo,
 Addam urbes pelago victas, magnūmque fluentem
 70. Bosphorum, & undantem bello, armorūmq; tumultu
 Attonitum, ac toto trepidantem gurgite Pontum;
 Pandentemque suos portus, victique tyranni
 Tristes reliquias, saxa in latebrosa, vocantem.
 Insuper & bello defensam, ac Marte secundo,
 75. Natali insignem Jovis, ut fert fabula, Cretam
 Adjiciam, & Phrygiis ululatam matribus Idam,
 Et Tenedum, & mœstas tot cladibus, æquore toto,
 Cycladas, & ferri, ut quondam, in diversa timentes.
 Sub scopulo, mihi laurus erit procera, Trophæum
 80. Ingenti festæ obtentu quæ frondis inumbret
 Desuper, & virides incurvet plurima ramos,
 Unde sibi victor, partâ pro laude, coronam
 Decerpat, vestrique ornent sua tempera vates.
 Erectos circum præcingi hostilibus armis
 85. Præcipiam truncos, inimicæque nomina pingi;
 Atque ducum simulacra, suo qui sanguine, laudem
 Hanc patriæ peperere, omnes frondente coronâ
 Insignes caput, inque armis fulgentibus omnes.
 Quos inter, Venetæ prisco de sanguine gentis,
 90. CONTARENUS ovans animi, spoliisque superbus,
 Partem opere in tanto egregius sibi victor habebit.
 Tūque mihi longè ante alios, cui puppe sub altâ,

- Dum turbas adversum hostem, dum prælia misces,
Fluctibus Oceani in mediis, pugnaque sub ipsa,
95. Contigit & cadere, & Turcam superare cadendo,
O MARCELLE, mihi totus splendet in auro,
Funere pro tanto, merita pro munere laudis.
Terrores, vanique Metus, trepidique Pavores
Sub pedibus, vincti nodis post terga, jacebunt.
100. Et mortis formido, & inexorabile letum.
Nec te adeo, si quid poterunt mea carmina, famæ
Eximet ulla dies, tam pulchra morte peremptum.
Ille autem, tali pro fato insigne, volentem
In clypeo portabit apem, quæ prælia tendat
105. Bellatrix, animamque ipso in certamine fundat,
Læta suo, felixque hostem si funere perdat.
Nec tu carminibus, MOCENICE, tacebere nostris
Sive altum invadis ratibus mare, seu rapis ardens
Totam aciem ad pugnam, Turcamque infanda fu-
rentem
110. Proturbas, spatioque inclusum cogis iniquo,
Seu fugientem urges. Quin te miserrande jacentem,
Ottomanæ ductor classis, jam pulvis haberet
Respersum tabo, & projectum in litore truncum:
Ni fuga disiectum, cedentemque æquore toto,
115. Et turpis pavor, & venti in diversa tulissent.
In medio sublimis erit, cui sidera parent
Infernique lacus, Latia de gente Sacerdos,
Magnus ALEXANDER: Veneto nam primus in hostem
Jungit opes, acuitque animos, & suscitât iras.
120. Captivæ toto stabunt sub litore naves
Remigio, & velis exutæ, atque omnibus armis:
Nec non & victi currus in pulvere inanes,
Et belli tormenta solo prostrata jacebunt.
Ereptas at opes, avulsæque rostra carinis,
125. MARCE, tuos figam ad postes, inimicæque summi
Pendebunt vexilla, alto de vertice templi.
Ipsa mihi demum hostili donabitur auro,
Laureti magnæ Virgo quæ præsidet arci:
Ut fortes intanta animos exordia rerum,

130. Inspiret Veneto, fausto dum Marte ruetur
 Spes Italas, Latioque hostem, & Laurentibus arvis
 Submovet, ac longè Ponti inter claustra repellit.
 Ipse autem populis saxo sublimis ab alto,
 Facta recensebo Venetæ virtutis, & omnem
135. Fortunam, & casus belli, eventusque secundos,
 Quæque mari, vobis pugnando exhausta, sub ipso;
 Dicam hostes pelago domitos, urbésque receptas,
 Et toto latè dispersos æquore Turcas,
 Fumantésque Asiæ, vestro sub milite, campos.
140. Æterno demum calabo hoc carmen in ære,
 Barbaricæ prædam gentis, regisque superbi
 Exuvias, atque hoc spoliolum insigne Trophæum
 Victori Veneto, domito pro Thrace, recepti
 Antiquo tandem hospitio, & tellure potiti
145. Ponimus, ac tantum grati sacramus honorem.
 Hi nostri reditus, hæc sunt, pro munere vestro,
 Quæ Vobis, memores animi, referenda paramus.
 Felices, si fors Populum Patrésque mereri
 Contingat faciles, & conciliare merendo.
150. Nec vobis tantum turba officiosa venimus.
 Ut cælo palmas lenti tendamus inermes,
 Ante aras, dum bella gerunt, quibus arma gerenda.
 At medios etiam, contempta ut luce, per hostes,
 Intrepidi rerum, magnæ mysteria Romæ.
155. Et sanctos ritus, genti portemus Eoæ:
 Atque triumphatum Christi sub legibus orbem
 Cum populis Auroræ, & regibus, & victis Diis,
 Hesperiam in magnam, & Capitolia ad alta traha-
 mus.
- Hunc animi ardorem, quem summo afflavit olympo
160. Aspirans, altoque Deus sub pectore fixit,
 Omnes per terras, per rerum extrema secuti,
 Fidentes cælo, jam totum erravimus orbem,
 Obsequium in certum populum, denique læti,
 Cum terræ extremis servitum finibus imus.
165. Non hunc squalentes Libyæ sitientis arenæ,
 Non scopuli ac syrtes, ventisque sonantia saxa,

Oceano in magno, non summa pericula ponti,
Non hunc naufragia, & mortes tardastis amorem.
Sed postquam toto diversos æquore Sinas,

170. Pérque tot & casus, per tot discrimina rerum,
Trans magnum Atlantem, & rapidi trans litora
Gangis,

Extremos hominum, fessi pervenimus Indos :

Atque pererrato patuerunt denique ponto
Æquora terrarum longè ultima, & ultimus orbis :

175. Unum restabat votis, ut & alma pateret
Adriaci Regina maris, populique propinqui.
Ne nos deinde suis socios adjungere rebus
Abnuerent, quando pro religione tuenda,
Bella movent. Scythicamq; parant evertere gentem.

180. Quin etiam, ut perhibent, eadem te cura coquebat,
Sancte Heros, ex quo rerum te maxima Roma
Regnatorem orbis, Tarpeiam accepit in arcem,
Et Vaticano Dominum sub monte locavit.

Non cessavit enim rebus qui missus agendis

185. Orator, populum hortari, sanctumque Senatum,
Ut daret hospitio dextras, Sociosque vocaret.

Non secus ac magnos qui centum invertit aratris
Camporum tractus, & lati jugera fundi :

Maturis cum flava seges jam turget aristis,

190. Undique, qui messem, fuerit si plurima, condant
Imperat ire viros, & qui frumenta reportent.

Nec te etiam nostri non sumere curam,

Passus amor, LODOICE, licet te bella tenerent

Armorum intentum studiis, & magna parantem.

195. At te, & rejectum, & sera sub nocte jacentem,
IGNATI, Venetam cum primum acceptus in urbem
es,

Expectasse diu memorant, per strata viarum

Ignotum, & gelidæ cunctantem ad lumina Lunæ:

Donec te monitis demum caelestibus actus,

200. Cum turba famulantum, & cæca in nocte Senator

Quæsit hospitio, suæque intra tecta recepit.

Nos tua progenies, quamquam inferiora secuti

H iiij

- Sorte pari accipimur : cælo Pater optime ab alto
Respice nos, quando exempla in præclara vocamur:
205. Ut paria, ipse pares animos, in cœpta, ministres
O tu, præcipuo gaudet quo præside magnus
Adria, tu Veneto dux addite, MARCE, Leoni,
Et vos Divi omnes, quorum sub numine florent
Res Italæ, testes nostris assistite dictis.
210. Vósque ô Primores Urbis, Venerisque Quirites,
Audite hæc, vestris quando considerare terris
Deinde datum est, neq; jam nobis id fata recusant :
Quamquam mens, dulci non sat contenta quiete,
Majus quiddam agitat, suspensi hærebimus aris
215. Orantes pacem superos, ac vora ferentes :
Et pars certa animis mores formabit, & artes :
Pars cælo monstrabit iter, quæ pectora fando
Mulceat, & sanctum doceat pietatis amorem.
Tum nostra eloquiis cælestibus ora patebunt :
220. Unde bibat puri divinos ætheris ignes
Mentis inops vulgus, Musisque exercita pubes :
Pars & opem dabit afflictis, blandoque monebit
Affatu, humanis quæ sit fiducia rebus.
Quin etiam (sinerent Superi) mens prodiga vitæ,
225. Dum Turcam bello petitis, pelagóque volatis,
O Veneri, Vestris misceri Heroibus, omnes
Fortunæ in casus, miro properaret amore.
Quod si fata negant, si vitæ desidis umbram
Ad mollem, indignos, & ad otia lenta refervent.
230. I tamen, i Scythico bella impacata Tyranno
Adria fer, Divûm dum numina sancta precamur,
Dum veniam incensis & opem imploramus ab aris.
Interea venturo olim testabimur ævo,
Ut capta nuper Tenedo, penetraltis ad oras
235. Litoris Iliaci, vestræ incunabula gentis ;
Pergama ubi fuerant, & ubi Simoente sub alto,
Majorum spirant etiamnum grandia manes :
Et cinerum ultores, post tot jam lapsa reposcunt
Sæcula, Vos armis umbras fatiate parentum.
240. Si ferro Iliacos sit, quæ violaverit agros,

Gens super, hanc flammis victores perditæ, & armis.

Dum loquor, en ventos ardens jam nauta morantes
Increpirat, puppi signum dat rector ab alta,
Solvuntur funes, tenduntur carbasa ventis.

245. Jam video validis per transtra incumbere remis
Bellatorem Italum, Veneræ jam robora pubis,
Sub GREMOVILLAEO lauros Ductore futuras
Præcipiunt, lætisque vocant clamoribus auras.

- I felix, perge, & pelago da vela patenti,
250. Alta perens, totis insurge triremibus omnis
Adria, habes qui te per aperta pericula ponti,
Per scopulos, syrtesque, per obvia quæq; sequantur
At postquam, pelago emenso, vos litus habebit
Externum, ferro Argolicas penetrabitis urbes,
255. Agmine quo, Scythicæ pallebunt cornua Lunæ,
Bosphorus ardebit flammis, Sigea pavebunt
Litora, & undanti spumabit sanguine Pontus.

Tum nostræ, quæ non Vobis, quàm carmine magno
Serta suo texent decerpta è monte Camœnæ.

260. Tunc Urbem bello egregiam, & decora inclyta gen-
tis

Adriacæ, magno fobolem ex Antenore natam,
Ac semper, seu res armis, seu fortè gerenda
Consiliis, lætam eventu, & præstantibus ausis:
Nunc bellum antiqua pro religione moventem.

265. Heroum cœtu in medio, super astra feremus.
Attonitus plausum dabit, & mirabitur orbis,
Plausu in communi, festo clangore tubarum,
Romani colles, Tarpeia è rupe, sonabunt.
Armorumque aliud, vieta pro gente, Trophæum
270. Ponemus, seris olim memorabile seclis.
Dicemusque novos, gestis pro rebus, honores.

Hi nostri, accepto hospitii pro munere, sensus
Hæc, JUSTINIADÆ, Vobis speranda paramus;

- Tuque adeo, Patribus dum gesta negotia vestris
275. Fortè renarrabis, Veneræ testaberis urbi,
Quæ sit apud nostros benefacti gratia vates.
Inque vicem officii, totum te nostra per orbem
Nobilibus celebrem vulgabunt carmina factis.

- At vos interea fortunent numina Divum,
 280. Magnanimi Proceres, & grandia cœpra secudent :
 Dum rem Romanam bello servatis, & urbem,
 Et Vaticanæ saxum inviolabile rupis.

P A C I S
 TRIUMPHALE MONIMENTUM
 J U L I O
 CARDINALI MAZARINO
 P R O B E L L O
 FUNDITUS EXTINGTO.

- N** E C frustra est, divos quod pacem oravimus
 omnes,
 Pendentes aris, atque ipsas ordine longo,
 Omnibus ardentes votis incendimus aras :
 Audimur. Pacem terris, & læta serena
 5. Restituit demum, misero datus arbiter orbi
 J U L I U S, & pacis leges, ac fœdera ponit.
 Jàmque tremens fugit excusso Bellona flagello
 Ausa immane nefas turbarum, & vana frementem
 Inferna jussæ Eumenides sub nocte coercent.
 10. Ipse & nudatus galea, nudatus & armis
 Omnibus, atque humili dejectus lumina vultu
 Bellipotens, nil jam populis crudele minatur.
 At vos, ô miseri, quos per tot funera, reges
 Torvus agit furor, & bellandi insana libido,
 15. In cædem ruere, & crudo decernere ferro :
 Dum vacat insistens pacando J U L I U S orbi,
 Pacem etiam sperate, & inermes tendite dextas
 Fumantem bello Europam, armorumque fragorel
 Et strepitu attonitum componat denique mundum.
 20. Et jam diversi venire è partibus orbis
 Missi oratores regum, qui, maxime J U L I,

Arbitriumque tuum implorent, pacemque reposcant.

Venere & Daci infrænes, venere Sicambri.

Magnum ad concilium pacis, positoque furore,

25. Pacem implorabant omnes, pacemque vocabant;
Et frænum sponte accipere, & te audire parati.

Venit & ipse etiam jam mollibus æquior undis
Danubius, lentusque Albis, rapidusque Visurgis;
Venit & Italicum magnus regnator aquarum

30. Eridanus, centum quem nymphæ, amnesque sequuntur,

Omnes paciferis velati tempora ramis;

Et diversi armis, diversi vestibus omnes.

Et se, remque tuo summam, pro regibus ipsis,
Tractandam arbitrio exponunt, ac munera portant;

35. Ipse Caledoniis princeps qui regnat in oris
Venit, & infando rapti pro crimine regni,
Plurima pertendens, & conjurata suorum
Circumstare odia, & charum obtruncasse parentes
Prædones regni infidos, qui sceptrâ tenerent:

40. Se pulsum regnis, & per diversa coactum
Errare exilia, atque alienas quærere sedes.

Et Lusitana missus de gente, rogaret
Qui pacem supplex, quod jam diffideret armis.

Ille & opes multas, auri, argenti que talenta

45. Ostentans, in amicitia se fœdera jungi
Poscebat, magnoque urbem jactabat Uliſſe
Fundatam, & celebrem pelago, portuque superbam.
Ne solus, si non accedat fœderis hujus

In partem, nubem armorum, si detonet, omnem

50. Excipiat, majori impar congressus Ibero.

Ipse etiam Arctoo veniens à sole Polonus,
Dum se se egregium peregrino ostendit in auro,
Gesa manu nodosa, Borystheniamque bipennem
Quassabat ferus, & pacem pro rege petebat.

55. Venit & orator, Nomadum de gente vetusta
Cui Getulæ urbes, & Punica litora parent:
Vana ubi restat adhuc magnæ Carthaginis umbra.
Ille gravi chlamydem Phrygiam circumdatus auro,

Accinctusque humeros telis, & acinace Mauro;

60. Ingenti bislex regi pro munere Franco
Ducit equos bijuges, cum barbarico comitatu.

Hisque super fama est turbato pectore motum
Regnatorem Asiæ, tanto qui fœdere junctos,
Christiadas lætis videat jam fidere rebus:

65. Et mox bella parent, quæ palleat omnibus undis
Bosphorus, & Scythici formident regna tyranni.

Quid memorandum æque, rerum pro laude tuarum
Hactenus arma tibi, princeps Romane, tulerunt?
Nam morem bellis, & bellatoribus ipsis

70. Cum nuper magnus rerum armorumque minister
Ponebas, aut cum ferro violentus, & igni
Vertebasque solo muros, hostemque premebas:
Ille suis contra se se obiciebat in armis.

At nunc pro populis pacis consulta gerentem

75. Te Numida in silvis, Pœni te litora ponti,
Indomitique Getæ, genus intractabile bello,
Te populi Aurorc, virésque Orientis, & omnis
Bosphorus, & Turcæ tremuerunt cornua Lunæ.
Ex alia dum parte, tuo se subjicit omnis

80. Europa arbitrio, veniuntque ad fœdera reges:
Atque tibi pacisque modum, legesque ferenti,
Ingentes animos, & corda ferocia ponunt.

Tene ô! Tot curis, JULI, tam grandibus, omni
Consultuisse orbi, & belli extinxisse furores?

85. Nos facti immemores porro cessare, nec oras
Terrarum laudem egregiam vulgare per omnes?
Non ita. Namque etsi non pectore spiret ab alto
Mens excelsa, omnem tamen impendisse merenti
Laudabor conatum, & amorem expleisse juvabit.

90. O! si tantum animi Deus adderet, ut tua possem
Cre. satis magno populis exponere facta:

Quo plausu, qua voce, quibus clamoribus urbes
Implerem patrias? Læti quo pectora vulgi

65. Cantu inflammarem? Cum te rumore secundo
Cuncta per ora virum memorando carmine ferrem.
Magni me longo stiparent ordine vates,

Phœbea ante alios dignati tempora lauro.

Ipse caput sacrae foliis præcinctus olivæ

Et Phœbo mentem afflatus, te, maxime JULI,

100. Pacificum canerem exultans, populoque frequenti

Prima renarrarem perfectæ exordia pacis.

Ut grandes curas pacando impenderis orbi,

Regum ut magnorum medium te objeceris iræ

Pacifer, & flammæ bellorum extinxeris omnes.

105. Quos componenda tuleris pro pace labores,

Contra rumores vulgi luctatus iniquos,

Cunctando, expectans demum quæ commoda paci

Olim essent momenta, modus quis dexter agendæ.

Tu longum armatas odia in crudelia gentes

110. Concilias. Tu pacem orbi post longa reducis

Exilia, & pactæ confirmas fœdera pacis,

Regia per connubia, & augustos Hymenæos.

Ipse autem meritis pro talibus, omnia quando

Sunt per te pacata, tibi, sub rupe propinqua

115. Sequânico erigerem præcelsum in litore templum,

Quod centum solido fundarent ære columnæ.

Tuque mihi templo in medio sublimis, & ipse

Aureus, insigni stares spectandus honore,

Et major nota sublime extaret imago.

120. Fortunamque tuæ servam Virtutis in auro

Formarem; Virtutem erecta fronte superbam

Fortunamque humilem obsequio, & parere coactam

Sub pedibus, nuda sub humo, confusa jaceret

Ingens congeries galearum, & tympana, & enses,

125. Scutaque, loricæque, & inania fulmina belli,

Tristes exuviae armorum, Martisque nefandi.

At, parva populis pro pace, insigne decorum

Palladia capiti aptarem de fronde coronam.

Paciferi circum te starent ordine multo

130. Heroes, patriam qui devinxere merendo.

Unum omnes mirari, unum observare tuendo.

Tendentes, unique suos impendere cultus,

Et te venturis exemplum ostendere sacris.

Hic Faunus, Faunique parens rex Picus & ipse

135. Frænabat placida populos qui pace Latinus :
 Et Numa pacalis ramo redimitus olivæ,
 Saturnusque pater, quo gentibus aurea priscis
 Sæcula, pacifico quondam sub rege vigeant,
 Starent & Pario sculpti de marmore reges
 140. Ad pacem per te, libertatemque vocati.
 Parte alia niveis insignes tempora vittis,
 Magni oratores regum, tibi maxime JULI.
 Fervidi in obsequium ruerent, & dona pararent.
 Desuper ipse, tuaque adeo jam pace beatus,
 145. Dona recenseres populorum. Hic turbidus auro
 Undanti tibi victus opes effunderet urna,
 Et Tagus ipse, & Anas, & jam non hostis Iberus.
 Omnes cum sociis, pro libertate recepta :
 Jurati sponte obsequium, & præstare parati.
 150. Ipse etiam pater Oceanus jam liber, & omni
 Servitio exutus, summo de litore, pacem
 Gratatus, vastum tibi latè sterneret æquor,
 Æquoreosque Deos, & plauderet omnibus undis.
 Vicinæ plausum geminarent undique ripæ.
 155. Cum Zephyro Halcyone exultans, tranquilla per
 alta,
 Luderet, & cælo riderent cuncta sereno.
 Certatim floresque suos, nimbosque rosarum
 Jactarent summo pendentès æthere Musæ,
 Ipse autem, templi excelsa de parte, virentes
 160. Prætendens oleas, magno clamore monerem
 Reges & populos, ut tandem Marte cruento
 Defessi, æternæ servarent fœdera pacis :
 Quos præclara tuæ raperem ad spectacula pompæ.
 Cuncta mihi, Romam antiquam, clarosque nepotes
 165. Teucris Anchisiadæ, populumque, patresque togatos,
 Tarpeiumque Jovem, & Capitolia celsa relinquens,
 Cum magnis mundi victoribus, & magnis dîs,
 Deposito pro te serviret Gloria fastu.
 Quæ facti egregii ventura in sæcula testis,
 170. Teque, tuosque orbi late ostentaret honores.
 Nam neque te tantum litui, neque Martia tantum
 Buccina

LIBER SECUNDUS.

91

Buccina, cum rauco belli armorumque tumultu,
Illustrem fecere, tuosque auxere triumphos:
Quantum turbato Pax per te reddita mundo.

175. Nosque adeo jam non flendos victoribus ipsis
Armorum eventus, partasque in sanguine lauros,
Bellaque, fortunasque virum sua bella gerentum,
Captivasque urbes, & fractis cornibus amnes
Dicemus sacri, pacis de tempore, vates.

80. JULIUS unus erit nobis dicendus, & omnes
Pacifer in populos, omnem vulgandus in orbem.
Salve ô! Romulidum princeps ex ordine patrum

Orbis amor, sæcli decus admirabile nostri,
Cui se majestas soliorum, & regia sceptrâ
85. Submisere, tui totus dum posceret orbis
Momenta arbitrii, & dictares fœdera retris.
Dumque tuo servit late jam fama triumpho,
Et delubra tuæ virtuti ponit, & aras:
Magnique æterno dicunt te carmine vates:

90. Me sine inornatæ ramum tibinectere frondis,
Victrices inter possit quæ serpere lauros;
Et tenuem exigui micam hanc incendere thuris.

PACIFER DELPHINUS LUDOVICO XIV.

POPULORUM SUMMO PACIFICATORI.

ILLUD erat, tota populi quod mente petebant;
Ut pro composito belli, armorumque tumultu,
Pignore pro certo pacis, DELPHINUS in aula
Luderet, ingentesque animos genitoris, & iras
5. Mulceret blando risu, illecebrisque teneret:
Et regnandum orbem tristis formidine belli

Rap. Tom. III.

I

Solveret, atque metus armorum tolleret omnes,
Pacifero natus patre; paciferoque Hymenæo.

Fœdifragæ toto necquicquam ex æthere Diræ,

10. Sunt quibus insidiæ cordi, insanique furores
Arma velint, durique serant nova crimina belli.

Ipsa Caledonio frustra de litore, nuper
Conjurata novum Discordia rumpere fœdus,
Quod rex Franciadûm regi jurarat Ibero,

15. Quassabat tædam ardentem, cornuque recurvo,
Sæva iterum resides populos in bella ciebat.
Audivere Tagi nymphæ, audivere Pyrenes,
Clamorem Furix horrendum, quo pontus, & omnes
Intremuere imo ponti de gurgite fluctus.

20. Dumque renarrabat plebi despecta Britannæ
Lilia, & irrifos Franci, per compita, currus,
His super accensum, iustoque dolore furentem
Francum, & cunctantem Hispanum, ac responsa
morantem,

Implebat nostras variis rumoribus urbes,

25. Rumoresque illos, rumpendæ semina pacis,
Illos nascendo sedas, DELPHINE, tumultus.

Nec jam vana sui jactarit Græcia cunas
Alcidæ, dira immitis qui monstra novercæ,
Transmissos, dextra imbelli compresserit angues:

30. Cùm tibi longè alio monstra exsaturata veneno
Contigerit mactare, aliasque excindere pestes,
Alme puer. Furias, rupto ex Acheronte, frementes
Urgebat stipata suis Discordia monstis:
Illam indignantem, crudeli armata flagello,

35. Ipsa etiam paci insultans Bellona premebat
Desuper: omnis eo terrore Europa tremebat.
Tu monstra hæc, DELPHINE, feri tu semina belli
Restinguis, trepidoque refers solatia mundo.

Ipsæ pater magnum vultu portendere bellum

40. Visus, eo totum nutu tremefecerat orbem:
Jam stabant belli causæ, regisque dolore,
Pro decore imperii, pro maiestate tuenda,
Franciadæ infensi sese hortabantur in arma;

- Jamque videbamur strepitus audire tubarum,
45. Cernere fumantes undanti sanguine campos,
Et tanto latè populos ardere tumultu.
Hos autem motus animorum, incendia tanta,
Quæ perdendo orbi Mars, & Bellona parabat,
Illo componis vultu, quo noscere patrem
50. Incipis, hoc matrem, quo Pacifer ore salutas.
Per te, proinde tuis plaudat natalibus orbis
Servatus, plaudant populi, qui se tibi debent
Incolumes, urbésque suas, charosque penates,
Fortunasque omnes, & lætos frugibus agros.
55. Sic quando miseros, turbata per æquora, nautas
Atra exercet hyems, & turbine torquet acerbo,
Si sese Oebalius de cælo ostenderit ignis,
Fluctibus, & ventis cessat furor, omnis ab illo
Spes redit & nautis, & ponto læta serena.
60. Vos quoque paciferæ, vestro de monte, Sorores
Floribus, & violis pueri vos spargite cunas
Paciferi, æternæ qui portat grandia pacis
Nascendo auguria, & denunciat otia terris.
Ipsa etiam Pax læta tuas, plaudentibus alis,
65. Alme puer, cunas circum volitabat, & ipsam
Plaudentem longo stipabant ordine nymphæ,
Tempora præcinctæ ramis pacalibus omnes,
Quas inter Charites, zonam de more solutæ,
Portabant calatis flores, pueroque parabant.
70. Nec mihi fatidicas quisquam persuadeat author,
De cælo servare vices nascentis, & omnem
Tam læto partu super, & natalibus istis,
Cælestis mundi rite explorare figuram:
Quid gravis obliqua Saturnus falce minetur,
75. Quid Mars flammato torvus ferat ore, quid ardens
Sol parer, obtuso quid peccet Delia cornu.
Necquicquam ipse mihi radio Thyrrenus aruspex
Natales istos describere tendat inani,
Et fortes pueri, præfago evolvere cantu,
80. In vulgum ambiguas, ac vitæ eventa futuræ.
Vos mihi divinæ pulcherrima lumina matris,

Et qui magnanimi sacro genitoris ab ore,
Luminibusque ipsis, generosi erumpitis ignes;
Vos spectanda mihi pro vestro sidera nato;

85. Illius unde vices, & fata arcana resolvam.

Quamquam religio amborum manifesta parentum,
Sancta patris virtus, & magnæ grandia mentis
Sensa, quibus totum latè jam temperat orbem,
Summa aviæ pietas, & cura antiqua sacrorum,

90. Nos mores, puer alme, tuos, tua fata docebunt.

At puerum egregia insignem virtute futurum
Non jam incerta fides: postquam de munere venit,
Virgo tuo. Nam cum partum Lucina morantem
Tardaret, magnæ matri servile professus

95. Obsequium, pariter natum, pariterque parentem
Devovit pater: & sperata prole potitum,
Illum Carnutes tendentem nuper ad altos,
Conjuge cum chara simul, augustaque parente,
Vidimus hybernæ per dura incommoda brumæ,

100. Votorumque reum divinæ matris ad aras,
Ipsis templi adytis effusum, & multa precantem,
Et memori pactas solventem pectore grates,
Pro sobole accepta, & divæ pro munere matris.
Nec non & saxo veneratum templa vetusto,

105. Antiqua veteres ubi religione colebant
Venturam Druidæ Nympham, quæ tempore sero,
Quondam virgo parens istis coleretur in oris.

Nec sua terrifici narrent hîc somnia vates,
Qui te belligerum memorant, DELPHINE, fu-
turum.

110. Multa quidem speranda tibi de sanguine virtus
Borbonio, multa Austriaco. Gens utraque bello
Magna, tibi Martis magnum inspirabit amorem.
Et si magnanimi celebres audire triumphos
Contingat patris, pugnatæque discere bella:

115. Credo equidem, tenero te pectore, Martius ardor,
Ætatem exsuperans, ad tanta exempla movebit.

Namque illum, primis dum se exerceret in annis,
Exultantem armis, & crudo Marte superbum,

Ac belli pulcros foedatum pulvere vultus ,

120. Obtupuere suis ipsi de mœnibus hostes.

Quid memorem partas , per aperta pericula ,
lauros ,

Servatos bello socios , domitosque rebelles ,

Atque propagatos , utroque ex litore , fines

Imperio in magno : quantis assurgeret armis :

125. Utque situ egregias victor prosterneret urbes ,

Et spolia ampla suis bellando parta referret :

Quos animos , quas spes ostenderet. Ah quibus ille
Spectatus fatis , quæ magna incepta parabat !

Illa tuæ , divine puer , patet arca laudi :

130. Si bellare paras , bellum genitore magistro

Disce prius , bellique feros tolerare labores.

Sin pacem , pacisque bonas sectaberis artes ,

Quod potius reor , & potius fas credere , quando

Prima tui sic se ostendunt præsentia partus :

135. Ille tibi pacis mores , & digna supremis

Otia Principibus , per se monstrabit , & omnem

Armorum postquam primis expertus ab annis ,

Fortunam , ac vario Martis discrimine sensit

Res bello incertas , te pacem optare docebit ,

140. Cujus te placidas tenerum formabit ad artes :

Quas ipse exercet , dotali pace beatus.

Illum adeo jam tum primis affluere sub annis

Regnantem , populis & dantem jura quietis

Aspicere , & mira se maiestate ferentem.

145. O fortunati , sacro quibus ore loquentem ,

Cum trepidæ , fandi egregius , fatalia plebi

Dat monita è solio , atque suis oracula reddit ,

Coram audire datum est , memorandaq; cernere facta.

Quàm decori , & meritis , quàm sit virtutibus æquis ,

150. Quàm durus vultu excipiat scelus omne severo :

Quæ frustra feri optabunt vidisse nepotes ,

Ni magnum referas animo , DELPHINE , parentem.

Ipse autem pacis studiis intentus , avitas

Amplificare ædes spatii molitur , & omnem

155. Regifico sumptu pompam exornare domorum.

I iij

Aspice Sequanico quantam sub litore molem
Tectorum, quam vasto operum, artificumque labore,
Attollat, Francis habitandas regibus ædes.

Nec mihi Romani sese miracula fastus,

160. Thyrræno è Tyberi referant, Capitoliæque alta,
Pérque Palatinos fundata palatia colles,
Tarpeiaque arces, ac nobile Pallanteum.

Omnia jam majora parat LODOVICUS, & alta
Grandia mente agitans luxus monumenta superbi,

165. Condit pacis opus, victo de Marte, trophæum,
Centum porticibus, centum sublime columnis,
Nominis æternum ventura in sæcula testem.

Et jam tectorum moles immensa, minæque
Murorum lato, spatiosa per atria, surgunt

170. Pro cursu ingentes, tollendæque machina cælo.
Jam, DELPHINE, tuis natalibus ipsa viderur
Exultare domus, magnoque assurgere alumno.

Pro regno ipse etiam servando, & pace fovenda,
Contra prædones populorum, opibusque potitos

175. Illicitis, qui rem civili è sanguine conflant,
Concilium vocat, & patribus dans jura vocatis,
Justitiam indicit, cujus suprema subibunt
Arbitria: hoc ipso quæsit crimine fontes.

Utque parat scelera, & fraudes mulctare nocentum;

180. Sic etiam prætiis animos invitat, & ipsa
Debita compertæ virtuti præmia ponit.
Nam regni proceres delectos ordine ab omni,
Ipse sui egregio torquis donavit honore:
Spiritus is, nivæ quondam qui more columbæ,

185. Præpetibus pennis, cælo delapsus ab alto,
Omnibus, ardenti pictus pendebat in auro
Ad latus, illius præclarum insigne Senatus;
Auratis ibant ornati torquibus omnes,
Omnes cæruleis evincti pectora vittis;

190. Imperio, DELPHINE, tuo decora alta futura.

Ille etiam edictis præfatos defendere ritus
Sacrorum, contra inferni nova sibila monstri,
Et vaticanæ suprema oracula rupis

Concilio asserere in summo, plaudente Senatu,

195. Pro more antiquo, pro religione paterna,
Insistit, cœptisque obnixus perstat in iisdem,
Has donec furias Francis avertat ab aris,
Et conjuratæ perdat mala semina gentis.

Dumque alioscrudi reges insania ferri

200. Turbida agit, fuso de sanguine, quærere palmas,
Et de communi populorum strage, triumphos
Sperare, injustaque sequi per funera lauros:
Tu lauros alias, alios, LODOICE, triumphos
Ferre paras: longè illa tibi victoria major,

205. Tutari populos, defendere legibus urbes,
Et res afflictas, & fata indigna tuorum
Respicere; & fracto bellis succurrere sæclo:
Hæc tuagesta, tui sunt, hæc, LODOICE triumphis;
Conciliare animos, & devincire merendo.

210. Si restent hostes, poterit tua summa vel ipso
Pondere majestas adversos frangere fastus.
Quique dabas populis terrorem armatus, inermis;
Pacatusque dabis terrorem regibus ipsis.
Dumque his intentum studiis spectabis, & artes.

215. Tranquillas, DELPHINE, Patrena sub pace
sequutum;

Te quoque credibile est, per magni exempla parentis
Crescentem, & tanti formatum voce magistri,
Te non pacifera primum de gente futurum,
O puer alme, tuæ qui rumpas otia gentis.

220. Omnia te quando partus præsentia spondent
Paciferum, belli qui turbas oderis omnes.
Postquam læta tibi cælo Pax risit ab alto
Nascenti, cunasque sua præcinxit oliva:
Nec qui connubio promiserat omnia vestro

225. Miria festus Hymen, nupti de pace parentes,
Defuit augurio: nec quæ tibi Gratia tædas
Prætulera, Regina, tuo dum fulsit ab ore
Plurima, & ingentis cumulavit vota mariti.

Te nascente pater vindictæ oblitus, & iræ,

230. Palladis armisonæ jam non tolerabile numen

Sustinuit, ferroque latus nudavit, & omni
 Deposito terrore, sinu te blandus amico,
 Excepit dulces venientem lucis in auras,
 Mollia formosæ delibans oscula fronti.

235. Dumque puer primos illi respondet amores
 Blanditiis, pacem inspirat, placatque furentem,
 Hispana ambitione super, rebusque Britannis.
 Tum pro materno magnum exorasse parentem
 Visus avo, socero ut parcat, nec pacta retractet
 240. Fœdera, ad Hesperiam nuper jurata Pyrenem.
 Tum pater illecebris, & chari infantis amore,
 Ex hoc jam primos cœpit componere motus
 Irarum, & superare animos, pacique referre.

- Quæque modò tristes Furias in bella ciebat,
 245. Ære cavo, turbam increpitans, dirasque sorores,
 Anguibz implicitos vellens Discordia crines,
 Cogitur hinc alios longè telluris in orbes,
 Incerta exilia, atque incertas quærere sedes.

- Famaque dum populo natalia narrat ovanti
 250. Paciferi infantis, totam clamore secundo,
 Undique lætitiæ vocès fremuere per urbem.
 Principio urbanæ summis de mœnibus arcis,
 Æris displosi fragor intonat, undique visi
 Per noctem pictis ignes radiare lucernis,

255. Et sua vino hilaris testari gaudia vulgus.

- Tu quoque partem etiam te non postrema tenebat
 Lætitiæ in tanta, Musis operata Juventus,
 Monte super Claro. Media inter septa domorum
 Alta mole super, vitrei maris ibat imago.
 260. Quatuor innabant ponti tranquilla per alta
 Argento ficti latum Delphines in orbem.
 Pérque undas liquidus venit ignis, & humida regum
 Et molem hanc, ut erat, flagrantem, & pulvere
 raptam

- Sulphureo, in flammæ, & magna incendia vertit.
 265. Hæc inter, sonitu horrendo, de turribz imis,
 Ignitis acti globulis sonuere fragores,
 Tormentis similes ardentibus, omnis ab illo

Et strepitu, tonitruque domus concussa tremebat.

Atque his lætitiæ signis excita Juventus

170. Jactabat magnos, inclusa per atria, plausus.

His sua solemnes celebrant dum gaudia Musæ,

Magne puer, primos in te testantur amores.

Et si contingat, quondam puerilibus annis,

Ut tua divinis concedas otia Musis;

275. Atque tuo vates inspires numine Francos:

Non deerit, qui te cantu fatalis Arion.

Mulceat, atque tuos tibi primus dicat honores.

O si tam magni vis incita numinis, altæ

Menti aspiraret tantas in carmina vires,

280. Forsitán has etiam ipse mihi deponere partes

Auderem: quamquam id sperent, quibus ore profundo

Mens viget, & magnos versat sub pectore sensus.

Sat mihi sit, manibus, tua per cunabula, plenis,

Fortunate puer, lectos aspergere flores,

285. Et miscere meas, vota inter publica, voces,

Dum crescis, magnumque paras æquare parentem.

Sic tibi sint dulces autem post ubera risus,

Sic blandæ voces, blææ inter murmura linguæ,

Perque tot illecebras, tenero formentur ab ore:

290. Ut si quando tuum revocent fera bella parentem,

Perque tuos risus, per & oscula blanda, moreris

Armatum: nos ut fata in meliora reponas.

Sic quamquam sterilis, quamquam sit letifer annus,

Hunc tua felicem nostris natalia fastis

295. Esse dabunt, si nos belli formidine solvas.

Ipsa aderit, sacris quæ semper pender ab aris

ANNA parens, pacemque omnes exposcere Divos

Perstabit: materque suum complexa maritum,

Tecum etiam pacem orabit, si Martia virtus

300. Illius audaces animos in bella referret.

Victus amore tui, dilectâ conjuge victus

Frænaret belli ardorem, mentemque paternam

In populum accipiens, nos longa in pace foveret.

Tu tamen interea, puer ô dulcissime, dormi.

305. Nam quæ autem torvi auderent fera classica Martis;
 Pacato genitore, tuos abrumpere somnos.

THEMIDIS PAX CUM MUSIS.

AD ILLUSTRISSIMUM VIRUM
 GUILLELMUM LAMONIUM
 SENATUS PRINCIPEM.

- S**eu Themidis folio ex alto sublimis, & ostro
 Conspicius Francæ dictas oracula genti:
 Sive domi reddis patribus responsa vocatis:
 Seu te circumstat turba importuna clientum:
 5. Huc ades, ô LAMONIADE, tua maxima quando
 Rex agitur: Themidem contra certamine magno
 De te contendunt, Phœbo sub iudice, Musæ.
 Vidi ego certantum studia inflammara dearum,
 Et quos quam vario miscerent murmure motus.
 10. Tuque adeo, ni fortè salus, vel causa moretur
 Publica, tu dulci mecum paulisper in umbra,
 Musarum fruire alloquio: dumque otia præstas
 Omnibus, ipse tibi serves, animique solutus
 Curarum ingenti paulum de mole relaxa.
 15. Ipsa Themis, cælo leges quæ dicit ab alto,
 Non libram æterno terris examine tendit,
 Concilio è summo divûm, astrorumque senatu:
 Sed certa indulgens sibi mensibus otia certis,
 Descendit cælo interdum, libramque remittit.
 20. Et mundo dum lucet, amat bonus otia Titan:
 Dispensansque suo quædam intervalla labori,
 Alternâ cursus requiescit nocte diurnos.
 Ergo ne dubita cessare, imitabere divos,

Postquam te regni melior fortuna, tuumque
Et meritum, & virtus, & publica vota supremum
In Francæ Themidis solium, sanctumque tribunal
Imposuere patrem patriæ, legumque ministrum.
Ex illo sensim excidere, & de pectore labi
Visus amor Musarum, intermissamque relinqui
30. Rumor iit curam, fuerat quæ prima librorum.
Seu quod magna Themis, quæ menti infederat altæ,
Musarum solitos jam non pateretur amores :
Seu quod id, ut quondam, non publica commoda
ferrent.

His turbata super, quæ te respexerat æquo
35. Lumine vitales venientem lucis in auras,
Melpomene, cum prima daret tibi semina magnæ
Mentis, & afflaret fortes ad grandia sensus.
Astræam multa incusans, rumoribus omnem
Musarum incendit turbam, fit murmur, & ingens,
40. Pro LAMONIADE, magno clamore tumultus
Crebrescit, trepidant mœsti, mussantque poëtæ.

Ingravat hæc, Francis quæ se referebat ab oris,
Fama sacrum invisens montem, collesque beatos.
Narrat uti intentumque foro, Themidique vacantem
45. Jam LAMONIADEN Musis spirare relictis
Viderit, & sacros vix porro audire poëtas :
Sed toto in turbam, atque forum jam pectore ferri.

Talibus incensæ, toto sub monte, Sorores
Phœbum adeunt, tenduntque manus, & vocibus
orant

50. Confusis, Themidem reprimat, quæ fœdere læso,
Fontibus è sacris, dulces avertat alumnos,
Detineatque fori rauco, ingratoque tumultu.
Tum LAMONIADEN, si nondum averfa voluntas,
Pro re communi, pro maiestate suorum,
55. Diversum vocet, & studia in meliora reducat.
Ni faciat, sacri perituros montis honores.

Instanti Phœbus quamprimum occurrere turbæ
Sollicitus, subitum, templi intra limina, cogit
Concilium, Themidemque vocat. Namque arbiter
idem

60. Phœbus erat Thenidi, & Musis; quo iudice rebus
Sponte sua divæ interdum utebantur in arctis.
Commune hos studium communes fecerat usus;
Et simul à Phœbo pro se consulta petebant.
At Musæ studiis incensæ æqualibus omnes
65. Accusare deam, magnis clamoribus instant;
Ipsa autem imprimis, melior cui copia fandi,
Melpomene, placido cujus de lumine primum
Magni oratores animos, magnique poëtæ
Accipiunt, ducuntque habiles ad carmina sensus.
70. Illa autem cœtu in medio, sic ora resolvit.
Non ego nunc, Astræa, querar, quæ plurima de te
Possim jure queri: quod sacri Heliconis alumnos
A nostro longè aspectu, atque amplexibus arces:
Postquam illos juris sacrum in penetrabile vocasti.
75. Quos clamosa fori per jurgia denique verses,
Pulvere in obscuro lenti atque ignobilis otii.
At quamquam gravis hæc me porro injuria pungat,
Est tamen est, animum gravior quæ cura remordet,
Pro LAMONIADE, quem nostras rumor ad aures
80. Pertulit ereptum nobis, juriq; vacantem.
Hunc ego vitales cum primum luminis auras
Suspiciens hausit cælum, vitamque recepit,
Nascentem gremio suscepi, atque ubera labris
Pro matre immulgens, divino nectare pavi.
85. Ipsa etiam soror Uranie, cui sidera parent,
Astrorumque vices, & cæli fatifer ordo,
Ante alias, tanti in partem accersita laboris,
Quæ bona nascenti puero natalia ferret.
Tres puræ lucis radios, dum fingeret olli
90. Grandem animam, rutili tres ignis, & alitis auræ
Miscuerat, totoque ignavum à pectore frigus,
Et tardum expulerat secreta mole vaporem.
Nam roseo teretes replebat sanguine venas,
Atque suum blandodæcus ori, oculisque venustam
95. Addiderat speciem, atque verendæ frontis honores.
Ipsa etiam pueri cunabula floribus ornans,
Inspirabam animos magnæ nil laudis egentes:

Unaque

Unaque formandi dum gloria dulcis alumni
Curam exerceret, sacris ardoribus illum

100. Afflabam sensim exacuens, justoque favore
Musæ aspirabant omnes, puerumque fovebant.
Tum nec erat, quo se tantum jactaret alumno,
Parnassus, nec cui Phœbus majora pararet.

At dum Calliæ se tollere in ardua rupis

105. Tenderet, obnixus blandum perferre laborem,
Ipsa addebam animos monitis: ne mollior ætas,
Aut via difficilis cursu tardaret euntem.

Quin etiam summi excelsa de vertice montis
Pertentanti aditus, & pulchræ laudis amanti

110. Monstrabam longè lauros, &serta parabam.
Ille animi exultans, indefessusque laboris,
Immenso jam tum famæ venientis amore
Percussus, nostras sese durabat ad artes
Exercens, fontesque viam affectabat ad ipsos.

115. Sæpe illum immemorémq; cibi, oblitumq; quietis,
Vos nemora, & silvæ, & ruris juga læta paterni
Sensistis, quoties secessu villa beato
Acciperet longè à strepitu, ac popularibus undis
Semotum, & lati præberent otia fundi.

120. Quid memorem, quam multa meis è fontibus illic
Hauferit exemptus curis, turbaque remissa?
Cum Latias & opes pariter, pariterque Pelasgas
Conderet ingenii bonus, atque in scripta referret.
Namque illi imprimis Graios accedere fontes

125. Monstrabam, Graiisque sitim sedare fluentis:
Unde & opum messis variarum, & copia larga
Uberibus rivis Latium exundavit in orbem.
Tum qua temporibus præclara inventa vetustis,

130. Ascreeo quæ scripta seni sunt carmina, quæque
Dirceus, rueretque alto ceu vortice torrens;
Sive Syracosia quæ lusit arundine vates
Trinacrius: quin & priscorum docta sophorum
Effata, Argolico quondam dictata Lyceo,

135. Et quæ porticibus toties agitata sub altis:

Rap. Tom. III.

K

- Cunctaque Pierio quæ nectare sparsa videbat,
 Perdiscendi avidus confestim haurire parabat.
 Tum mihi, tum Phœbo, & Musis, & vatibus ipsæ
 De LAMONIADE quid non sperare licebat?
 140. Sed nostras heu! spes Themis invida sustulit, ex quo
 Olli regnandum tota cum gente senatum
 Concessit, legumque omnes permisit habenas.
 Namque magistratus magni dum sedulus implet
 Dura ministeria, & curis se exercet amaris,
 145. Noctes atque dies, nimio sub pondere rerum
 Defessus, nil jam Phœbo, Musisque reliquit.
 Ah! ne tantæ autem vivat dulcedinis expertus!
 Interdum fugiat strepitus, atque urbe relicta
 Accedat ruris loca sola, ubi mollia dulces
 150. Otia agunt Musæ, & cælo latentur aperto.
 Sic Numa, Romanæ leges cum diceret urbi,
 Ibat Aventinæ deserta per avia silvæ:
 Mons ubi secretos celabat valle recessus.
 Huc turbam fugiens, divertere solus amabat,
 155. Et nemora affari, & montes, supplexque benignam
 Musarum implorabat opem: tum denique se se,
 Divarum plenus monitis, referebat in urbem:
 Romanumque animo implebat meliore senatum.
 Rex quoque frænandâ quondam pro gente Latinus,
 160. Laurentes per agros, oracula patris adibat
 Fatidici, lucos cum consul aret ad altam
 Albuneam, nemorum quæ maxima fonte sonabat,
 Unde olim ætonitæ gentes, atque Itala tellus?
 Cum duce pacifero, dubiis responsa petebant.
 165. Sic LAMONIADES postquam se numine nostro
 Implerat, dulcem secreti ruris ad umbram,
 Orabat longè melius, plaususque movebat.
 Quid referam quantos animorum accenderet æstus
 Conventu procerum in medio? Quæ flumina grandis
 Sparget eloquii: quantis assurgeret undis?
 170. Cum populorum aures blando sermone teneret.
 Non ira, quem Gallum jactavit prisca per orbem
 Fabula, cum populos traheret, dulcedine mira

Eloquii ingentis, mentes frænabat, & aures

175. Gallicus Alcides: quamquam se sensibus imis
Orando insinuans, animorum regna teneret.

Illum etiam Francæ regnator gentis, & ipsi
Francorum procures, cum spargeret aurea dicta,
Concilio regni in magno, obstupere loquentem.

180. Hos porro eloquii fluctus, hæc munera fandi,
Has olim nostris è fontibus hauserat artes.

Hinc LAMONIADES exordia prima suorum
Ipse recognoscat decorum. Nam splendida quanavis
Ostendat monimenta domus, generisque paterni:

185. Omnis honos illi nostro de munere venit.
Unde viri magnum jam tum increbrescere nomen
Cœpit, & in populos ferri rumore secundo.
Postquam illi faciles, ad nostri limina montis,
Conciliavi astitus, totumque Heliconæ reclusi.

190. An tot ego aspiciam vanos irrita labores?
Et patiar Themidem complexu avellere nostro,
Quem mecum Aoniis Comites pavere sub antris
Eximium ante alios, qui numina nostra colabant.
Scilicet alma Themis dum temperat omnia librâ,

195. Dum cælum luci, ac tenebris partitur in æquas
Justa yices, & cuique suum pro munere reddit:
Non contenta suis, nostros prædatur honores.
Vos comites prohibete nefas, mittantur alumnum
Qui reperant, Themidemque verent, ne denique
blandum

200. Per mille & curas, & mille negocia pectus
Dividat, aut nimio rerum sub pondere frangat.
Et frustra est autem, magnumquod nomen obumbrans
Justitiæ, ostentat, quos curia spondet, honores.
Nam LAMONIADÆ nec honos, nec gloria tanti est,

205. Artibus ut nostris trabeas, sellasque curules
Æquiparet, vel post Musas ea munera ponat.
Quem neque propositi fascēs, neque purpura movis
Multa recusantem, & studia in meliora paratum.
Ipso dives opum contemptu, dives honorum

210. Fortunam æquasset regum privatus, & unam

Virtutem affectans, fastum abjurasset inanem.

Sed quid ego hæc tecum? Quando Thymbræus
Apollo

Arbitrium feret, arque illo sub iudice dicam.

Cum Phœbo nympham mœsti audivere poetæ,

215. Pro magno LAMONIADE, qui dicere mustant,

Si res ipsa ferat, dum cætera turba sororum

Instat apud Phœbum, qui criminis hujus acerbet

Invidiam, Themidemque odio graviore perurat.

At Themis hos tollens oculos, quibus altra serenat,

220. Multa Jovem, & divos verbis testata modestis,

Et turbam aspe ctans, contra sic ora resolvit.

Nil equidem, ô Musæ, de vobis tale verebar,

Pro LAMONIADE, vestro quem munere dudum

Insignem, patribusque meis, gentique togatæ

225. Imposui legum ultorem, jurisque magistrum:

Artibus ut vestris, nostra de laude, paretur

Præsidium, Musisque sui reddantur honores.

Namque artes vestræ, ac studia illaudata jacerent,

Ni clavum, & trabeam, & fasces, sella que curules,

230. Et quas tingit honos sacrato murice vestes

Virtuti offerrem, & meritis, doctisque pararem.

Quæque mihi cœtus fuerat reverentia vestri,

Dicitis invidiam. Sed jam non ista morabor.

Et quamquam objectum crimen res ipsa refutet;

235. Non equidem abnuerim, Phœbo sub iudice, pro re

Pauca loqui, si Phœbe sinas, & causa reposcat.

Tuque adeo (nec enim jam dissimulare verebor)

Hostis amarâ, mihi quando ceu crimen acerbum

Immeritæ factum objectas, lætabere facto,

240. Omnia ubi noris, quæ non audire pigebit.

Cum nuper pestem studiis meditata Minervæ,

Arma fremens totum erraret Bellona per orbem:

Et cuncta arderent cæco inflammata furore:

Parnassi templa indigno temerata videbam

245. Contemptu, squallere artes, bellicque tumultu,

Dulcibus abjungi studiis, quos otia molli

Musarum in gremio, placida sub pace, fovebant.

- Id metuens, LAMONIADEM, doctissimûs unus
Qui fuit in Francis, & consultissimus æqui,
250. Insignem meritis, & vestro numine plenum
Ipsa meo imposui solio, patresque regendos,
Et regnanda dedi pallatia : sancta ubi leges
Curia fatidico accipiat dictantis ab ore.
255. Ne quisquam dubitet vestris impendere curam
Artibus, egregios quicumque affectat honores.
Atque (fatebor enim) tanto pro munere, grates
Sperabam mecum hoc agitans : nec proinde futurum
Ordine de vestro quemquam, qui præmia fando
260. Nostra redargueret : parto nam major ab ostro
Olli majestas nostro de munere, venit.
Ut cum trunco opifex statuam molitus acerno :
Effigiem postquam ligno extudit, arte magistra,
Delubro in magno : aut regali sede locandam,
265. Informans ferro lignum, postquam ora polivit,
Artifici dextra summum decus addit, & auro
Os, oculosque linit super, omniaque induit auro.
Unde operi major species accedit, & arti.
Sic LAMONTADES, jam pridem munere vestro
270. Excultus, postquam nostra ornamenta recepit,
Omnia habet majora, meo plus clarus ab ostro.
Qualis, quæ largo quamquam se lumine signet
Tæda accensa, tamen summas si forte sub auras
Tollatur sublimè, dabit plus lucis ab alto.
Adde his, horrendo armorum dum perstrepat æstu
275. Gallia, & attonito belli fragor intonat orbi :
Ut primùm Francos divûm indulgentia cœpit
Respicere, & fractis spem certam ostendere rebus
Hunc solum in nostrum summi dominator Olympi
Extulit, & tanto meritum insignivit honore :
280. Cum daret in populos certæ præsentia pacis.
Ipsaque, divino longè sub corde revolvens
Fataque fortunamque viri, eventusque futuros,
Principio ex ipso, summa ad fastigia rerum
Illum ego cernebam manifesto numine ferri.
285. Quid memorem totam facti cum fama per urbem

Didita, qui plausus fuerint, quæ gaudia vulgi &
Vos quoque gratati proceres, patresque togati,
Quod LAMONIADES numero delectus ab omni,
Unus præ reliquis, hoc dignaretur honore.

290. Ipse pater, magnam qui præter labitur urbem
Sequana, lætitiâ fundo testatus ab imo,
Ingentem sonitu plausum dedit: omnis aquarum
Ibat eum circum quæ tum gens humida, magna
Exultans toto plausum respondit ab amne.

295. Et divina Pales, & agrestia numina Fauni
Lætitiâ sensere, choros dum rustica pubes
Pro LAMONIADE, lucis agigaret in altis.

Quem famâ longè egregium, & præstantibus orsis,
Munus ad hoc, divûm manifesto numine posci,
300. Hi plausus populorum, & erant hæc gaudia testes.
Vos contra video dissensu tendere magno,
Uni infensæ omnes, mihi dum pro crimine grandi
Melpomene ereptum insultans objectat alumnum.

Forſitan at quæras, isto cur lætus honore,
305. Abjungat studiis animum, Musasque relinquat.
Eloquar. Ac primûm nos vos, quod rere, reliquit.
Qui fuerant? primos pro vobis servat amores.
Verûm, dum curas animum partitur in omnes,
Impositique suos meditatur muneris usus:

310. Otia deficiunt meditantem, & multa parantem
Instaurare, bonum quæ jam commune reposcat,
Emandare dolos, fraudesque clientibus arte
Multiplici variè innexas, succurrere lapsis
Legibus, & verſos revocare in pristina mores.

315. Nam conjuratæ sacras reſcindere leges
Immanes furia ſpargebant cuncta veneno.
Ipsa etiam tristes agitans Discordia turbas,
Mendacique truces fuco Fraus oblita vultus,
Et fraudum prima inventrix, scelerisque cupido.

320. Inconceſſa ſibi uſurpans, fasque omne revellens,
Atque odia, atque inimicitia, litesque malignæ
Per fora conſuſo miſcebant cuncta tumultu.

Quæ ne dira boni paterentur monſtra clientes,

- Instituit tantæ se contra opponere moli,
325. Exercens rigidum imperium, dum protinus omne
Expuleritque foro vitium, legesque piarit.
Dumque vetat versare dolos, & fallere jura,
Magna incepta parans, & vos perferte parantem;
Musarum chorus hoc velit, & patiatur Apollo.
330. Hunc ego civili cum respirabit ab æstu,
(Temporibus certis nam respirare vacabit)
Vestris ire jugis, vestrosque accedere fontes
Edico. Tum fas illi indulgere Camœnis.
Vestra & amet nemora, & fontes invisat amatos;
335. Liber ubi partis opibus lætetur, & artes
Phœbæas recolatque animo, & collecta revisat.
Ut quando toto orabit præsentem senatu,
Curia mireturque virum, assurgatque loquenti.
Astræam orantem plausu, fremituque secundo
340. Certatim turba excepit. Pars dicere divæ
Pertendunt tanto meritis pro munere grates,
Pars memorant factum egregium. Quin ipsa vicissim
Melpomene se se incusans, jam dicta retractat.
At folio Phœbus fari sic cœpit ab alto.
345. Accipe, daque fidem Themis optima, pactaque
firma,
Ne rumpat pacem ulla dies, aut fœdera turbet.
Nam LAMONIADEM nostra olim castra secutum
Deberi Musis rerum haud ignara fateris.
350. Verum illi dulces ut sint super omnia Musæ,
Vincat amor Themidis: quando sic fata reposcunt.
Otia ament, umbramque alii, dum Palladis artes
Sectari, & nostros properant accedere colles:
Fortunam capient alii popularibus auris
Sublimes, penetrentque aulas, & limina regum:
355. Vana alii certent animi pro laude, ruantque
In cædem, pulchramque petant per funera mortem,
Tu, LAMONIADE populis dare jura memento.
Hæ tibi erunt isto propriæ pro munere partes,
Justitiam colere, & leges præscribere regno.
360. Munere quo domini rerum, regesque supremi

Nullum majus habent : non qui sublimis ab alto
Jupiter omnipotens terras moderatur Olympo.

Nam populis sua fata , suos imponere mores ,
Inque hominum vitas , & crimina , vindice poena ,

365. Arbitrium exercere , vicesque indicere genti ,
Hæc porro prima est rerum , & suprema potestas :
Quâ digni heroes ad publica commoda nati :
Dignus at ante alios LAMONIUS , ordine ab omni
Quem superi optarunt , qui jura imponeret orbi.

370. Dixit , eo dicente , omnis clamore secundo
Mons circum infremuit , Themidi nec dicere laudes
Cessabant Musæ , nec laudibus addere grates.

Cygnus erat præstans forma , & candentibus alis
Quem Musæ Aonii sub vertice montis alebant :

375. Cujus Melpomene niveo de tergore pennam ,
Pennam excellentem blandè detraxit , & ipsi
Transmissam LAMONIADÆ , pro munere magno ,
Justitiæ , atque fori solitos concessit in usus ,
Scriberet unde , sacro populis quæ funderet ore

380. Dictata è folio sanctarum oracula legum ,
Astrææ æternis servanda oracula fastis.
At Themis : hoc etiam nostri pro pignore amoris
Munus , ait , ferat ille : meæ momenta bilancis ,
Quæ de fortunis populorum cernit , & omnem
385. Temperat una , suo pro nutu , & pondere mundum ,
Momenta hæc LAMONIADES moderetur : & orbi
Indicat sua fata , suos dispense honores.
Ad donum Themidis Musæque , ipsique fremebant
Assensu vario vates , pacemque canebant.

390. Hi , LAMONIADE , Francæ lux maxima gentis ,
Hi pro te motus animorum , hæc fœdera pacis
Divarum ancipites curas , mentesque tenebant.
Ipse aderam pugnæ , & paci : vel adesse videbar.
At quamquam te diva Themis , patrum ordine ab
omni ,

395. Præcipuum optarit , qui patria jura ministros :
Tu se sem hanc , quem tu meritis pro talibus imples ,
Quæque tuis tantum meritis implenda vacabat ,

Tu tamen hanc sedem Musis debere memento.

Dulcia Musarum, dum fas est, otia libes.

400. Otia sæpe tamen strepitu rumpenda forensi.
 Et quamquam dominata foro tibi monstra resistent.
 Quamquam fictores fandi fallacibus intent
 Verborum insidiis, nihil insidiosa moratus
 Et verba, & fraudes, obnitere; nulla laborum
405. Terreat instantem facies, aut pectora turbet
 Tolle animos contra intrepidus: nec desine porro
 Hortari meliora, viamque insiste domandi.
 Si qua foro priscae relictent vestigia fraudis.

Interea efficiam, si quid mea carmina possunt,

410. Ut te legiferis aliquando heroibus addat
 Gloria, & aurato portet super æthera currus.
 Illi aderunt comites Musæ, currumque sequentur,
 Plausuque atque tuba accinctæ tua dicere facta.
 Fama omnem egregio moderabitur ordine pompam
415. Et dantem sua jura, Remo cum fratre, Quirinum,
 Romanumq; Numam, Lacedæmoniumq; Lycurgum,
 Et quondam emeritum reddendo in jure Solonem,
 Omnes legiferos, claros virtutibus omnes,
 Ostendet longè super, ætatiq; futuræ
420. Justitiæ exemplum totum proponet in orbem,
 Quod feri memorent, admirenturque nepotes.
 Quin tua, juncta meis si publica vota valebunt,
 Cœpta secundabunt superi, Deus ipse supremum,
 Quem dedit alma Themis, tibi fortunabit honorem:
25. Ut summo in folio, durando sæcula vincas.

Ipsa autem in terris, summo te vindice legum,
 Nunc etiam Astræa, ut quondam, gavisâ videri,
 Dilapsos mores tecum instaurabit, & omni
 Ah toties sperata dabit demum otia regno.

430. Aurea Pax, & sancta Fides, & candida vultum
 Simplicitas, nec non docta cum Pallade Musæ,
 Astrææ comites aderunt, Francique senatus
 Implebunt sacras, summo te præside, sedes.
 Quin etiam, dum regem inter, populumq; patresq;
435. Das tete medium (nam muneris hæc quoque pars est

Nec postrema tui) regis, populique, patrumque
Sic junges animos, ut nobis aurea reddas
Sæcula, & æterno componas fœdere regnum.

Et folio leges quando dictabis ab alto;

440. Dictanti circum altabit, cum murmure blando,
Turba omnis Charitum, quæ verba leporibus ornet.
Nec tibi jam fando orator certaverit ullus,
Tam sublimè loqui, aut sic persuadere loquendo.
Ipsi dum lites, & bella forensia tendunt
445. Franci oratores, in vestri luce senatus:
Si quando patrum studia, affectusque tenendi:
Aut si magnificis replenda est curia verbis;
Egregio per te instructi sermone, tuoque
Formati eloquio, tractabunt civica bella
450. Fortius, & patrum studia affectusque tenebunt.
Dùmque modos, legesque, dabis, moremque loquendi:
Romanæ Themidi, Romanis æmula rostris,
Sacra Parisiacæ Themidis delubra sonabunt.
Fulminibus verborum: atque omnis Romula tellus,
455. Quamquam olim mundi imperio, eloquiique superba
Cedet, & antiquos dediscet Græcia fastus.
Nec facunda, omni Argolica cum gente, Corinthus,
Undantisque opibus linguæ torrentis Athenæ,
Te summo dandi juris, fandique magistro,
460. Lutetiæ certent, omnes cui deinde subacti
Romulidæ, atque omnes obvertant ora Pelasgi.
Illa tuo, LAMONIADE, de rure canebat
Is vates, quem tu dudum complexus amicum es,
Texebatque tibi lauro è viridante coronam:
465. Tempore quo, gentis victor LODOVICUS Iberæ
Pacem omni dabat Europæ: mundoque quietem.

CONSOLATIO

AD JULIUM CARD.

MAZARINUM

PRO

ALPHONSI MANCINI

FILII SORORIS

OBITU PRÆMATURO.

NAM quod triste adeo sidus, quod numen ini-
quum,

Dum plausus inter populorum, aulæque favores

Cuncta tibi veniunt lætissima, maxime JULI,

Perturbat, miscétque tuas tot luctibus ædes?

5. Ecce omnes belli longè, armorumque tumultus,

Funeraque, & strages, dubiique pericula martis

Finibus his, nostrâ longè à cervice repellis:

Auxilioque vocas populos, qui vindice ferro

Certatim assistant, & nostra in fœdera jurent.

10. Non spolia hîc Belgæ toties erepta Leoni,

Non fusas acies, non propugnacula dicam

Disjecta, eversa quæ arces, hostemque repulsum:

Omnia jam vulgata mihi, & celebrata canendo.

At duri quando media inter fuimina belli

15. Civiles regni motus, cæcosque furores

Illo componis vultu, quo cuncta serenas.

Ædibus in mediis, ipsorum ante ora Penatum

Invida vis fatorum, & inexorabile letum

Dira fremit, luctuque domum confundit acerbo.

20. Namque tuus medios ardens dum fertur in hostes

Paulus & ingenti laudis percussus amore,

Pro Rege & regni pro libertate tuendâ

Bella movet, pulchramque petit per funera laurum,
Occumbit rigido trajectus pectora plumbo.

25. Ac neque ducta illum cognato à sanguine virtus.
Non animo ingenti vis addita, & insitus ardor
Bellandi, non Regis amor, non gratia vultus
Devotum pro laude mori, atque insueta parantem
Objectæ necis instanti eripuerè periculo.

30. Ætatis cursu in medio, & florentibus annis
Ereptus tristem regno, Regique, tibi que,
Mœrorem hoc fato, desideriumque reliquit.

Nec sua dilectam pietas virtusque sororem
Nec tua, quamquam ingens ingenti educta favore

35. Fortuna eripuit leto, cum febris anhelam
Ureret, & flamma miseros depasceret artus.
Vidi ego cum tristi in lecto moribunda jaceret,
Et staret circum medicorum turba jacentem
Explorans, ægram si quâ fors arte levaret,

40. Nec quidquam, vis morbi ipsam superaverat artem.

Quid memorem raptam violento funere Neptem?

Postquam Vindocinâ Mancinos gente penates,
Jam tories faustos Lucinæ experta labores,
Auxerat, & triplici Sponsum jam prole beatat.

45. Hanc neque Borboniâ veniens à stirpe maritus
Mercorides, non ipse focer, magnique penates,
Servare à casu miseram potuere supremo.

His tot funeribus super, exitioque tuorum,
Ab ! iterum ecce tui (ut perhibent) ALPHONSUS
amores,

50. ALPHONSUS tua cura, tuæ spes altera gentis,
Palladiæ primos dum carpit laudis honores
Ingenii florens opibus, dulcisque juvenæ,
Ah ! morti ante diem extinctus succumbit acerbæ.
Mollis uti riguo cum se se tollit in horto

55. Flosculus, hibernæ qui nondum frigora brumæ
Sensit, & afflatus cæli gravioris, & auræ.

Aut qui marmoreâ jam floret amaracus urnâ
Eximium ante alios quem virgo sedula flores,
Et fovet, & reliquis spectat præ floribus unum :

Dumque

60. Dúmque umbram multâ effundit jam fronde coman-
tem

Attollitque animos, si se se turbidus imber
Ruperit, aut Aquilo nigrantes moverit alas,
Pallet egens animæ, & fractâ cervice recumbit.
At quos non gemitus, quæ non lamenta dedere,

65. Istâ morte super, nostro sub Monte, Camœnæ?
Et dum te morbi vis dira, ALPHONSE, teneret
Quas quibus heu! miseri non imploravimus aras
Suspensi votis? quæ non delubra per urbem,
Orantes Divos lustravimus? ah quibus ipse

70. Cælum incendebam precibus? si denique possem
Fortè meum leto immiti, & pallentibus umbris
Eripere ALPHONSUM. Vos alta palatia JULI
Tuque domus, tu prima meos testabere luctus.

Dilecti manes, & vos quæ dulcis alumni

75. Funere in extremo morientia lumina pressi,
Testor in interitu vestro, me corde sub alto
Curarum fluctus omnes subiisse, nec ullas
Ægrâ mente vices non accepisse dolorum.

Non ita dilecti genitrix in funere nati,

80. Qui spes gentis erat, vel proles unica matri,
Non ita sponsa suum, quem mors tulit atra maritum,
Tunsa sinus, sparsosque auris laniata capillos
Flet noctem, cælumque suis replet omne querelis.
Me ne ah! te morti coram vidisse propinquæ

85. Luctantem, ac summos singultus ore cientem!
Ac me, ALPHONSE, tuam quando jam luce supremâ
Vitam ageres, gelidoque fugax erraret in ore
Spiritus, ah! me tantum oculis hausisse dolorem!
Nec potuisse mori? quæ me ad graviora reservant,

90. Si merui pœnas, offensi numinis iræ?
At cùm te superi, cùm fata extrema vocabant
Vi nimîâ morbi exhaustum, & jam morte propinquæ
Pallentem, si fors vota exaudita fuissent,
Ipse libens (mihi sunt superi, sunt sidera testes)

95. Ipse, ALPHONSE, libens pro te tua fata tulissem.
Nam cùm fortunæ me spes jam nulla teneret

Rap. Tom. III.

L

Implicitum vitæ curis , aut vana moventem ,
 Nec mihi difficilis lucis jactura fuisset ,
 Sponte hoc, quodcumq; est, ævi pro te ipse dedissem.

100. Quem regni ad columnen spes publica, & insita virtus,
 Et favor , & meritum, & melior fortuna vocabat;
 Ah! mihi cur fortemque tuam , properataque fata
 Non licuit tolerare ? tuus te lætus haberet

JULIUS , & cæli me splendida templa tenerent

105. Exemptum curis , ac lætâ pace fruentem .
 Cur saltem æthereas non me MANCINE per auras
 Cùm cælo rapereris , & in supera alta volares ,
 Fas erat ire tibi comitem , & tua fata secutum ?

- At, seu forte alti penetras jam limen Olympi ,
 110. Seu spatio superos orbes decurris aperto ,
 Sive Agnum , ut pueri infontes , comitaris euntem:
 Hæc quam supremo devovi funere pro te ,
 Tecum erit hæc anima , atque plagas comes ibit in
 omnes :

Nec tua chara meo de pectore cedit imago.

115. Nam memini , cùm te egregias ad Apollinis artes
 Formarem , primos inspirans laudis amores ,
 Ut pollens acri ingenio & præstantibus ausis ,
 Implebas animum monitis , & ad ardua niti
 Promptus , & ingentes jam menti assuescere curas.

120. Et quamquam obstaret labor , ætatemque teneret ,
 Ibat, amor laudis super , & jam nota voluptas
 Vincendi, sperata animum jam palma movebat.
 Nam dum se studio exercet numerosa juvenus
 Monte super Claro , doctoque in pulvere sudat ,

125. Primus & ire viam , & socios superare priores
 Tendebas , pulchri pretio inflammatus honoris .
 Mirabar , tenui jam tum sub pectore, grandem
 Magna movere animum, jam ferrum ac tela fremen-
 tem

- Et quoties quidquam de bello audiret , & armis ,
 130. Jam tenera ardebat circum præcordia sanguis ,
 Et torva optatum spirabant lumina martem.
 Vixque puer tristi jam tum non cedere leto ,

Obnixus, fuso sperabat sanguine lauros.

Quid referam, primis ut jam properaret ab annis

135. Durum laudis iter teneris insistere plantis?

Victrici quoties ut vinctus tempora palmâ

Magnanimus Juvenis divinæ Palladis artes

Ceperit, exsuperans animi, & studiosus honoris.

Non illum blandæ ætati permessa voluptas

140. Tardavit properantem, & ad ardua quæq; paratum;

Quid porro reliquas ALPHONSI dicere dotes?

Instituam? quid mentis opes, quid cætera longo

Carminè magnarum pergâ præconia laudum?

An memorem largam spargenda in munera dextram?

145. Aut juvenem socios omni prævertere amore,

Semper & officio assuetum certare priorem,

Deinde mereri animos, & conciliare merendo?

Ludo impendendos concessa per otia nummos

Partiri interdum, & miserorum impendere turbæ:

150. Nil inconcessum fastu affectare superbo,

Aut sibi, quas nondum meruisset, sumere partes.

Et quamquam merito ingenti & popularibus auris,

Evectus grandis fortunæ pondera ferret,

Omnis quamquam aulæ jam conciliasset amorem.

155. Ibat par cunctis, nec quos suspirat inanis

Ambitio, fœdè vanos quærebat honores.

Hoc Puero ingenium! hi mores! hæc ilicet olli

Prima rudimenta! & magnarum exordia laudum.

At superi hunc terris tantum ostendere, neq; ultra

60. Virtutem passi tantam se extendere factis:

Esse suum optarunt. Quod si fortuna tulisset,

ALPHONSOQUE suis robur venisset ab annis,

Quam forti durum spirasset pectore martem,

Antiquæ gentis memor, & virtutis avitæ?

65. Quamq; habiles ad bella manus movisset? & omnes

Quàm promptum sese in casus quàm sponte dedisset

Et seu fulmineum plenis jam viribus ensen,

Horrida seu valido torsisset tela lacerto,

Armato sese non quisquam impune tulisset

70. Obvius, aut paribus contra objecisset in armis.

Illa dabat de se præfagia, pectore ab alto
 Jam laudem affectans lucis contemptor, & acer
 Inviçtusque animus: præclaræ semina mentis
 Namque dabat patrius vigor, & natalis origo:

175. Hos animos Puero, hos ignes tu Maxime JULI
 Virtutisque tuæ magna incendebat imago.

Dumque tibi strage immensâ, multoque superbus
 Sanguine, prostrato retulisset ab hoste triumphos,
 Quam tibi blanda tuum movissent gaudia pectus?

180. Ac mors præcipiti rapit lieu! tot gaudia leto,
 Et spes tam lætas intercipit! O mihi tantâ
 Clade super, quis iusta meo det verba dolori?
 Sed quid vana autem verbis solatia quæro?

At dum, magnanime ô JULI, tot acerba tuorum
 185. Funeraque, & casus, & fata domestica, & ipsum
 Egregium factis olim, insignemque futurum
 ALPHONSUM tristi præreptum funere plango:
 Ipse tuas clades regni solare triumphis.

Gallicâ namque tuis dum tantum lilia florent
 190. Consiliis, fugiuntque hostes, si tristitia quando
 Transversa incurrunt lætis: quodcumque periculi est,
 Publica res dum salva, tui obliviscere luctus,
 Communi rerum successu lætus, & omnis
 Jamdudum certus fati, certusque favoris.

Et si tantus amor fines extendere nostros,
 195. Atque novis iterum LODOVICUM implere triumphis:
 Te, JULI, regno incolumem servare memento.
 Hæc animum jam cura habeat tam iusta, neque ullis
 Divisum toties per tanta negotia pectus

200. Præterea frangi curis patiære tuorum.
 Ex quo orbem, & populos, & publica commoda
 curas,

Non te privatos jam fas audire dolores.
 Postque extincta tuæ jam tot decora inclita gentis,
 Disce animum adversis durare ad grandia rebus.

IN OBITUM

CLAUDII MEMMII AVAUXII.

CUM funesta tuos totum vulgaret in orbem
Fama obitus, magne ô Memmi, populosque
frequentes

Ducendum ad funus mœsto clamore cieret,
Aonios porrò in montes pernicibus alis

5. Venit, ubi Musis templum fundavit Apollo.

Tunc mediis in templi adytis, araue sub ipsa
Insignem meritis, & multa laude superbum
I Clarum sacra turba, choro alternante, canebat
Memmiadem, meritosque viro dicebat honores;

0. Et memorabat, uti primis properaret ab annis

Magnum laudis iter teneris insistere plantis,

Externos ut mundi orbes, externaue regna

Pro Patriæ imperio, pro religione tuenda

Lustrarit. Scythicæ tu morem imponere genti,

15. Tu durum orando potuisti vincere Dacum.

Ipse & Riphæis damnatus Sarmata brumis,

Ipse Geta, ipsi etiam gaudentes cæde Sicambri.

Dum tu Romuleos suadebas funere ritus,

Pendebant fixi docto dicentis ab ore.

0. Talibus Aonidum celebrabat turba Sororum

Memmiadem, cum fama volans narravit eundem

Ereptum fatis, & acerbo funere mersum.

Ut primum attonitas pervenit tristis ad aures

Nuncius, indigno ruperunt candida planctu

5. Pectora plorantes Musæ, cantuque relicto

Fugerunt passis templi in diversa capillis.

Intremuere imis sacrae è penetralibus ædes

Araue nigranti sudavit plurima tabo.

Illum & desertis flevit sub vallibus Echo

10. Fleverunt mœsti fontes, & murmure rauco

Narravere suos, offensa ad saxa, dolores

L iij

- Quinetiam obscœni cœlum, quo purius ullum
 Non fuerat, cœlum obscœni infecere vapores,
 Astrorumque graves hebetarunt lumina fumi.
35. Vosque adeo castæ vestro sub monte Sorores
 Æternis tanto pro funere luctus haberet,
 Ni lucere sacros, magna inter sidera, Manes
 Memmiadæ, cœlo Phœbus monuisset ab alto.

TRIUMPHALIUM
 LUDOVICI XIII.
 MONUMENTORUM ^{m)}
 EX EDITIONE
 JOANNIS VALDORII
 DEDICATIO.

- H**Uc ades, ô quocumque agitas in tramite cœli
 Immortale ævum; seu te cumulata triumphis
 Gloria flammato generosi Martis in orbe
 Cœlo efferre caput dedit, aspectûque beato
5. Fundere divinos ægris mortalibus ignes;
 Seu via, sinceri quæ candens lactis, apertum
 Pandit iter magnis virtutibus; inclyta seu te
 Altræa, ut quondam, gaudentem nomine justî
 In gremio fovet, & multa te luce coronat;
10. Seu te Borboniis habitata heroibus altra;
 Seu te habeant stellæ ingentes, seu purior æther:
 Huc ades, ô LODOVICE: & si quid deinde meremur,
 Huc oculos, huc ora, quibus dum vita manebat
 Jura dabas mundo, radiati huc lumina vultûs
15. Inflecte, & nostri curam dignare laboris.
 Aspice quem (post fata) tibi posuere triumphum
 Plorantes Musæ, & mixtæ plorantibus Artes.

- Argumentum ingens laudum, & memorabile tanto
Quanto omnis purum luxus; namque illud ab arte
20. Quidquid id est, tibi surgit opus. Non vasta domo-
rum
Machina, & infani moles operosa laboris,
Quam ventura ætas ni tollat, sæcula vertant;
Fortunæque vices, & inevitabile fatum.
Non hîc immani patefacta voragine tellus
25. Tarrareas referat sedes: noctémque profundam;
Non suspensa altis vacuas hîc pendet in auras
Porticibus domus, aut vallo prætenta minaci,
Non montes imis olim è radicibus actos
Duravit muris, spatióque coegit iniquo
30. Aut circum adducta pontum tellure repressit
Conductus populorum auro, & sudore redemptor;
Ingenii est quodcumque tibi, L O D O I C E, paratur,
Nil tale Ægyptus, per tot miracula rerum,
Prodigiis famosa tulit, dum vana superbo
35. Regibus ipsa suis ducebat funera fastu.
Illa quidem lethum contra, annorúmque ruinam;
Moliri æternum vivaci in marmore funus
Tendebat, molésque altas æquabat Olympo,
Nec quicquam: duri sed enim inclementia fati
40. Has pessum egit opes, tantáque è strage vetustas,
Illustres etiamnum ostentat victa ruinas.
Hîc tempus nil juris habet, rerum optima quando
Partem opere in tanto meliorem fama tenebit.
Hanc, L O D O I C E, tibi junctæ virtutibus Artes,
45. Hanc Musæ posuere ædem, quam nulla vetustas,
Non ferri vis ulla, nec ulla injuria fati
Evertat, non si toto furor improbus orbe
Se tollat contra, totámque exerceat iram.
Hîc tua te virtus, annis & tempore major,
50. Seu regnantem orbi, sive horrida bella gerentem;
Sive triumphantes agitantem in prælia turmas,
Famâ immortalis feros celebrabit in annos.
Hîc te collecti scelerata sub arma rebelles,
Hîc ipsi te hostes post mortem, & fata, pavebunt;

55. Hic gentes bello egregias, animisque feroces
Imperio assentas, fama, & virtute domabis:
Hic populi pacem orabunt. Tu denique morem
Impones mundo, & rerum tractabis habenas.
Hic regnandi artem tua quondam exempla docebunt
60. Venturos à te reges, & jura daturus.
Tūque prior tantis præsens illabere cœptis,
Dūmque tuæ hic ansa dolentur odoribus aræ,
Hunc etiam exigui fumum ne despice thuris.





C A R M I N U M
L I B E R T E R T I U S,
E L E G I Æ.

S E Q U A N A
P A C I S N U N T I U S,
E T P U B L I C Æ F E L I C I T A T I S
V A T E S,

A D
L U D O V I C U M X I V.

E L E G I A I.

- V** Os ego ludentes vidi per cæcula, Nymphæ,
Quæ Parisiæ regna tenetis aquæ.
Festa caput, vili pro junco, laurus obibat,
Implebátque sacras mollis oliva manus.
5. Stabant adversæ declivi margine ripæ,
Quæ vicina colunt rura, lacusque dæx.
Mirabar quorsum ludus spectabat, & unde
Tantus is, in toto flumine, plausus erat.
Miranti, motu arcano, se pandere visus
10. Amnis, spumantes pons ubi rumpit aquas.

Mox deus ipse loci thalamo processit ab alto ;

Non salice humentes vinctus, ut ante, comas.

Sed plexæ laurus simul, & candentis olivæ

Prætextus circum tempora ramus erat.

15. Attonitâmq; sacro perculsus numine mentem,

Fatidico tales fudit ab ore sonos.

Gratia dîs, dextræque tuæ, pax redditur orbi,

Debita erat fatis quæ, L O D O I C E, tuis.

It e coronati per flumina nostra phaseli,

20. Quos fecit bellum, sustulit ille merus.

Ah! memini, cùm Mars nuper civilibus armis

Vicinos quateret sanguinolentus agros.

Ipsa meo facies & erat miserabilis amni,

Et tumidis pallens ripa tremebat aquis.

25. Nam gravibus flammis cùm bellum arderet, ab ipsa

Flumina currebant turbidiora metu.

Inde meos contra mores furiosior ibam :

Venerat à belli fluctibus ille furor.

Nunc mihi, nunc toti regno, mitissime Princeps,

30. Moribus omnia sunt facta serena tuis.

Namq; tibi postquam, tua quando id fata ferebant,

Arbitrium armorum Mars tuus omne dedit :

Innumeris etiam, quos contigit usque mereri,

Accessit titulis pacificantis honos.

35. Et quam tot bellis non obtinueret tot anni,

Pax facta est, dextræ munus, opusque tuæ,

Vos pacem pueri, pacem celeberrate puellæ,

Ora pacato milite mundus agat.

Horrida quæ populos terrebant arma, silebunt :

40. Nectuba rauca dabit, quos dabat ante, modos.

Templorum sacris defixi postibus enses

Relligionis erunt signa, furoris erant.

Agricola incurvo poterit securus aratro

Jam non vastandæ credere semen humo.

45. Multa peregrinas, pacata per æquora, merces

Ad portus nostros navis Eoa feret.

Florebunt artes, quæ, bello ardente, jacebant ;

Virtutisque suus restituetur honos.

Non incerta cano : pacis manifesta futuræ

50. Signa dedit , myrto tempora vinctus Hymen.

Paciferæ ramum populis L O D O I C U S olivæ ,

Illâ prætendit , quâ tulit arma manu.

Et quam non meruit tot votis Cæsar amicus ,

Sponsa venit Franco , cui prius hostis erat.

55. Quem toties tremuere suâ de rupe Pyrenes ,

Quod nolim fratrem jam meminisse Tagum.

Ipse animos fulménque premit rex Francus , & iram ,

De modo terribili milite , factus amans.

Quin etiam , tulerat quando victoria , leges ,

60. Quas dare debebat , victus amore petit.

Ipse accinctus Amor pharetrâ , plaudentibus alis ,

Adjuvat augurium pacis , & arma vetat.

Tu fulmen L O D O I C E tuum , tua tela reconde ,

Hostibus ah ! nimium cognita tela tuis.

65. Pone modum bello : nec enim bene quæritur armis ,

Qui magis obsequio conciliatur amor.

Inter Iberiadas virgo pulcherrima nymphas ,

Has tibi fert , quas non altera ferret opes.

Tu tantæ submitte animos , atque arma maritæ ,

70. Illa tibi pacis dote superba venit.

Majorem thalamo sociam ne quære , vel ambi :

Nil jam quod majus spondeat , orbis habet.

Nam cum terrarumq; spem , votâq; publica portet ,

Par majestati dos erit illa tuæ.

75. Bætis opes , aurumque Tagi , pretiosâque Gangis

Litora sint aliis invidiosa procis :

Si pacem pro dote ferat T H E R E S I A Franco :

Omnis ab hac orbis dote beatus erit.

Ædere tam sancto componere bella per orbem

80. Res erat ingenii , fortis J U L E , tui.

Plaudite mortales paci , pacisque ministro ,

Mentis J U L E Æ pax opis illa fuit.

Dum loquor egregium veniunt ad fœdus amantes ,

Aurea quo terris sacula rursus erunt.

85. Qualia Saturno quondam regnante vigeant ,

Florebâtque bonæ simplicitatis amor.

- Felix connubium, cujus de fœdere sancto,
 Par mundi votis pax opulenta venit.
 Jámque datur Franco THERESIA, bella per omnem
90. Europam, vultu compositura suo.
 Sic vos festus amor, sic jungat pronuba Juno,
 Sic dexter vobis sic bonus adsit Hymen :
 Ut surgat veltro de sanguine pacifer heres,
 Vestræ pacis opus qui bene semper amet.
95. At tu cum spoliis jam non cumulatus opimis
 Quadrijugis venies conspiciendus equis :
 Conjuge sed magna, & dotali pace beatus,
 Perpetuum populis Rex bone carmen eris.
 Te neque publica vox, neque te privata tacebit,
100. Ex quo per pacem factus es orbis amor.
 Rustica te dicet pubes, cum pace sub alta
 Ducet araturos rura paterna boves.
 Liba tibi mixto sacrabit adorea lacte
 Pagus; ubi magnæ copia messis erit,
105. Orabunt acti ventis tua numina nautæ,
 Fiat ab ingenio mitis ut aura tuo.
 Te rupes, te saxa, cavis te vallibus amnes,
 Omnis te festa voce sonabit ager,
 Per te cessatis ubertas reddita campis
110. Spem magnam agricolæ luxuriosa dabit.
 At tibi dii, tanto pro munere, justa rependant,
 Et veniant votis omnia læta tuis.
 Téque tui, externique colant, timeántque rebelles:
 Et quicumque parum forte timebit, amet.
115. Tantorum interea fatorum nuncius ibo
 Æquoreis nymphis, Oceanoque patri.
 Dicebat: lævo cum fulmine dicta probavit
 Jupiter, ex ista parte serenus erat.
 Nec plura effatus thalamo se reddidit imo :
120. Fit strepitus, pulsæ personuistis aquæ.
 Omnis Nympharum chorus audit: undiq; plausum
 Responfant auræ, murmure ripa fremit.
 Fama volat toram rumoribus acta per urbem,
 Et dulci pacis nomine cuncta sonant.

Inde

125. Inde omnes orat plebs omnis fusa per aras,
Pacificum regem, pacificosque dies.

JULIO CARDINALI
M A Z A R I N O

PRO CONSTITUTA,
PER PACEM,
PROSPERITATE PUBLICA
DESIDERIA
RERUM OMNIUM PROSPERARUM.
ELEGIA II.

- O** Qui bellorum cum sis ita laude superbus:
Almæ blanda tamen plus bona pacis amas.
Et dum magnanimi miscebant prælia reges,
Pro populis rerum conciliator eras:
5. O! tibi, pro facto egregio, mitissime JULI,
Dent superi meritis præmia iusta tuis.
Nam quidquid de te jam publica fama loquatur,
Vix erit in laudes hæc fatis ampla tuas.
Utque alii fuerint, qui te celebrare poetæ
10. Auderent, magni vox quibus oris erat:
Cum laudum, JULI, moles sit tanta tuarum;
Non ausim tantæ sumere molis onus.
Fortibus imprudens ne quando indulgeat ausis,
Mens argumento sit minor ipsa suo.
15. Quod licet, atque meis non est conatibus impar,
Pro te cælitibus vota, precésque feram.
Qui modò sint faciles, & magna incœpta secudent,
Fortè meis votis ambitiosus ero.

Rap. Tom. III.

M

- Vos superi, quorum sub numine grandia cœpta
 20. Spiramus vates, gens animosa, sacri.
 Et tu divinis fons ô! memorande pœtis,
 Pegasus arguto quem pede fodit equus.
 Quæque, per Aonias secreto murmure valles
 Vatribus unda fluvis non temeranda bonis.
25. Vos superi, Musæque, meis assistite dictis.
 Dum venit ad partes carmen amorque suas,
 Omnibus effundo jam vela patentia votis.
 Vos facite optatis pondus inesse meis.
 Quod pro te possum, pacis divine Minister,
 30. Et quod non nolis ipse, velisque pati.
 Omnes cœlicolas votis precor omnibus: ut cum
 Dona tibi dederint plurima, plura parent.
 Namque tibi, meritis pro talibus, omnia quando
 Contulerint, meritis inferiora dabunt.
35. Qui postquam casus bellando exhaustimus omnes,
 Tempora jam nobis commodiora paras:
 Et demum extincto belli, armorumque tumultu:
 Jam patriæ fundas otia certa tuæ.
 Sis felix, lætusque, isto pro munere, JULI,
 40. Et bona contingant, lætæque cuncta tibi.
 Quidquid agas, cœptis bona lux precor omnibus ad-
 sit,
 Unde tibi faustum perficiatur opus.
 Cumque manus puras supplex ad sidera tolles:
 Numina sint precibus non aliena tuis.
45. Ostendat totum, famâ plaudente, per orbem,
 Se tuus in multa luce videndus honos.
 Te mare, te tellus, te noverit ultimus orbis,
 Omnis sit laudis conscia terra tuæ.
 Et populos longè festo clamore per omnes,
 50. Nomen JULÆUM plausus, & aura ferat.
 Tôtque feras laudes, quot dicitur ille tulisse,
 Sub quo pacatus principe mundus erat.
 De tibi speratis sint publica gaudia rebus,
 Festa sit ut populo, quæ tibi læta dies.
55. Si fuerit, quando affectas sublimia rerum,

- Per non tentatas impetus ire vias ,
Perque gradus omnes meriti contendere honoris ,
Ad quem magna tibi gloria pandit iter :
Sic tua deinde ratis pelagus decurrat apertum ;
60. Ut venti spirent in tua vela sui.
Et qui spumantes agitata per æquora fluctus
Tolluntur , nutu stentque , cadantque tuo.
Si quos fortunæ casus , & iniqua tulisti
Tempora , pars vitæ cætera nube vacet.
65. Dumque ministrabis regno , clavumque tenebis :
Nulla ministerio lux sit acerba tuo.
Ah ! ne illos contra tollant se nubila soles :
Nullaque de cælo stella sinistra micet.
Quamquam parce queri , si te jactavit iniquis
70. Aspera fors fatis , & tibi dura fuit :
Cui nihil adversi si tempora nostra tulissent ,
Tu fortunatus , sed sine laude fores.
Nam cum te fatis premeret fortuna , probavit ,
Quantæ , quam duro tempore , mentis eras.
75. Nunc mutata , suum servabit deinde tenorem ,
Per non difficiles laudis itura vias.
Et jam longè à te , fato meliore , facillant
Omnia felici non patienda viro.
Nam quando per te crudelis turbine belli
80. Confusis rebus mitior aura venit :
Jam pede inoffenso seriem decurrere vitæ
Dignus es , & fato candidiore frui.
Proinde sit illa precor , quâ rerum pondera portas ,
Majori longè pectore cura minor.
85. Dum nox in nostram tibi pervigilanda salutem
Ducitur : ah ! nolis immemor esse tui.
Quamquam ô ! tot rerum , quas tu , pro munere , tra-
ctas ,
Ne faciat somnos cura vel ulla breves.
Non vani subeant animum , turbentque pavores :
90. In placido scopulos ne patiare mari.
Nullorum se se vis importuna dolorum
Objiciat paci , Pacifer alme , tuæ.

- Quique premit nodis te morbidus humor aquosus
 Oro, alios cruciet, qui meruere, pedes.
95. Nulla sit ullius morbi vis improba, quæ det
 Plorandas nobis per tua damna vices.
 Et quod tot perdit, tot perdidit ante ministros;
 Consilii ne te grande fatiget onus.
 Sed positâ interdum curarum mole quiescas:
100. Atque tibi, ut nobis lenis es, esse velis.
 Sic tibi contingant quæ præstas otia terris,
 Sic vacet auctori pax quoque & ipsa tuo.
 Nec sis sollicitus, fatis felicibus ibit
 Dum tua spectabit sidera, nostra ratis.
105. Non alia incerti respectent sidera nautæ:
 Una regat reliquas J U L I A stella rates.
 Stella futura bonum populis, & regibus omen;
 Inter spectandas annumeranda faces.
 Illa & monstrabit mundo, quid foedera firmet,
110. Et quid amica bonæ commoda pacis alat.
 Dictabit populis sua fata, suosque labores,
 Fortunæ certas impositura vices.
 Sic regat interea populos L O D O I C U S, ut in te
 Totius imperii grande reponat onus.
115. Qui si non esset, nec Gallica sceptrâ teneret,
 Nullus, cui posses esse minister, erat.
 Utque suis per te terror fuit hostibus, idem
 Per te sit plebis portus & ara suæ.
 Sit piger ad pœnas, ad præmia danda paratus,
120. Përque tuas jaciât fulmina rara manus.
 Sint alii, qui se malint, speréntque timeri,
 Sit te qui timeat nullus, & omnis amet.
 Ora bonæ plebis laudum sint plena tuarum:
 Et laudum pars sit maxima, plebis amor;
125. Ille animis altè inscribat tua nomina nostris,
 Ut sint annales, pectora nostra, tui.
 Utque diu sub te sit moles publica rerum,
 Cælestes Francum si, modo nomen ament:
 Tempora quæ faciunt, currant tibi lentius horæ:
130. Ut veniat capiti tarda senectâ tuo.

Et si qui erumpant sacro de vertice cani ,
 Si qua tuam frontem ruga senilis aret :
 Ætatis non tam , quàm majestatis ab illis
 Cervici crescant signa verenda tuæ.

135. Ut postquam totum meritis impleveris orbem ,
 Hanc Fortuna tibi dum tua præstat opem :
 Non prius accipiat magni te regia cæli ,
 Nestoreos æquent quàm tua fata dies.
 Utque tibi bona nulla vacent optanda , laborent
140. Pro desideriis publica vota tuis.
 At tua compositis ne perdas otia rebus ,
 Materies nostris laudibus esse velis.
 Urbibus in mediis , rerum monumenta tuarum
 Extent conspicuis aspicienda locis.
145. Atque triumphales eductis molibus arcus
 Res sublime tuas , & tua facta ferant.
 Ipsi oratores pariter , pariterque poetæ
 In laudes solvant ora diserta tuas.
 Omnia plebs omnis de te præconia jactet ,
150. Adque tuum nomen festa theatra sonent.
 Et sola terrarum trans ultima , transque remotum
 Oceanum , gemino fama sub axe volet.
 Ipsa autem ante alias plaudat tibi Gallia gentes ,
 Et servatorem te canat esse suum.
155. Luna prius currus agat ambitiosa diurnos
 Et sol nocturnis palleat actus equis :
 Illa tibi meritas quàm cesset reddere grates ,
 Aut fileat laudes invidiosa tuas.
 Si quid apud Musas pro te mea vota valebunt ;
160. Hoc voveam imprimis , præ reliquisque precer :
 Ut tibi contingat vates , ô maxime JULI ,
 Qui tua sat forti pectore facta canat.
 Hactenus id nulli ponere , ignoscite vates ,
 Pro vobis nimis res ea molis erat.
165. At quicumque tuum violavit carmine nomen ;
 Seu vates , vatum sive sit ille pudor ,
 Pendeat Aonii probrum , atque infamia montis ,
 Crudaque carnivoræ viscera pascat avis.

M. liij.

- Exemplum paveant alii, vitentque poetæ;
 170. A quibus immanis sit procul ille furor.
 Tu tamen, ut fuerit quite fortasse maligno,
 Varibus è patriis læserit ore canis,
 Perge favere bonis, JULI, bonus ipse poetis,
 Si puro fieri carmine magnus ames.
175. Et si forte suos tua nondum gloria fines
 Implevit, si quo progrediatur, habet:
 Adde tuis etiam, quod defuit ante, triumphis;
 Pro restauranda relligione, decus.
 Ut si deinde dolos, & crimina perfidus error
180. Non bene mendaci sub pietate tegat:
 Dira tuæ monstrum submittat colla securi,
 Fascibus oppressum, sideribusque tuis.
 Hostibus ut postquam, sua demum in claustra, re-
 pulsus,
 Gessisti patriæ remque, decusque tuæ:
185. Inferno moveas etiam sua bella tyranno,
 Et palmas, domito de Phlegetonte, feras.
 Si facias, JULI, non jam reor abfore, quin mox
 Are omnis leges, fatæque terra petat.
 Fallor! an augurio tali te respicit orbis
190. Totus, & ipsa orbi Roma favere parat.
 Vo. septemgemi vos nato assurgire colles:
 Et pars Romani sanguinis ille fuit.
 Audior! Applaudunt Capitolia vertice ab alto:
 Annuit ipse suis hoc Tiberinus aquis.
195. Non jam incerta fides, post tempora certa, putan-
 dum est,
 Hoc etiam fati fascibus esse tuis:
 Ut quæ pacavit mundum, sit Judice Roma,
 Cui reges figant oscula digna manus.
 Quidquid eris: nec enim belli armorumque minister
200. Posthac esse potes: pacis amator eris.
 Armæque sint aliis armis congesta, trophæum,
 Crudelis belli sanguinolentus honos.
 At tibi, qui duri potuisti incendia Martis
 Tollere, pax per te facta, triumphus erit.

205. Et si forte humeros Franco subduxeris orbi :
 Omnis terra tuum tunc onus esse queat.
 Si Roma annuerit, neque mundi vota refutet :
 Qui patriæ fueras, & pater orbis eris.

AD DUCEM
 MONTOSIERUM
 DELPHINI FRANCIÆ
 EDUCATIONI PRÆFECTUM
 ELEGIA III.

*Ipsi, Musisque studiorum Delphini fortunata
 primordia gratulatur.*

- A** Ura favet Musis : per te DELPHINUS alendus ;
 Arbitrio datus est, Montosiere, tuo :
 Digna tuis res est meritis, istoque favore,
 De justo obtinuit quem tua rege fides.
5. Muneris istius reputas dum pondera, sentis
 Quàm per te porro grande movetur opus.
 Nam quando proli te Rex præfecit alendæ,
 Commisit curis publica vota tuis
 Te penes imperii sunt jam communia fata,
10. Semina qui patriæ prima salutis alis.
 Lætus honore tuo, tantoque superbus alumno,
 Materiæ, quanta est, suffice deinde tuæ.
 Quam puero præstas curam, præstabis & orbi :
 Quosque facis mores, commoda nostra facis.
15. Illa tuo cultu quæ sensim attollitur herba,
 Olim eris, ut spes est, altior orbe seges.
 Auges spem patriæ, talem dum reddis alendo,
 Ex quo pars curæ cœpit is esse tuæ.
 Vidi ego, cum nuper studiorum ad pensa vocatus ;
20. Excellæ mentis pignora magna daret :

- Verborumque modos, & tempora cuncta notaret;
 Redderet & patriis verba Latina sonis,
 Et mox è Phædro, mox è Nasone referret,
 Impleat ut partes fabula quæque suas.
25. Mirabar pueri responsa, vicésque loquentis.
 Dicebam, meritum quale Magister habet!
 Gratulor hunc vobis tam magnæ laudis honorem
 Pierii colles, Pieridésque Dex.
30. Vestra tamen pueri turbent ne seria ludos,
 Quærit ubi vestras ambitiosus opes.
 Si sapitis, vestro primæ placeatis Alumno,
 Cujus magnanimo sub Patre terra fremit.
 Illius dulces igitur ne rumpite somnos,
 Ah! duræ nimium, difficilésque Dex:
35. Namque meam, memini, rupistis sæpe quietem,
 Quando avidum laudis pectus haberet amor.
 Vim remove: premi non est qui debeat ille,
 In cujus fulmen dicitur esse domo.
 Sunt quædam; quæ non bene pondra sustinet ætas:
40. Ne puer ah! puero par male, portet onus.
 Hunc meritis implete, colit qui numina vestra;
 O Musæ, vobis ipse colendus erit.
 Dum vacat, & fas est, vos tantum ambite favorem;
 Majores eritis, si favet ille, Dex.
45. Et cujus vobis demum sic gratia proficit:
 Ne puerum vestris exanimate minis.
 Blanditiis Chiron, & verbis lenibus usus
 Dicitur Æaciden perdomuisse ferum.
 Artis erit vestræ, sic conciliare favorem
50. Principis, ut qui vos temnere possit, amet.
 Quamquam ô! vestra novus quando jam caltra fre-
 quenterat
 Miles, & in vestro pulvere bella mover,
 Illius & ludos turbate, & rumpite somnos:
 Dum cœptum peragit currere laudis iter.
55. Ad laudem sic itur: amet se denique cogi,
 Plenius Aoniis ut riget ora favis.
 Aoniæ profunt formandis moribus artes;

- Principibus summis inde petendus honos.
 Sed magni ut natus spes quondam implere Parentis,
 60. Et reges meritis vincere posset Avos:
 Utque Patri: cui rerum omnis promissa potestas,
 Constaret proles sanguine digna suo,
 Montosiere tuâ, talis tantisque futurus,
 Is curâ Princeps instituendus erat.
-

MUSÆ
 COLLEGII CLAROMONTANI
 SOCIETATIS JESU
 AD GUILLELMUM LAMONIUM
 SENATUS PRINCIPEM,
 CUM IPSAS INVISERET
ELEGIA IV.

- A**ONÆ quondam, ut perhibent ad culmina
 montis,
 viferet ut Phœbum, venerat alma Themis.
 Cui Phœbus, nostris succede penatibus, inquit,
 O Dea, te mons hic hospite major erit.
 5. Pro Themide accepta, vos magna parate Sorores,
 Et digna illius numine, digna meo.
 Dixerat, imposito funguntur munere Musæ,
 Et partes implet sedula quæque suas.
 Principio magnum Themidi struxere sacellum,
 10. Ipso pro templi limine, Phœbe, tui.
 Hortus erat variis juxta cultissimus herbis,
 Mollis ubi multo flore virebat humus.
 Decerpunt flores, intendunt omnia fertis,
 Ut terra hæc florum luxuriosa dabat,
 15. Sacra ministrabant Musæ, primisque sacerdos,
 Hospitiis ante aram stabat Apollo deæ.

- Omni pro sacro, sub flammis thura sonabant :
 Nulla illam cædes inficiebat humum.
 Mons omnis Themidem latè resonabat, & omnis
20. Scripta sacro Themidis nomine laurus erat.
 Et dum sancta Themis Parnassi regna teneret,
 Fama fuit lætos vatibus isse dies.
 Sed valeant vates, sunt hæc mendacia vatum :
 Fabula, quæ fuerat, cæpit habere fidem.
25. Dum Musas Claro invisis sub monte, L A M O N I ;
 Has tecum cæpit visere magna Themis.
 Nam postquam legum solium, Themidisq; tribunal
 Publica virtuti vota dedere tuæ :
 Per te sancta Themis populis oracula reddit,
30. Atque tuo leges dictat ab ore suas.
 Per te Diva suæ librat momenta bilancis,
 Dum justas legum temperat æqua vices.
 Tu primus Divæ interpres, primusque sacerdos :
 Omnis diva tuo vivit in ore Themis.
35. In te adeo jam Nympha, suum quæ numen adorent
 De cælo Musas admonet ipsa Themis.
 Utquetibi vatum assurgat chorus omnis, & isto
 Monte super, te, quo dignus es, ore canat.
 Deliciæ gens sacra tuæ, tua gaudia sacri
40. Vates, gens læudes dicere læta tuas :
 His præstare æquas si fors dignaberis aures,
 Dum finit hoc rauci turba remissa fori.
 Quamquam te gentis studia ambitiosa togatæ
 Plurimâ, ut es meritis, religionem colant.
45. Monte sub hoc, sacris pubes operata Camœnis
 Æquabit meritis ora, modòque tuis.
 Pars tibi dum Francum dictas nunc jura per orbem,
 Atque suas populis dant tua dicta vices,
 Dictanti leges populis, & jura ferenti,
50. De Claro plausus monte parata dabit.
 Carmine pars sacro meritos tibi dicet honores,
 Sacro qui vatum carmine digna geris.
 Narrabunt alii, medio cum verba senatu
 Fundis, eat blando quantus ab ore lepos.

55. Seu tibi majestas regis, regnique tuenda;
Curia seu verbis erudienda tuis:
Seu componendi, per vestra palatia, motus,
Cordaque pacandæ concilianda togæ;
Sive emendandi mores, legesque ferendæ;
60. Omnia, ab eloquii robore, pondus habent.
Non tam pura fuit rivis illimibus unda:
Nec tam mellitis depluit Hybla favis.
Aula, sit eloquii quæ vis testabitur, aulæ
Namque tuo nuper fas erat ore frui:
65. Concilio in medio, cum rex LODOICUS amabat
Mulceri dictis, instituique tuis.
Pars tibi & has lauros, nostro sub monte, parabit,
E quibus Heroum tempora cingit honos.
Et dum nostrorum cantu celebrabere vaturn,
70. His animum, & vires, ingeniumque dabis.
Nec quæ vulgabunt de te præfagia vates,
Omnes in populos omen inane ferent.
Quamquam autem laudes sit durum audire modesto,
Quas alii affectant, sat meruisse tibi est:
75. Te nostri claro æternum sub monte poetæ
Cantabunt, quorum cura perennis eris.
Carminibus nostris, cum de te fama loquetur
Majori implebit voce, animoque tubam.
Et cum per populos, per totum erraverit orbem;
80. Omnia grande tuum nomen in ora feret.
Agricola, incurvo terram molitus aratro,
Te dicet, plenus messis ut annus eat.
Te festa lætus civis laudabit in urbe,
Cui sis, in duro tempore, spes, & amor.
85. Tu reddis dubiæ divina oracula genti;
Qualia de cælo redderet ipsa Themis.
Tu certum decus omne tuis, ô magne LAMONI:
Tu pater, & patriæ cura, salusque tuæ.
Quamquam commendent te nomina magna paren-
tum.
90. Virtus pro titulis omnibus una tibi est.
Cujus ad exemplum cum jam convertitur omnis

- Curia, habet mores instruat unde suos.
 Ipsa tuos se se ad nutus componere coepit
 Plebs impacati litigiosa fori.
95. Jamque adeo trepido fraus infidiata clienti,
 Os mentituris dissimulata notis,
 Exulat à vestro per te procul acta senatu:
 Pro quâ, sancta fides, simplicitasque redit.
 Te præclaræ artes legum rectore vigeant,
100. Atque suus Musis restituetur honos.
 Tu quoque, magna Themis, quæ Gallica jura mi-
 nistras,
 Sub tanto longè judice, major eris.
 Nec quisquam porro præfagia tanta refutet:
 Jam dubitare nefas, res facit ipsa fidem.
105. Hoc de te præstare potest tua maxima virtus,
 Et pietas, vestræ gloria prima domus.
 Jam sunt res gestæ bona conjectura futuri,
 Qui fueris, suadet credere, qualis eris.
 Nec vani vates erimus. Nam numen habere
110. Credimur, & superis gens bene chara sumus.
 At ne forte gravet patriæ te cura salutis,
 Et morum exemplo forma petenda tuo:
 Interdum nostras animum laxabis ad artes,
 Hac ut parte tuum grande leveretur onus.
115. Ut quam sic curas, te sospite, patria longum
 Gavisa, obtineat vota que, spesque suas.
 Tum tibi defesso Musarum templa patebunt,
 Sedabitque tuam Pegasis unda sitim.
 Tum Parnassi omnes poteris penetrare recessus,
120. Nec surdæ venient ad tua vota deæ.
 Ipse autem famæ præconia cuncta tenebis,
 Quamdiu erunt vates, qui tua facta canant,
 Hæc sunt, quæ de te canere, & celebrare canendo,
 Is jussit, qui nos jam tibi donat amor.
125. Tempus erit, cum fors etiam majora loquemur,
 Quando plus nostris vatibus oris erit.
 Nec tu materiam laudum fortasse negabis;
 Et tua dignus erit facta referre labor:

Qui

Qui nostrum quamquam ingenium superabit, &
artem,

130. Exiguæ dabimus grandia vela rati.
Si nos deficient vires, audacia certè
Laus erit: in magnis est voluisse satis.
Argumentum animos per se dabit: ipsaque prote
Turba erimus vates ambitiosa tui.
135. Publica solemnes faciemus vota per aras,
Quæ non aversâ respuat aure Deus.
Ut Francæ Themidis regnum, summumq; tribunal
Obtineat longo tempore vestra domus.
Musarum interea cultus hos accipe, Musæ
40. Ut sint tutelæ pars quoque & una tuæ.

LUDOVICI GALLIARUM DELPHINI EPISTOLA

AD MARIAM ANNAM CHRISTIANAM

FERDINANDI

BOIORUM DUCIS FILIAM

NATU MAJOREM

CUM AD EJUS NUPTIAS ASPIRARET.

ELEGIA V.

- EDITA cognato Regum de sanguine virgo,
Tot patribus, tot avis inclyta Cæsaribus,
Austriacas inter longè celeberrima Nymphas,
Jam credo, per spes ambitiosa meas:
5. Cum Patre armatum mirabere forsan amantem,
- N
- Rap. Tom. III.

- Qui poscat supplex teque , tuamque fidem ;
 Nam meminisse potes , victricia castra Parentis
 Cum patriæ fines attonuere tuæ.
 Latè omnis rapido ardebat Germania bello ,
 10. Turbatisque Ilter decolor ibat aquis.
 Non socias Aquilis acies à Patre fugatas ,
 Omnia jam nobis dissimulanda , loquar.
 Siccine sperabam bello te posse mereri ,
 Connubiumque armis sollicitare tuum ?
 15. Aut ad te quærebam illo aspirare tumultu ?
 An sic uxorem quæsit ullus amans ?
 Nobile ceu magni præcium certaminis esses ,
 Pro te , pro meritis sumpsimus arma tuis.
 Per tot eras nobis conjux speranda labores ,
 20. Digna vel è mediis hostibus , ANNA , peti.
 Dum Germani omnes in nos sua tela movebant ,
 Pro nobis stabas una , nec hostis eras.
 Jam tacito , non durà mihi , sub corde favebas ,
 Monstrabasque meo velle placere Patri.
 25. Magnum prima facis LODOVICUM posse precari ,
 Adjuvet ut votis publica vota suis.
 Officium submissus agit , partesque rogantis ,
 Illâ quâ mundum terruit antè manu.
 Quem toties victorem audis , belloque tremendum ,
 30. Quemque etiam , ut reliqui , fortè vel ipsa times ,
 Orantem reverere : fuit nulli antea supplex ,
 Omnibus ille aliis scribere iussa solet.
 Sensit quantus erat , vestris qui regnat in oris
 Danubius , victas volvere mœstus aquas.
 35. Non referam , totum ut meritis repleverit orbem ,
 Lustraritque armis Solis urramque Domum.
 Ut placidis assueta illi victoria pennis
 Nostra supervolitans gaudeat arma sequi.
 Quique suas poterat vobis imponere leges ,
 40. Ut reliquis , tuus is maluit esse socer.
 Et Patris & Nati ne sis contraria votis :
 Si Nato non vis cedere , cede Patri.
 Dignus honore omni , virtus cui contigit omnis ,

Hunc cole, quem tellus pene subacta colit.

45. Quamquam ô! quid sese nobis opponere possit,
Quid Socero ingenti, quid mihi obesse proco?

Pro Socero ni forte Pater tibi sufficit, omnis

In tua vota capax non satis orbis erit.

Non te indigna peto: possis ambire, quod oro,

50. Et fieri precibus pæne superba meis,

Regalem thalamum, & magni consortia lecti,

Quasque tibi nullus spondeat alter opes

Ferre paro: quod tot desperent posse Puellæ,

Quando sola places, ipsa placere velis.

55. Spem differre meam, permixtaque vota timore,

Per malè quæsitæ desine velle moras:

Neve per ambages, ut gaudia nostra moreris,

Opponas sexus jura severa tui.

Sed puto, dum legis hæc, & posceris ista, modestos

60. Demittis vultus, ac subit ora rubor.

Cum bene me noris, mihi non pudor iste nocebit:

Tempus erit, cum te juverit esse meam.

Quis sim, quid faciam, si de rumore requiris,

Comperies nomen non sine laude meum

65. Quin etiam magni potero, de moribus ipsis,

Agnosci quondam filius esse Patris.

Si genus, & titulos, & grandia nomina jactes,

Ac prisca antiquam nobilitate Domum:

Ut meriti taceam præconia cætera nostri,

70. Sanguine te potui promeruisse meo.

Non tibi narrabo Francæ primordia gentis,

Et quos quæ referat stirpe Pipinus avos,

ANNA meis precibus si faveris, omnibus ipse

Major ero Patribus, Cæsaribusque tuis.

75. Sic tu digna nurus Regis celebrabere Franci,

Omnis sub cujus nomine terra tremit:

Cumque coronatis mecum, DELPHINA, quadrigis

Ibis per populos aspicienda tuos.

Et cum per vastos venientem Gallia fines

80. Accipiet, Domino terra beata suo;

Cum nostras tibi, Nympha, Pater sua regna per
urbes

N ij

- Monstrabit, meritis regna minora suis;
 Cum Parisiæ numerosa palatia ruris,
 Videris, & reliquas divitis urbis opes.
85. Cumque novum Francæ Sidus spectabere genti,
 Ac nostræ fies portus & aura rati;
 Cum per felices uteri lætissima partus
 Europæ Reges prole superba dabis.
 Te non, spero equidem, non te fortasse pigebit
90. Sortis honoratam conditione novæ,
 Fors erit augusti cum videris ora Parentis,
 Ut majestatem non, MARI-ANNA, feras.
 Est illi species omni de parte verenda:
 Altior humano spiritus ingenio.
95. Sublimes latè vultus de fronte serena,
 Ardentesque oculi, viva per ora, micant,
 Sæpe omnem illius sapientia terruit aulam,
 Cum per verba animum panderet alta suum,
 Attinet ingenii reliquas quid dicere dotes,
100. Quantaque, quàm magnæ pignora mentis habet?
 Quæ me autem cujus moles me nominis urget:
 Cum Patrem aspicio factaque magna Patris?
 Si nescis per eum, DELPHINA, ad magna voca-
 mur:
- Nempe & erit virtus nostra Parentis opus.
105. Namque supercilio laudemque, decusque severo
 Altè inspirat agens omnibus ipse suis.
 Nonne vides, ut me egregias formarit ad artes,
 His cum prima ætas erudienda fuit?
 Officium monitis nos exercebit ad omne
110. Ille suis, teneras ceu sua mater aves:
 Et tanto dignos faciet fortuna Parente,
 Si faciat virtus moribus antè pares.
 Aspice ut incumbat rigido studiosus honori,
 Justitiæ austerum rite secutus iter:
115. Ut mentem immensam curas extendat ad omnes;
 Pacato titubet ne quid in Imperio:
 Sollicitum ut teneat legum tutela suarum,
 Arctè observari, fasque piumque velit:

- Quem semper ratio, nunquam fortuna gubernet:
120. Nil faciat, quod non jusque Deusque sinant:
 Ut modò bella gerat, modò gentibus otia præstet,
 Maximus ille foris, maximus ille domi.
 Quæ sentire, palam non evulgare juvabit:
 Laudibus offendi nam solet ille suis.
125. Reginam quid ego Matrem narrabo, futuram
 Seu tibi consiliis, seu pietate ducem?
 Cum sis impero, cum sis dignissima sceptris,
 Sperare imperium, sceptraque velle potes.
 Ne tibi regnandi, ne nobis illa cupido
130. Præmatura suum venerit ante diem.
 Nam mecum regnabis, ero tibi nobile sceptrum,
 Tu mihi: pro regno gratia Patris erit.
 Crede mihi, DELPHINA, satis regnabimus ambo
 Si fortunatus vixerit ille diu.

LUD. HENR. LOMENIO
 BRIENNÆ COMITI,
 IN EJUS ITINERARIUM,
 ELEGIA VI.

*Hortatur eum ut litteras, quarum sic amans
 est, etiam plus amet.*

- TEMPORA Lomenidæ frondenti cingite lauro
 Pierii vates, Pieridesque Deæ.
 Ille viam ad vestros scribendo affectat honores,
 Cœpit & in castris, Phœbe, merere tuis.
5. Dumque tot & mores populorum scribit, & urbes,
 Ingenii mores exprimit ille sui
 Nam seu spumanti currentem vortice Rhenum,
 Seu lustrata maris littora, Dane, tui:
 Austriadumque aquilas, & tot regnata sub ipsum

10. Danubium magnis oppida Cæsaribus :
Seu dicat violentum Albim, celeremque Visurgim,
Et quæ Mænalis terra sub axe rigit :
Sive urbes Italas, & magnæ mœnia Romæ,
Cujus divinas Orbis adorat opes :
15. Seu quidquid pelagi, quidquid telluris obivit,
Romano memoret tam gravis eloquio.
Huic veteri dignus Latio, dulcedine mira
Ingenio nitidus currit ab ore lepos.
Non tam purus aquæ, puro sub gramine rivus :
20. Non tam melliris defluit Hybla favis.
Quos non clamores faceret, si dotibus istis,
Inter nos partes vellet habere suas !
Nam tali ingenio, coëptis tam grandibus, olim
Gloria Musarum magna, BRIENNE, fores.
25. Quin age, te quamvis commendet splendor avorum,
Aspernare tuas, nos imitatus, opes.
Nam nec opes, nec opum nos tangit vana cupido,
Quique sumus vates, turba superba sumus.
Despice fortunam, mihi crede, nec illius unquam.
30. De thuris fumo læta sit ara tui.
Te majora vocant, nil jam vulgare putantem,
Jam venit capiti laurea sacra tuo.
Et Dea, Pieriæ quæ maxima præsidet unde,
Jam tua sæpe suis ora rigavit aquis.
35. Nec tibi deinde favor, fortunaque nominis obster.
Nec quæ Castalias negligit aula Deas.
Sunt tibi, sunt animi dotes : tu dotibus istis
Uttere, & ingenii conditione tui.
Esse potes, si te Musarum numina tangunt,
40. Pierio lumen, præsidiumque choro.
Perge ergo, utque facis, Musarum sacra frequenta,
Ingenii pereant ne bona tanta tui.

DIONYSII PETAVII

SOCIETATIS JESU

TUMULUS.

ELEGIA VII.

- H**ACTENUS hic magni venerabilis umbra Petavi
 Et jacer, & tumulo nullus habetur honos.
 Illum adeò totos menses inhonora jacentem,
 Non deplorato funere, terra regit.
9. Non tumulum frondes non ornavere coronæ,
 Quæque rosis spargi debuit, aret humus.
 Musarumne sui pia cura in funere Vatis
 Deferuit partes, victa dolore, suas?
- Saltem ô, Castalios, claro sub monte, liquores.
10. Qui bibitis, Vates, inclyta turba, sacri,
 Mecum agite, & tumulum simul instauremus &
 aram,
 Et tumulus fertis, araque thure fragret.
- Nam quæ non tanto debemus munera Vati.
 Qui nostri montis fama, decusque fuit.
15. Hunc olim erranti deserta per avia Phœbo
 Collibus his sedem constituisse ferunt:
 Primus & Aonio deductas monte Sorores
 Delubrum clari montis habere dedit.
- Laurus eo nostri ruris cultore virebat,
20. Et largus florum luxuriabat ager
 Tum nostræ rupes calamo meliore sonabant,
 Pieriæque latex purior ibat aquæ.
- Proinde viro egregium tumuli statuamus honorem,
 Quem præsens ætas posteritasque sciat.
25. Cessamus! socios ne etiam vis summa doloris
 Officii memores non finit esse sui.

N iiij

- Nullaque jam vestri causa doloris erit,
 Nuper enim leto quamvis occumbere visus,
 Ut rosa brumali quæ cadit icta gelu.
25. Si qua fides Vari, non vivere desit: illum
 Ad superas volucrem vidimus ire domos.
 Testis Luna fuit, cælo quæ pura sereno
 Splendebat, primæ tempora noctis erant.
 Lucis ubi radiis Themis alma coronat alumnos,
30. Quos fecit justos integritatis amor;
 Huc ibat Puer, at multo jam pulchrior ibat
 Inter honoratos accipiendus avos.
 Cui Themis, ut cælo venientem vidit ab alto,
 Siste, locus meritis est minor iste tuis.
35. Semita sinceri de lumine candida lactis,
 Candori sedes est magis apta tuo.
 Hic lucent teneri manes, quos funere duro
 Matribus ereptos abstulit atra dies.
 Candor eis lux est, nam pro candore nitentes
40. Ætas blanda facit, conspicua que polo.
 Junonis de lacte viam lucere ferebat
 Fabula, sed priscam perdidit illa fidem.
 Lactentes pueri sunt hujus tramitis ignes,
 Istud non aliis ignibus albet iter.
45. Tuque alios inter longe formosior omnes,
 Longe alios inter conspiciendus eris.
 Hic tibi moribus his, & adhuc à lacte recenti
 Inter celestes debuit esse locus.
 De potò niveum retinebis lacte colorem,
50. Utque color lactis, lux tibi lactis erit.
 Hac Puerum postquam Themis in regione locavit,
 In vos & Vestros officiosa Themis:
 Continuo natus, planctu quem fletis amaro,
 Fit nova lux, capiti flammeus arsit apex:
55. Arseruntque comæ, fit totus stella serena,
 Lucidior tanto, quam fuit ante minor.
 Et nisi nos fallunt præsagia, sidere ab isto,
 Sudum tempus erit, dulce quod omen habet
 Credo, dies ibunt illo lucente sereni,

60. Si primo Pueri convenit ingenio.
 Vosque adeo ante alios, Vos ô gaudete Parentes;
 Illo vestra domus fidere sospes erit.
 Namque hoc de nato vobis sperare licebit,
 Ex vestra postquam venit ad astra domo.
65. Hæc Pater in primis tibi stella favebit, ut illud,
 Quod superest, ævi dulce sit omne tui
 Fortunate Puer, postquam te accepit Olympus;
 Et postquam cælum fors tua prima fuit.
 Nulli flendus eras nisi Vatibus atque Camœnis,
70. Debebas similis si Patris esse tui.
 Ille suo facilis jamdudum nostra favore
 Et studia & Musas, muneribusque fovet.
 Teque adeo talem, sinerent si fata, futurum,
 Te Musis clades perdere magna fuit.
75. Proinde fleant Musæ, Vos ô cessate Parentes:
 Non poterit vester jam pius esse dolor.
 Ingenium nato postquam cæleste dedistis:
 Illi terra diu non habitanda fuit.

ALPHONSI MANCINI

TUMULO

SUPREMI HONORES.

ELEGIA IX.

- N**ON ego purpureis tumulum qui floribus ornem,
 Ad cineres venio, dulcis alumne, tuos.
 Non deerunt alii, curent qui talia, vates:
 Quique tuas laudes ad tua busta canant.
5. Pars tumulum ornabit, tumuloque recentibus herbis
 Ornato, impositos sparget odore focos.
 Pars & dona tuo figet pretiosa sepulcro,
 Splendeat unde sacer, qui regit ossa, lapis;

- Et lectos calathis flores properabit : & omnis
 10. Floribus è sparsis læta virebit humus.
 Pars & Apollineas quod eras tam promptus ad artes,
 Frondentis lauri grandia ferta feret.
 Qualia sed miseri portant ad funera amantes,
 Humida de lachrymis ferta futura suis.
15. Pro morum candore , tibi pars cætera vatum
 Jactabit plenâ lilia pura manu.
 Hanc ego nondum ausim de me promittere curam:
 Mittite me vates , qui modo vester eram.
 Nondum animus finit illa : meum excusate dolorem:
20. De grege jam vestro me vetat esse dolor.
 Nuper lætus eram , dum me mea fata sinebant :
 Nunc doleam æternum , displiceamque mihi.
 Nam dum te primis informo , ALPHONSE , sub
 annis,
 Dumque colo mores , instituoque tuos :
25. Et dum te blandæ ætatis flos primus haberet :
 Ah ! mihi crudeli funere raptus obis.
 Non hoc sperandum nobis mens alta , nec acris
 Hactenus ingenii pignora tanta dabant.
 At nec sacra domus : nam fas est dicere sacram ,
30. Quam justus Franci Principis ambit amor ;
 Nec , qui Romano fulget sublimis in ostro
 JULIUS à sacrâ reppulit æde malum.
 Raptus obis : obeunt tecum solatia nostra ,
 Et quæ spes de te , vota que semper erant.
35. Hæc tua , mens esset si libera , fata dolerem ,
 Ipse etiam pompæ pars miseranda tuæ.
 Sed negat ingenti vox interclusa dolore
 Plorandi justum funeris officium.
 Illa tuo circum quæ stat jam turba sepulcro
40. Ploret , in exequias officiosa tuas.
 Feralis longo ducatur ab ordine pompa ,
 Accipiat tristes flebilis ara sonos.
 Spargat rore pio tumulum de more Sacerdos ,
 Et dicat mœstis verba suprema modis.
45. At postquam tumulo se turba receperit omnis ,
 Egerit

Egerit & partes pompa peracta suas :

Ipse silens, fletuque gravis, lugubria sumam :

Pallenti in vultu signa doloris erunt.

Accedam, tumuloque super projectus, & amens,

60. Percutiam tristi pectora nuda manu.

Cordeque ab oppresso suspiria crebra sonabunt :

Ingens turbato fletus ab ore fluct.

Verum ubi deposito vox ibit libera fletu,

Et dolor ex aliqua parte levarit onus :

55. Accipiam multo detersum pumice saxum,

Cui dederit fletus jam pia turba suos,

Et tumulum statuam, tumuloque hoc insuper addam

Carmen, posteritas quod bene fera legat.

ALPHONSUS magno tantum dilectus JULIO,

60. Mancine ALPHONSUS gloria spesque domus :

Aula suos cui jam promiserat omnis amores,

Et fortuna amplas magna pararat opes,

Muneribus jam tum fortunæ dignus, & aulae,

Hic jacet, exiguus, quem tenet urna, cinis.

65. I nunc, & vano fortunæ crede favori :

Cui favor immensas spes dabat, ecce jacet.

Hæc tumulo inscribam, dum porro dicere Musæ

Virtutes pergant, ad tua busta, tuas.

Namque prior faciam, si quid mea carmina possunt,

70. Musarum sacro ne taceare choro.

Dumque alii vates pro te majora parabunt,

Et tumulum ornabit multa corona tuum,

Munus ego ingenii pro simplicitate paratum,

Exigui thuris paucula grana feram,

75. Injiciamque focis : odor expiratus Olympo

Signa feret cultus officiosa pii,

Sublimesque vapor cum fumidus ibit in auras,

Portabit fidei nuncia certa mea.

Tum me, credo equidem, cælo spectabis ab alto,

80. Nescius officii ne videre mei.

IN EJUSDEM
ALPHONSI MANCINI
PRÆMATURUM OBITUM.

ELEGIA X.

- CUM primâ perimit spem turbidus imber in
herbâ,
Quam dabat agricolæ luxuriosus ager;
Ille & crudeles ventos accusat, & imbres,
Quorum ah! præcipiti turbine versa seges.
5. Tum verò in sese demens inquit, an ulla
Sit segeti forsân cura negata suâ.
Mox redeunt animo sumpti pro messe labores,
Et pinguis bonitas ingeniumque soli.
Utque suam exerceret humum, seu vomere duro,
10. Seu curvâ porro falce fuisset opus.
Si quidquam officerent auræ, solesque maligni,
Supplebat vigili sedulus arte labor.
Dumque hæc sedulitas, susceptaque cura recurset,
Accusat divos, & sua fata miser.
15. Tum se, tum segetem populatis mœret in arvis
Perditus, & cladem vix capit ipse suam.
Illa fuit rerum species miseranda mearum,
Is dolor, hæc animi tristis imago mei:
Cum te, ALPHONSE, mihi vis abstulit improba leti.
20. Ut florem pluvio quem ferit ore Notus.
Nuper eram cultorque animi, morumque magister,
Cum per me Musis erudiendus eras.
Nunc dulcis primo raptus sub flore juventæ,
Qui mihi, qui Musis erudiaris, abes.
25. Proh dolor! At non te miseris turbare querelis,
Jam licet, aut manes sollicitare pios.

- Nam quamvis tibi jam magno, & majora ferenti
 Fortuna immensas ampla pararet opes,
 Non ego te, casusque tuos, properataque fata
 30. Jam doleo: mea sunt fata dolenda mihi.
 Hic ubi Musarum, pubes lectissima regni,
 Monte super Clario, dulce frequentat opus,
 Te magnus, MANCINÆ, mihi mandarat alcudum
 JULIUS, ah! quantæ laus ea molis erat.
 35. Ut se prima tamen dederant exordia, votis
 Omnia debebant ire secunda meis.
 Namque exultantem & decoris dulcedine captum
 Egregius famæ te rapiebat honos
 Et memini, cùm laudis amans, ALPHONSE, solebas
 40. Spem festinando sæpe præire meam.
 Vidimus ingenuas cùm te tulit ardor ad artes,
 Ingenii arderent lumina quanta tui:
 Ingenioque bonos felix conjungere mores,
 Moribus & magnas addere mentis opes,
 45. Tu socios longe super, ad sublima rerum
 Tendebas, laudi quando patebat iter.
 Et quoties stadio sese pandebat aperto
 Gloria, qui velles currere, primus eras:
 Nec mihi spes de te lentas, nec inania vota,
 50. Nec seros fructus mens animosa dabat.
 Reddebam superis tanto pro munere grates
 Lætus tam facili ponere semen humo.
 Si par successus reliquos venisset in annos,
 Venisset laudi pars quoque magna meæ.
 55. Namque mihi, quid dissimulem? dum fata sinebant,
 Quærendi per te nominis ardor erat.
 Inde meus pro te formando, ALPHONSE, per horas
 Crescebat plenus sedulitatis amor.
 Blanda puella, suæque contigit unica matri,
 60. Sollicitæ curam non ita matris habet.
 Non est, eximium si quæ colat anxia florem,
 Virgo culturæ tam studiosa suæ.
 Ipse tibi lauros summo ex Helicone petitas
 Nectebam capiti debita fecta tuo:

65. Te per certarum compendia nota viarum
 Ducebam, longum ne nocuisset iter :
 Mulcebam nimii fastidia dura laboris ;
 Pro te solertem me faciebat amor.
 Et semper, dum te monitis, ALPHONSE, colebam,
70. Quæ mihi cura tui debuit esse, fuit.
 Non erat ipse suo Pallas tam charus Aceti,
 Nec tam Thessalico qui data cura seni.
 Namque (fatebor enim) lætabar corde sub imo ;
 Cum te fama meum dicere posset opus.
75. Pictus Alexander si nomen fecit Apelli,
 Si sua, Praxiteli laus fuit ampla, Venus ;
 Quamquam nil præter lapides fufosque colores,
 Effet Appellæus, Praxitelisque labor :
 Egregias cum te formassẽm, ALPHONSE, per artes,
80. Venissentque meæ cuncta serena rati,
 Fortè etiam ipse aliquod propter te nomen haberem ;
 Atque effes famæ pars mihi summa meæ.
 At superis aliter visum est ; si fara tulissent,
 Tu mihi laus quondam magna futurus eras.
85. Nam dum vincebas, & fors tibi dextra favebat,
 Ipse & cram laudis clarus honoretuæ,
 At dum cuncta meo veniebant faulta labori,
 Ah ! mors inceptum barbara rupit opus.
 Et mihi nascenti segetem interfecit in herbâ ,
90. Quæ spes tam certas tam mihi læta dabat.
 Si mea divinas valuissent vota per aras,
 Dulcis alumne, mihi restituendus eras.
 Quamquam ô interitu non frustra, ALPHONSE ;
 sub ipso
 Visus es ad superas lætus abire domos.
95. Felix morte tuâ, nec in hos servate furores
 Quos tibi bellorum triste parabat opus.
 Tu fuso magnum quæsisles sanguine nomen ;
 Te diræ cædis sollicitasset amor.
 Et nisi per cædes & magnæ stragis acervos,
100. Nulla tibi bello gloria porta foret.
 Vix tam difficili tenuisset in æquore, portus

- Quæ te vectabat, tuta carina suos.
 Nunc quando summo, fati securus, Olympo
 Debita supremæ præmia lucis habes:
 105. Non ego, quod nolis, tua sim qui funera plorem,
 Hujus non jam fas pœnituisse necis.
 Sic quoties menti, mi dulcis alumne, redibis,
 Me miserum toties & mea fata querar.
 At si te, mollemque animum, dum vita manebat
 110. Primæ mihi monitis flectere cura fuit:
 Si tibi, cùm duri fureret vis improba morbi,
 Monstravi cælum quâ licet ire viâ.
 Aut si cùm fugerent animi, frigusque subiret,
 Implevit partes officiosus amor:
 115. Si morientem animam excepi, si lumina pressi,
 Et solvi exequiis justa suprema tuis:
 Si quidquam de te merui, mihi perge vicissim
 Mitem, quo frueris conciliare Deum.
 Hoc animus sperat solamen dulce dolori,
 120. Ut te felici, desinat esse miser.





C A R M I N U M
 L I B E R Q U A R T U S.
 O D Æ.

J E S U S
 I N A G R O L U D E N S
 C U M M A T R E.
 O D E I.

In qua describitur amœnitas ruris.

- A**T quis hic autem puer, innocentes
 Qui parat lusus, ubi prata mollis.
 Collum flexus, tenuisque rivi
 Unda coronat?
5. Tunc stellarum decor, eruditæ
 Prima naturæ facies, supremæ
 Mentis exemplum, sobolesque magno
 Æqua parenti?
10. Clara, tu, quondam pede qui tonanti,
 Altra calcabas, volucresque stellas,
 Jam super molles violas, & inter
 Lilia ludis.

Virgo, non natum decet iste ludus;
Solis arduentes melius quadrigas

25. Frænet, & curru superos volanti

Urgeat ignes.

Antequam cæli spatiosus orbis
Tenderet vastam per inane molem,
Ille jam nubes super, atque ventos

30. Arduus ibat.

Si per herbosos tamen est recessus
Cura ludentem recreasse Natum,
Rure cum læto procul aura vernis
Floribus halat:

25. Hîc ager vicinus amœnitatem

Dulce respirat: sine nube puri
Hîc fluunt soles, zephyrique blando
Murmure ludunt.

Mollis hîc tellus viret, & repente

30. Sternitur musco via, ne rigenti

Vel pedes lædat teneros arenâ.

Callis iniquus.

Sive lectorum studiosa florum,
Quæris aptandam puero coronam,

35. Aut amas molli digito comantem

Carpere myrtum:

Late odoratas tibi promit uber
Hic opes campus: rosa purpuratos
Hîc sinus, fuscas violæ, nitentes

40. Lilia pandunt.

Arbor æstivo bene multa soli.
Divite exponit sua poma ramo:
Frugibus felix beat arva largo

Copia cornu.

45. Terra quæ dorso tumet eminenti,
Sponte se Baccho dedit: ar patentes
Fusa per campos Cereri laborat,

Ubere gleba.

Sive te fontes, & amœna lymphis

50. Prata delectent, ubi blandienti

Garriat latant quærus per herbam
Murmure rivus.

Non procul leni fluit unda cursu,
Nulla quam turbat ratis, inquieto

55. Remigum pulsu, vacat otiosis
Ripa phaselis.

Una per campos aqua delicatum
Vitreo labens ciet ore murmur:
Blanda labenti, simul & strepenti

60. Obstrepat aura.

Humidum litus reper, & palustri
Texitur juncis: per aprica rivum
Arva ludentem tegit explicatis
Frondebis arbor.

65. Quid voluptates memorare pergama
Cæteras ruris tibi præparati?
Ipsa ridentis plaga rider omnis
Ore pueri.

Pastor erranti grege feriat

70. Inflat arguta calamos sub ulmo:
Colle respondet vagus in propinquo
Carmina pagus.

Interim plaudunt hilarata cantu
Rura, persultat pede pulsa tellus,

75. Mugunt valles, ovibusque pastis
Flumina balant.

Personat festo nemus omne plausu,
Ales exultans ovat, & sonoris
Cantibus mutas animasse rupes

80. Gaudet acanthis.

Garrulus surdas Zephyrus volatu
Provocat frondes, ubi purus undæ
Humor obliquo per agros laborat
Serpere cursu.

85. Illa naturæ fuit innocentis
Forma, cum præci niveique mores,
Cumque sub primi bona mens vigebar
Tempora mundi.

Si quid æstivi per agros caloris

90. Forte vitalem tepefecit auram,
Obviam ramo nemus imminenti

Porrigit umbram.

Prona se nato simul, & parenti

Quercus affundit super, & reclini

95. Incubans natum pariterque matrem

Fronde coronat.

Perge felices agitare ludos,

Virgo : ludentem mea te sonabit

Musa : te semper, Puerumque jugi

100. Carmine dicam.

Sic ames autem recreasse Natum,

Ut tuo vati, miseroque pacem :

Ore quo ridet bonus, & quietem

Annuat orbi.

A D

GUILLELMUM LAMONIUM

SENATUS PRINCIPEM,

O D E I I.

*Pro recepta valetudine in posterum diligentius
tuenda.*

DUM vis improba fervida

Febris te rapidis ureret æstibus :

Tecum me quoque, LAMONI,

Perfixum tenuit corde sub intimo

5. Morbi pars violentior.

At quas non precibus, cum fureret dolor,

Fatis opposui moras?

Pro te, res sineret, fataque poscerent,

Vitam fundere proijgis.

10. Sed frustra facilis restituit Deus
Votis incolumem meis :

Si curis etiam pro popularibus ,
Somnos rumpere destinas :

Nec fessum strepitu pectus , inutili

15. Rerum pondere liberes.

Frustra sollicitis fletibus obvios

Fati fregimus impetus :

Si tam crebra suis ambitionibus

Fidi turba gregis , tibi

20. Seris invideat noctibus otium ;

Postquam non modicam tuo

Parrem sustinuit demere de die.

Longè , qui tibi , publicæ

Dum momenta rei grandia sustines ,

25. Rebus frivola de suis ,

Duri sæpe tuis auribus obstrepunt.

Longè turba clientium :

Cum te sepositum dulcis amabiles

Ruris delitiæ tenent.

30. Hic mens jam gravibus fessa negotiis ,

Se , secreta per otia ,

Musarum teneris lufibus explicet :

Et frons lætior aspici ,

Curarum rigidis libera nubibus ,

35. Rifu seria temperet.

Aut dilecta tuas filia dulcibus

Curas deleat osculis ,

Quæ figat facili plurima dextera ,

Nolenti rapere obstinet.

40. Hic auris & amens liberioribus ,

Molli sub Zephyro , frui :

Jam fractis , humili sole , caloribus ,

Latifundia cum tui ,

Acri vectus equo , ruris obambulas :

45. Venatuque premis nemus.

Nec jam te phaleris Gloria cum suis ,

Dotalique superbia,
Nec quæ Fama tuas excubat ad fores,
Magni nominis artifex,

50. Urat sollicitum. Te nihil attinet,
Vulgares animos supra
Tam longè positum, quærere turbida
Famam sollicitudine.

55. Princeps purpureo jam datus Ordini,
Tantum vive: brevi tuam
Sese laudis iter ferre per arduum
Emirabere gloriam:

Quo fortuna vocat te tua, publicis
Regni pro rationibus.

60. Nec lucem hanc animus temnere nobilis
Cælo affectet iter prius,

Quàm toto penitus tollere perfidas
Artes cœperis è foro,

Et luxur populorum intolerabilem

65. Emendare licentiam.

Atque implenda tuæ denique gloriæ
Postquam fata repleveris,

Hos vitæ strepitus, & miserabiles
Curas deferere occupa,

70. Pacis perpetuæ conditionibus.

AD CICADAM.

O D E I I I.

O QUÆ virenti graminis in toro,
Cicada blande fidis, & herbidos
Saltus oberras otiosos

Ingeniosa ciere cantus.

5. Seu forte adultis floribus incubas
Cæli caducis ebria fletibus;

Gaudesve persultare campi

Graminei virides per undas;

18. O D A R U M
 Seu voce concors accinis æmula ,
 20. Pagi eruditæ inter arundines ;
 Aut provocatos cantilenis
 Agricolas animosa vincis :
 Seu per loquaces garrula rivulos
 Stridore rauco ludis agrestibus
 25. Lassis , fatigatisque bobus ,
 In medio modulamen æstu :
 Exaggerati seu tibi nectaris
 Rorem ministris perpluit imbribus
 Cælum , coronatosque gemmis
 30. Rotiferis thalamos adornet :
 Ades canenti : dum tibi marmore
 Vates perenni , carminibus bonus
 Molitur immortale templum ,
 Unde per ora virum volabit.

A D R E G E M
 CHRISTIANISSIMUM
 LUDOVICUM XIV.
 O D E IV.

Ostendit gravitatem periculi , quod imminebat Regno , per ejus morbum ; eumque orat , ut in posterum à negotiorum multitudine sibi temperet , & pace quam fecit , frui malit.

N A M quod nostra ætas potuit committere tantum
 Scelus , Deumque provocare vindicem ?
 Omnes fatorum postquam jam sensimus iras ,
 Ut ipsa Regis appetatur & salus.

Nam

7. Nam te rure tuo nuper, LODOÏCE, premebat
Minace morbus horriſer periculo;
Et ſacra inclemens urebat viſcera febris.
Nec Hercules inarſit æſtuoſius.
Ipsa ſui paſſim monſtravit ſigna doloris,
10. Eo metu præoccupata Civitas.
Quam neque civiles potuerunt perdere motus;
Nec arma Franco abominata militi;
Non ſerus Arctoo veniens à Sole Polonus,
Gravique Marte Belga cognitiffimus;
15. Non conjuratam quatiens Diſcordia tædam,
Trucem tot implicata viperis comam:
Non impacato Germanus junctus Ibero,
Nec inquieta temporum impotentia:
Una dies illam morbo propè perdidit uno,
20. Suoque pænè diſſipavit impetu.
Hæc potius Scythico contingant fata tyranno,
Pio ſuprema qui minatur Adriæ.
Illâ quàm melius Thrax miles febre periret,
Per omne litus execratus Italum.
25. Hoſtibus has, ſuperi, veſtris immittite pœnas,
Propontidique, finibuſque Thraciis.
Perdite ſacrilegos, ſed Regi parcite: veſtris,
Eo dolente, conveniret hoſtibus.
Ille emendando natus ſuccurrere mundo,
30. Nefarioque temperare luxui.
Ah! longos illum, ſuperi, ſervate per annos,
Suis ut ornet ipſe vos honoribus:
Et Matrem ſervate: ſatis jam vidimus omnem
Coinquinâſſe regiam febres domum.
35. Hoc mecum, læti Regis de munere vates,
Chori è ſacro ſcientioris agmine;
Hoc omnis Muſarum oret turba inclyta, doni
Benignitate provocata Regii.
Nam Muſas nuper Regis ſe fudit in omnes
40. Satis ſuperque larga liberalitas.
Carminibus, vates, vos illam dicite veſtris:
Caputque Regis implicate floribus.

Rap. Town. III.

P

Ipse fidem superis pro te , LODOÏCE , vovendam,
Meumque primus obligabo dîs caput.

45. Perque aras effundam omnes non parcus , acerris
Sabæa tura de capacioribus.

Orabo Divos , per te , non ultime Divûm ,
Tuis ut usque temperent laboribus.

Ne jam nostra tuæ perturbent gaudia febres ,

50. Sacroque pacis obstrepant silentio.

Nam sat divinum fregere negotia pectus :

Ames & ipse pace jam frui tuâ :

Quodque tuis armis regno , mundoque dedisti ,
Tibi deinde ne negaris otium.

IN TUMULUM

JOANNIS VERJUSII.

ODE V.

*Ejus mortem , quòd uteretur valetudine nimio
Litterarum studio pridem affecta ,
non dolendam.*

ET lauro juvat , & rosis ,
Et mille hunc tumulum spargere floribus ,
Festo non sine carmine.

Affer tura , puer , nec timidâ manu

5. Omnem cum tumulo locum

De puris Arabum incende vaporibus.

Nam quorsum tua , Verjusi ,

Flerem cum reliquis funera vatibus ,

Atque injusta dolens , meis

10. Turbarem cineres de lacrymis tuos ?

Postquam te mala febrium ,

Langorumque cohors , non habilis tuæ

Menti carcere corporis

Exsolvit miserum , totque doloribus

15. Perfunctum, atque alacrem mori.
 Nam ceu prætumido flumine, literis
 Mens undata capacibus,
 Formatique bonis artibus ingenî,
 Et lucis memor insitæ,
 20. Quærens hospitio non bene mutui
 Solvi denique corporis,
 Ex longo ad superas ambitiosior,
 Affectabat iter domos:
 Lætus ducis ubi, grandibus otium
 25. Jam partum meritis, sacro
 Pernixtus numero nil cupientium.
 Hic quæsitæ laboribus
 Tantis, nuda suis se tibi Veritas
 Demum è nubibus explicat:
 30. Et de fonte suo clarior aspici,
 Cælestis Sapientiæ,
 Quam sic doctus eras, jam tibi lux pater.
 Hic dum pars melior tui
 Regnat deposito libera pondere,
 35. Ridere immiserabilem
 Vitæ stultitiam fortis, acerbaque
 Nostrorum penitus pati
 Mœrorum indocilis: cur ego te gravi
 Deplorem querimoniâ,
 40. Humanasque vices? Ah! potius paris
 Vitæ conditionibus,
 Tecum & vivere amem, & sustineam mori.



A D
C L E M E N T E M . I X.
P O N T . M A X.
O D E V I.

*Nuncium de ejus Pontificatu communi totius
orbis terrarum lætitiâ celebratum.*

- N**OSTRA successus habuere lætos
Vota : Romano, datus est ovili
Optimus demum vigilare, caro
Pro grege, Pastor.
5. Hujus indignam miseratus æther
Sæculi sortem, & prece suscitatus
Publica, mundo dedit hoc labanti
Denique munus.
10. Muneris tanta super impetrati
Gratia, terris procul è remotis
Ultimus monti bene Vaticano
Annuit orbis.
- Nec Palatini tacuere colles,
Grande CLEMENTIS decus elevati,
15. Faustitas per quem sua restituitis
Addita rebus.
- Ipse, cum longo grege Gratiarum,
Et Fides, & Pax, & aperta largo,
O Pater, Romam duce te revisit
20. Copia cornu.
- Lætæ riferunt, grege feriato,
Ad tui plausus hilarata regni
Prata : celarunt sua nec Sabinæ
Gaudia valles.
25. Pristinæ quando grave servitutis

Pondus annonæ bonus eximebas !
Frugæ vectigal populo in paranda,
Quippe remissum.

Munus hoc sensit locupletiori

30 Gestiens culmo seges, & tumente
Messium fluctu, superans avari
Vota coloni.

Sensit & flavus Tiberis, profundo
Efferens alveo caput, & beatam

35. Rite gratatus populo Quiriti,
Te patre, Romam.

Urbs tuum late dedit inde nomen
Per repercussas resonare valles
Collium septem, sua dum renarrat:

40. Gaudia mundo.

Audiit longe Tagus, & sonantes
Trans Atlantei pelagi recessus,
Ferre CLEMENTEM merita supremam
Fronte tiaram

45. Fama vulgavit populis: tubæque
Nunciæ plausu procul audiendo,
Orbi adorandum didicit superbus
Nomen Orontes.

Sensit Actoris etiam sub oris,

50. Nuncium, toto glacialis Hebrus
Litore exultans, hilarique ramo
Fronduit Hæmus.

Te pharetrati didicere Persæ,
Supplices arcus tibi mitigati

55. Sarmatæ inclinant, positisque Maurus,
Te colit armis.

Et sonat quando tuba, te tuamque
Arbitram pacis, Pater alme, dextram
Fluctibus belli male verberatus

60. Respicit Orbis.

At suas de te quoque spes, suumque
Gaudium, gentes super universas,
Omnibus late celebravit ingens

Sequana ripis.

65. Hæresis torvo tamen una vultu
Ad tuum fertur trepidasse nomen :
Ipse Cocytus stupefactus imo
Palluit amne.
Fronte dejecta , malesuadus Error
70. Pressit os mutum : simul in supremum
Atque te Perri solium extulerunt
Publica vota.
Oderint illi tamen , ire contra
Qui tuos nutus misere obstinarent ,
75. Debiles parere tibi , sibi que
Fidere fortes.
Sed tuus te grex amet ut parentem :
Judicem dum te timeant rebelles ,
Quando Tarpeio metuendus igne ,
80. Fulmina torques.

AD EUNDEM.

Q D E VII.

*Quod à Rege Christianissimo , summus
Pacis arbiter propositus sit.*

- R**OMAM venimus nos etiam exteri
Testes earum , publica vox super
CLEMENTE , quas cœpit per urbes
Fama Italas memorare , rerum.
5. Famæque dictis omnibus , & fide
Majora longe vidimus , & novum
Regnare Pastorem faventis
Pro populi procerumque voto.
Et te , potentum Maxime , vidimus
20. Alto supremi pondere consili ,
Vix sacro adoratum Senatu ,
Attonitæ dare jura Romæ.

Nomenque latam vidimus aditum
Gestire Plebem, cum volitantium

15. Inter quadrigarum catervas,
Per mediam rapereris urbem.

Ti ique plausus à populo dados,
Stupente visus de thalamo Tibris

Audisse, nec circumsonanti

20. Lætitiâ tenuisse ripa.

At, quam benigno fidere, Te patrem

Mundus recepit, tristitia detonent

Dum bella, pacandus, tuisque

Religio reparanda curis,

25. Deliberanda pace super venis

Fatalis Orbi debitus arbiter,

Per regna, quem pro temperandis

Das medium, LODOÏCE, rebus.

Favete gentes, mutua quas furor

30. Armavit in tot funera, & ultimam

Fumantis Europæ ruinam.

Unanimi prohibete nutu.

Audimur! En jam de manibus feri

Labuntur enses: lætaque desuper

35. Serena portendunt quietem.

Paciferæ veneranda dextræ

Se pronus Orbis curvet ad oscula

Præite reges, pectus inutili

Nudate jam ferro, & virenti

40. Pontificem redimite oliva.

Longis tubarum pulsa fragoribus

Redibit alto lætior è polo

Astræa terris, & beatas

Rura dabunt inarata messes.

45. Superba Lunæ cornua sentiet

Pallere toto Bosphorus æquore; &

Thraces triumphati pavebunt

Vim dominæ geniumque Romæ,

Ipsa & tuorum pondere fulminum

50. Asserta mundo, & pulchrior aspici

- Palam revelabit verendos
 Religio, intrepidusque vultus.
 Tum Te videri denique splendidum.
 Leves per auras Gloria fervido.
 55. Monstrabit è curru, labantis
 Præsidium, columenque, mundi.
 Et fama scuto scribet in aureo
 Illustre sciri nomen, & omnia
 Per regna, CLEMENTEM, per omnes
 60. Pacificum celebrabit oras.
-

A D

PAULUM FONTANERIUM
 PELISSONUM
 AMICUM SUUM.

O D E VIII.

*Ut Romanam fidem, quam profitebantur
 ejus majores, amplecti velit.*

- T**U me, carmine percitam
 Quamvis mentem agitet non humilis furor
 Franci dicere militis
 Lauros terribilem quas legit ad Lisam,
 5. Tu me sollicitum tenes,
 Fontaneri: animo curaque tu meo
 Ex longo acrior insides:
 Audax quod fragili per mare naufragum
 Jamdudum rate naviges:
 10. Nec sat forte tuæ remigium rati,
 Nec sint vela satis bona,
 Ut portum incolumis difficilem occupes:
 Vestrarum neque partium.

Evites scopulos naufragiis graves.

15. Non sic, tempore pristino,
Fontaneria gens, nobile sanguinis
Quondam principium tui,
Non sic vestra domus, Romula quam raris

Vexit per mare, non patres

- Sic vixere tui. Quare age, devios
20. Calles, castraque patribus
Detestata bonus deferere: non tuæ
Error convenit indoli.

Tene ah! moribus his, hoc animo, hac fide;

Caris tam bene cognita,

- 25 Te ne his, & meritis, hac sapientiæ

Et tot dorum opulentia,

Hesterni species frivola dogmatis

Nostro separet à grege,

Majorum immemorem scilicet, & tuæ

30. Nutrici male credulum?

Ah! ne perfida pax te miserabili

Tutum fingat inertia.

Sed per lenta tui seria consili,

Alto mentis in otio,

35. Contemplare, quibus refluere impotens

Ætas præcipitet rotis:

Et quas pollicitus spes tibi, quas suis

Olim non violabile

Per numen, moriens asseruit Deus,

40. Tecum denique respice.

Et ne, restat adhuc dum breve temporis

Momentum, male fortibus

Ne jam consiliis aut rationibus,

Votis pone moram meis:

45. Votis omnibus hoc & lacrymis emam;

Pro quo, si pietas velit,

Et poscas, etiam sit pretium mori.

IN
CLEMENTEM IX.
PONTIFICEM MAXIMUM.

ODE IX.

*Quod fidus olorum dictus sit, quando
creatus summus Pontifex.*

- E**CQUOD conspicuum novumque fidus,
Cælo fundere cœpit è sereno
Luminis radios benignioris,
Atque omnem exhilarare luce mundum !
5. Toto denique quotquot estis orbe,
Vos ô plaudite, nobiles poëtæ
Omnes, omnibus atque cum poëtis
Musæ plaudite : vestra res paratur.
Nam regum optimus ille, principumque,
10. Cunctarum pater ille gratiarum,
Ejus animo redundat omnis
Fons & copia liberalitatis,
Totus pectore, totus ore candens,
Blandi blandius uti solent olores,
15. Et dum primâ animos sinebat ætas,
Qui canebat, uti canunt olores.
Pastor ille benignus, ille Clemens
Vatum fidus & est, ut est olorum

SERENISSIMO PRINCIPI
EMMANUELI THEODOSIO
A T U R R E A R V E R N I Æ
B U L L O N I O

S. R. E.

EMINENTISS. CARDINALI

O D E X.

*Quod acceptam nuper à Summo Pontifice
Purpuram, sibi meritisque suis
unicè debeat.*

SIC est: non ego, BULLONI,
Augur vanus eram, debita cum tibi
Sacra munera purpuræ

Jamdudum canerem: nec sua defuit

5. Vati, quam meruit, fides.

Et te purpureis patribus additum,
Exultantibus è jugis,

Vulgavit populis Roma: tibi prius
Quod spes publica voverat.

10. Quæ non lætitiæ signa dedit pater
Tybris, lene frementibus

E ripis? Thalamo nec male reddidit
Plausum Sequana de suo

At non te meriti muricis ad decus

15. Promovit temerariæ

Fortunæ levitas, non popularibus
Auris gratia Principis

Parta, aut sollicitis ambitionibus;

- Non te fata domestica ,
 20. Non discrimina per mille Turennius,
 Laudem querere nobilis ,
 Quando pro patria , & Principe pro suo ,
 Devotus toties mori ,
 Objectasque acies rumpere fervidus
 25. Altum fulminat ad Sabim ;
 Non te illustre genus , non avus , aut pater ,
 Bellis egregii licet
 Ambo , conciliis præcipuus tamen :
 Et pollens pater arduæ
 30. Mentis , non atavi denique Cæsares ,
 Qui per Nasslaviam domum
 Accessere tux , non reliquas supra
 Laudatissima scæminas ,
 Te mater Latio murice vestiit :
 35. Non clarissima turribus
 Stirps Arverna suis , non tibi contulit
 Fratrum turba faventium ,
 Romanæ pretium nobile purpuræ.
 Hanc isti sapientiæ ,
 40. Cujus consiliis omnia temperas ,
 Debes moribus hanc tuis ,
 Hanc debes meritis denique , & his , quibus
 Omnes tam bene gratiis
 Devincis animos. Quæ veniet brevi
 45. Ostro gloria de tuo ,
 In consanguineos undique principes ,
 Qui tot fata volentium
 Decernunt populorum ? O novus incitæ
 Si menti incideret calor ,
 50. Si vis alta ! Quibus scilicet , ah ! quibus ,
 Princeps magne , tuum modis ,
 Plaudentes canerem per populos decus ?
 Quo te carmine dicerem ?
 Quamquam ô , speroequidem , languida pertinax
 55. Sacrorum taciturnitas
 Si vatum ora premat : mox erit , ut tuum
 Gentes

Gentes nomen ad ultimas

Centum Fama tubis ferre præoccupet :

Nec jam justitiæ soror ,

60. Virtutisque comes Gloria , cæteros

Demum provehere ad gradus ,

Te sic promeritum differat : id tibi

Nato ad grandia spiritu ,

Vis excelsa tuæ spondeat indolis :

65. Nec regis favor abnuat :

Id regnum velit , & relligio petat.

AD

CHRISTIANUM LAMONIUM,

IN SENATU PARISIENSI

ADVOCATUM GENERALEM,

PRINCIPIS SENATUS FILIUM

NATU MAJOREM.

ODE XI.

*Lamonia Domus fortunam sola virtute
contineri.*

NEMPE hoc monebas , optime LAMONII:

Non Marte ab uno gloria turbido

Quærenda bellorum fragore ,

Per populos domitos , & urbes.

5. Nec sola priscis arma Quiritibus

Tractata , Romam terribilem hostibus

Fecere , non Afer subactus ,

Aut Nomas , horribilisve Medus.

Sua & quieto cæpitur è foro

10. Palma , & reportantur sine sanguine

R. p. Tom. III.

Q

- Certi, per heroas togatos,
Pacifica Themidis triumpho.
Mihique is unus longe alios super
Laudetur heros : qui male nil sibi
15. Permittat impermissum, & alta
Mente, libidinibusque cæcis,
Suisque votis imperet, abstinens
Optare, quæ fas non prius annuat :
Refrænet iras, & volentes
20. Per populos, sine cæde regnet.
Quod est honestum præferat utili,
Vultu severo dona nocentium,
Pro jure mercando, superbus
Rejiciat, rigidusque judex.
25. Hac arte prisca Lamonidæ decus
Cœpere verum quærere : sic avus,
Clarique majores, tuumque
Per patrios genus omne fastos.
Hac & supremum Lamonius parens
30. Legum in tribunal, justitiæ integer
Pervenit, & cœpit profundo
Ore suæ dare jura genti.
Vides, ut alti pondere consilii
Momenta legum temperet : & suo
35. Componat æstus turbulentos
Eloquio, popularis auræ.
Mirata talem, te quoque Regia :
Orator urbis cum populo datus
Sermone regem non tacendo,
40. Pro patria alloquereris urbe,
Dijudicandis civibus unice
Attentus, æquum dividis omnibus,
Vanoque nugatum tumultu
Liber, amas solidum, ac requiris.
45. Jam sic paternam moribus in tuis
Agnosco virtutem, atque domesticum
Decus, redonatamque mundo
Justitiam, studio parentis.

50. Hæc vestra laus est, inclyte LAMONI:
 Virtute in una scilicet & domus
 Lamoniæ fortuna, & omnis
 Spes meriti statuenda vestri

A D

DIVAM VIRGINEM
 LAURETANAM

O D E XII.

Ut Turcam ab Italia procul arceat.

DIVA, quam rebus trepidis benignam
 Rure Piceno veneratur Orbis,
 Cui suos sternit facilis moveri
 Adria fluctus:
 5. Si qua pastoris tibi Vaticanæ
 Cura, vel sacri superest ovilis,
 Italis Thracem procul inquietum
 Finibus arce:
 Si faves, totis trepidabit undis
 10. Bosphorus, rupes Scytica pavebunt,
 Turca pallebit, timidumque cornu
 Luna recondet.
 Namque te dudum pelagi potentem
 Non semel verso tremuere ponto
 15. Merfa Thressi, rate dissipata,
 Arma tyranni.
 Ne tibi fidam pavor ille gentem
 Angat, aut sævis male turbet armis
 Quos tuis læti meditamur aris,
 20. Ponere honores.

Q ij

A D
 DUCEM BORBONIUM
 SERENISSIMI PRINCIPIS
 DUCIS ENGUINEI
 FILIUM
 NATU MAJOREM.
 O D E XIII.

*Pro puero , dum crescit , parentum virtute
 excitando.*

- P**AVE TE Iberi! Non ego barbaræ
 Telluris hostem, litore ab ultimo,
 Narrabo venturum, futuram
 Urbibus Hannoniis ruinam.
5. Discrimen urget. Borbonia novus
 De stirpe crescit sub patribus leo,
 Luditque : Condæas per ædes,
 Filius Enguineo parenti.
- Fatale toti nomen Iberiæ ,
10. Fatale Belgis: si bene milites.
 Pugnata , Limburgo sub alto ,
 Prælia adhuc meminere vestri.
 Et si qua restat cædibus horridæ
 Seneffi imago, vincere fervidos
15. Cum terror , & strages Parentem
 Antevolans, & Avum præiret.
 Quæ bella cerno ? Per medios furit
 Condæus ardens & vagus ordines.

- Totis recedentem obstinatus
 Nassavium reperire castris.
 20. Bellique primo detonat impetu
 Dum nimbus omnis, protuere obvios
 • Non cessat, infractam ferocis,
 Rumpere atrox aciem Sicambri.
 25. Virtute talem si puer exprimat
 Crescendo quondam Borbonides Avum,
 Quem monstra, inaccessis sub antris,
 Herciniæ tremuere sylvæ,
 Altoque Mœnus flumine palluit:
 30. Si grande bello Borbonidum genus
 Æquet, Palatinæve Matris
 Ingenium, niveosque mores:
 Quos ille amores per populos, suæ
 Ex ore matris, quos animos feret,
 35. De fortium exemplo Parentum,
 Quos juvenis referet triumphos?
 Quando Friburgum, fisa loci situ
 Norlinga, supplex Alfata, Teutones
 Victi, triumphatusque Rhenus,
 40. Tot populi domiti, tot urbes
 Menti recurrent: quos animo puer
 Versabit æstus? Namque domestica
 Exempla crescentem excitabunt:
 Et Proavis similem, & Parenti
 45. Natum reponent. Sed mihi fervido
 Videtur urbes & populos super
 Volare curru, tot triumphis
 Jam patriis animosus infans.
 Dum crescit ætas, dulcibus interim:
 50. Musis remittat se puer: atque Avi,
 Magnique virtutem Parentis
 De teneris meditetur annis.

A D
PETRUM BELLEVRIUM.

O D E. XIV.

*In effrenatam ætatis nostræ luxus
impotentiam.*

- E**RRAMUS, & nos, BELLEVRI, vanus tener:
 Ac fascinat præpostere
 Severitatis cultus: austeri palam
 Volumus videri, nec sumus:
 5. Loquimur, severa, & delicate vivimus:
 Sic indoles est sæculi.
 Crepare mores inverecundi bonos:
 Audemus, & nostri jacent,
 Fœdaque molles diffiunt inertia,
 10. Ætatis hujus in probum.
 Longinqua velis navigamus æquora,
 Pontique ridemus minas:
 Negotioso ut serviamus luxui.
 Quæcumque naufragio venit,
 15. Pretiosa res est. Mensæ & abaci è finibus
 Mundi afferuntur ultimis:
 Lignumque facio discolorè patrium,
 Maculisque deformat faber:
 Ut insolens quid, atque peregrinum exprimat:
 20. Nostro palato desipit,
 Vulgare quidquid atque plebeium sapit:
 Nivesque, pœnas montium,
 Laboriosas facere delitias gulæ:
 Studemus artes per novas:
 25. Partuque fructus arbores adultero,
 Dum parere ferro cogimus,

- Nil esurimus obvium , ac parabile ?
 Est vile quod pronum est nimis.
 Regum illa vestis principumque purpura
 30. Nostros in usus viluit.
 Spectatur altas optimatum per domos:
 Jam purpurata servitus.
 Pro foribus ipsis turba famulantum fremit,
 Longisque oberrat arriis
 35. Populo videnda, se ostentans heri
 Coloribus sub splendidis.
 Amnes regeſto ſubmoventur è ſolo,
 Campi innatantur amnibus;
 Et ſubſtruendis molibus terra intimis:
 40. Perfoſſa viſceribus gemit.
 Faſtu inſolenti magna private domus
 Struuntur in palatia.
 Marmore ſuperbum limen eſt, & grandibus
 Addenda tectis porticus,
 45. Aurisque aperta perviis, longum explicat
 Se per columnarum ordinem.
 Opulenta ſplendent ſumptuoſis ædibus
 Aulæ : cryſtallus domum.
 50. Lucet per omnem multa : laqueare eminet:
 Auro nitenti perlitum.
 Ferro vibratam, perque nexus tortiles,
 Pexam renodamus comam,
 Trans mare petitis crinibus, quos nutrit,
 Et vendidit Britannia.
 55. Et per colores non ſuos nigrum caput:
 Mutare flavo diſcimus.
 Ori paratur arte medicatus rubor,
 Genæque fucus inficit.
 Manus olentes roribus jaſmineis;
 60. Roſeis capillos ungimus:
 Pictamque plūmis addimus ſuperbiam,
 Tumidum ut in umbremus caput.
 Faſtidioſus nomina exhauſit novis.
 Antiqua luxus veſtibus,

65. Monilibusque colla torquataꝝ exteris
 Census maritaꝝ conjugum
 Dotesque vendunt, ut novum formaꝝ decus
 Parent, & exponant procis.
 Virgata vestis moris externi placet ;
70. Vestes supra jam patrias :
 Sed latera amictus deprimunt arctissimo ;
 Unde gracilescant Virgines.
 Comptumque velo dum latus obnubunt caput,
 Ardent videri, cum latent.
75. Et dissolutis induuntur vestibus,
 Ut pateat insidiis pudor.
 Hoc merfa cœno civitas non se amplius
 Agnoscit, & sui pudet.
 Morum hæc ruina, dedecusque sæculi,
80. Longa est quærelarum seges :
 Et digna, cur per insitam modestiam,
 Frugalitatem per tuam,
 Sanctosque mores, temporis tam perditis
 Hanc improbaturos luem,
85. Placandus ad te provocarem, BELLEVRI,
 Et rumperem silentium.
-

A D

CAROLUM PERERIUM
 LYRICUM INSIGNEM.

O D E XV.

*Nimis circumspēctam ac diligentem Gallici
 sermonis curam, quæ nunc est, tractanda
 Poësi Lyrica videri imparem.*

Sic te non tua, PERERI,
 Conjectura fefellerat,

- Sic est : nulla decentius
 Scripsit , tempore pristino ,
 5. Ætas , nulla disertius :
 Quam quod scribere cœpimus.
 Nostro purius haud fuit.
 Sæclum , nec magis elegans.
 Ut verum fatear tamen ,
 10. Dum sic quærimus anxie
 Linguae munditiem , omnibus
 Sparsam denique gratiis ;
 Et dum difficiles nimis ,
 Et tersti , & graciles sumus
 15. Nervos , crede mihi , suos
 Verbis ah ! male seduli ,
 Justa , & pondera deminus.
 Sic & destituit sua
 Sermonem prope dignitas.
 20. Si nescis , ea , PERERI ,
 Circumspecta sagacitas
 Scribendi , & nimis anxia
 Quæ nunc sedulitas viget ,
 Prorsus sic animorum egens
 25. Nos jam carmine patrio
 Tractandæ fidibus lyræ
 Prorsus reddidit impares.
 Ætas nostra superbior
 Audax quidquid & insolens ,
 30. Sermoni est patrio illitum ,
 Duris respuit auribus.
 Ergo si fide Gallica
 Nostri forte paraverint
 Vates , pulvere bellico
 35. Nigrum dicere Principem ,
 Dum Burgunda quatit suo
 Victor mœnia fulmine ,
 Et Reges canere & Deos :
 His est proterius altior
 40. Affectanda polo via :

- Nec tam grandia debili
 Enarranda modo: juvat
 Ferri, quo rapit impetus,
 Et mortalibus invium,
 45. Pennis fortibus, arduas
 Trans nubes, per iter sequi:
 Et per certa pericula
 Prudentis petulantia,
 Multo non sine numine:
 50. Et non degeneri gravis
 Pertractanda modo chelis.
 At nos grandis Horatii,
 Quantum possumus, æmuli,
 Nos Romana quibus lyra
 55. Majores animos facit,
 Felicemque licentiam:
 Ut multo melioribus
 Pennis, ô bone PERERI,
 Altos tollere spiritus,
 60. Præclare temerarii
 Audemus, quoties viros
 Fortes dicimus ad lyram,
 Versus immeritos mori
 Soli scribere novimus.

AD SERENISSIMUM
 GALLIARUM DELPHINUM.

O D E XVI.

*Pro eo, per Principum literatorum triumphos,
 ad studium literarum, cui dat operam,
 incitando.*

DUM literato ludis in otio,
 Et castra. doctæ Palladis impiger

- DELPHINE sectaris, futuros
 Vincere jam meditaris hostes
 5. Bonas per artes, pectora dulcium
 Formare alumnorum, asperioribus
 Virtutis armorumque curis,
 Pallas amat, teneris ab annis.
 Imbelle nido sic genus erudit
 10. Ales minister fulminis, arbitra
 In luce, ad armorum fragorem, &
 Grande ministerium tonantis.
 Sic natus alti sanguine Pelei
 Infans Achilles semifero manus
 15. Submisit heroi, superbum
 Ilion excidio daturas.
 Sic in Lyceo per sophiæ sacras
 Deductus artes Æmathius puer
 Græcum, pharetratumque Persam, &
 20. Terribilem superavit Indum.
 Sic quæ Latinis Annibalem ferum
 Carthago quondam finibus intulit,
 Doctique, Musarumque amantis
 Scipiadæ malè cessit armis.
 25. Altam quiritum per sapientiam,
 Ac literatos sic quoque Cæsares
 Se Roma tum demum subacto
 Imposuit metuenda mundo.
 DELPHINE, quam non gloria lauream,
 30. Quas fata palmas non tibi destinant?
 Si quando formatus per artes
 Egregias, facilesque Musas,
 Orbi regendo veneris. Illicet
 Hoc sperat à Te Rex Pater, & suæ
 35. Virtutis inspirare nato
 Magnanimos bene cœpit ignes.

IN
 GUILLELMI LAMONII
 SENATUS PRINCIPIS
 OBITUM.

O D E X V I I .

Ejus mortem semper dolendam.

- Q U A N D O denique nos dolor
 Respirare finit , magnanimum mori ,
 Fratres LAMONIDÆ , Patrem
 5. Dicamus , gravis ah ! quem nimium diu
 Mœror dicere distulit .
 Nec porro taceat sedula civitas
 Lugendum populo virum .
 Nam quando similem publica res tulit
 Civem , quando parem feret ,
 10. Unum pro Patria scilicet omnia
 Devotum & facere , & pati ?
 Mores flete , flectant Jura , flectat Fides ,
 Et quæ LAMONIO stetit
 15. Virtus incolumi . Sed quis agit novus
 Æstu non humili calor
 Vatem non timidum , nec cithare imparem ?
 Quo vir , magne , rapis tui
 Plenum , impressa quibus pectora fuscitans
 20. Flammis ? Quo feror arduus
 Nil vulgare movens , grandeque LAMONI
 Altâ mente agirans decus ?
 Ut mœrore mihi , & carmine percito
 Enarrare libet virum ,

Incorruptum

- Incorruptum animi, & facta retexere
 25. Proponenda nepotibus!
 O mens! ô pietas! ô sapientia!
 O morum nitor! ô fides!
 Simplex ingenii candor! ô eloqui,
 Et linguæ lepor uberis!
 30. Virtus ingenuo casta silentio!
 Quid demum loquar, ut malas
 Fraudes consilii pondere fregerit?
 Ut famæ insatiabilem
 Numquam corde sitim expleverit anxio?
 35. Luxum legibus ut suis
 Frænarit? studiis finxerit ut bonos
 Mores asperioribus?
 Et nullarum animus deliciarum egens,
 Artes foverit optimas?
 40. Quid narrem, quoties mentis ut integer,
 Tristis nube supercili,
 Ad laudes trepidans palluerit suas;
 Ut contemptor opum, gravi
 Vultu respuerit dona potentium,
 45. Ut punire alacer scelus,
 Toto depulerit perfidiam foro:
 Et vulgi male desidis
 Pendere arbitrio, vel populum vagè
 Errantem indocilis sequi:
 50. Sed rectæ rationi, & sapientiæ
 Se componere noverit.
 Omne odissè lucrum fortis, ut utili
 Verum prætulerit decus?
 Et quo LAMONIO Gloria sospite
 55. Numquam postibus abstinit.
 Sed vix tot meritorum umbra manet levis.
 O mortalibus asperæ,
 Injustæque vices! Cur novus insitam
 Altè tristitiam arguens,
 60. It per membra tremor? Languida ab intimo
 Quid suspiria pectore

Interrupta volunt ? Humida per genas

Manans gutta rigat sinum.

Cur aut unde madent lumina lacrymis ?

65. Ah! quando , bone LAMONI ,

Dignus perpetuis fletibus occidis ,

Quæ solatia jam pati ,

Quæ sperare queam , aut vivere quid morer ?

IN E J U S D E M

SENATUS PRINCIPIS

O B I T U M .

O D E X V I I I .

*Sæculi emendationem ab ejus virtute, moribus,
& judiciorum sanctitate speratam.*

NON ergo vanè credidimus dies
Fluxisse priscis gentibus aureos ;
Pronunciabat innocenti
Quando Themis sua jura mundo.

5. Vigebat illo tempore , simplici

Verendus ore , & fallere nescius

Candor , severæque æquitatis

Unicè amans Probitas , Fidesque,

Hos nempe mores , hæc tua , LAMONI ,

10. Virtus sponondit sæcula , cum foro

Regnare cœpisti tuarum

Pondere , præsidioque legum.

Jam nostra multo crimine decolor

Pallebat ætas , dedecus ultimum

15. Mundi , atque naturæ supremum

Opprobrium viciosioris

Aulæ infideles quid memorem ambitus ,

Urbisque avaræ turpem opulentiam ,

10. Luxumque mensarum redemptum
 Regni opibus, populique censu?
 Illo Senatus Præside, criminum
 Pudere mundum cœpit, & asperos,
 Ferroque perfusos, & ære
 Sæcula dedidicere mores.
25. Urbis tuendo nam bonus otio
 Seu fors vacaret, publica seu foro
 Edicta juris restituti
 Fatidico perhiberet ore;
 Seu civitati oracula redderet;
30. Seu congregatos diceret ad Patres.
 Adversus obstantem superbum,
 Jus inopi, aut viduæ faveret:
 Tutela præsens contigit omnibus:
 Natum saluti provida publicæ
35. Quem mundi, & è rerum theatro
 Edidit, exposuitque Virtus,
 De matris ulnis candida quem Fides
 Fovit receptum: quem Pietas sinu
 Excepit, adpressis & ori
40. Uberibus puerum erudivit.
 Inde illa recti pectoris indoles,
 Celsæque mentis nuncia frons dedit,
 Ex oris aspectu sereni,
 Magnum animæ indicium eminentis.
45. Tali forenses sub duce Curia
 Exosa rixas, fræna licentiæ
 Injecit, addixitque justas
 Perfidia, scelerique pœnas.
 Illum, & severæ si Themidis foret
50. Tractanda libra, aut si gladius deæ
 Movendus, & sumenda fortis
 Aut animi sapientis arma:
 Semper tremendum crimina iudicem
 Sensere, quem Fas, Justitia, & Fides
55. Mixtis sequebantur clientum
 Agminibus sacra jura dantem.

- At ille mentem, rebus in asperis,
Componere æquus, non male perfido
Dixit sacramentum favori,
60. Vanus amans popularis auræ.
Nec illum inanis gloria, nec nitor
Delusit auri: major ab ipso opum,
Rerumque contemptu, pavebat
Immodicis dare vela votis.
65. Quid narrem, ut alti pondere consili,
Absterfit agræ nubila patriæ?
Jam toto inhorrescente regno,
Turbidinus, tenebrisque belli.
Regi obligatam tum populo fidem
70. Persuasit autor pacis, & artium
Ultor pudendarum, fideli
Omne nefas animo execratus.
Rerumque nasci longe alium ordinem,
Francum per orbem, vidimus, & novos
75. Flavo redordiri metallo
Tempora LAMONIANA mores.
Quas inde leges surgere vidimus,
Et quos honores legibus additos?
Ubique juri pejerato
80. Rite vigor renovatus omnis.
Tum restitutus non bene mutuis,
Aut inquietis connubiis honos.
Suisque, neglectas per aras,
Religio reparata templis.
85. Et scripta per te, maximè LAMONI,
Discenda seris jura nepotibus
Sæclo redonarunt labanti
Justitiæ potioris usum.
Tantoque legum vindice non furor
90. Civilis urbi sustulit otium:
Gentique speratum quod ætas.
Hinc flueret pretiosa nostræ.
Sed vana rerum nos species capit:
Suspiret omnis denique civitas.

Nam quid spei extincto super sit
LAMONIO melioris ævi?

IN

CHRISTUM PATIENTEM.

ODE XIX.

NUBE quis clari rutilum profunda
Solis extinxit jubar ater horror?
Nocte turbatus super insolenti
Palluit orbis.

5. Palluit cælum: stupefacta tanti
Venit in partem quoque Luna luctus,
Quippe tam justis fuit ulla nunquam
Causa doloris.

Vidit affixum trabe Sol in alta
10. Numen, & vultus pavidos retorfit:
Luminis fontem puduit videre
Luminis orbem.

Sed quid aut primum querar, aut supremum?
Membra servili lacerata loro?

15. Anne Romano patefacta ferro
Pectora dicam?

Quid loquar fuso Domini cruore
Roscidæ rupes, scopulosque tanti
Criminis testes, quid aperta iusto

20. Saxa dolore?

Tene sudato madidum cruore,
Christe, vel fato properante moestum
Dixerim? clemens ubi mons virenti
Frondet oliva.

25. Qualis orabas? nece cum propinqua
Robur ardenti prece colligebas.
Vidit orantem simul & paventem
Nuncius ales.

- Quo repentino, furiose miles,
 30. Arma moliris glomerata gressu?
 Parce crudeli temerare sacrum
 Cuspide corpus.
 Dum loquor, multus properat fatelles,
 Christus armato rapitur furori.
35. Præda, raptatum violenta numen
 Turba fatigat.
 Qualis heu! mollis, grege dissipato,
 Agnus Hircanos cadit in leones:
 Ille non uno laceratur unus
40. Victima dente.
 Quid super tanta rabie, tonantis
 Lenta suspensum tenet ira fulmen?
 Heu! sub humano Deus ipse causam
 Judice dicit.
45. Forte candentes radiata vultus,
 Luna sopito vigilabat orbi,
 Tecta per multo sopor altus ibat:
 Ebria somno.
- Cum fatigatum malefana pubes
 50. Intimas Christum penetralis aulae
 Egit in partes, ubi serva ludo
 Turba vacabat.
- Quid loquar pœnæ genus insolentis?
 Nocte quos una tulerit dolores,
55. Nocte quos sævi tolerarit una
 Verberis ictus?
 Nulla lymphati rabies furoris,
 Nulla vis mentis male feriatae,
 Non gravi illudit veneranda risu:
60. Numinis ora.
 Vix redux orbi roseos agebat
 Sol, sub aurora præeunte currus:
 Cum cruentato maculatus ore
 Triste reluxit.
65. Interim tota glomeratur urbe
 Turba divini sitiens cruoris.

LIBER

Tolle ! clamabat ; trabe perduellis
Pendeat altâ.

Mente sed iudex miseratus ima

70. Asperam sortem , sitis ut cruentæ

Contineretur furor , imperavit

Verbere cædi.

Itur arcanos laris in recessus ,

Et novos Christus datur in dolores :

75. Miles erectam media columnam

Figit in aula.

Nudus adducto Deus obligatur

Fune : tum pubes furiosa victos

Expedit fasces , rigidumque torti-

80. Vimen acanthi.

Ardet in plagas validus satelles ;

Aula percussis gemit icta plagis ,

Et repercussi resonant frementes

Verberis ictus.

85. Non tot æstivæ cecidere guttæ

Grandinis : non tot per inane rupti

Vere funduntur pluvio , solutis

Nubibus imbres.

Ecce jam totam fluitant per aulam

90. Sanguinis rivi , laceri per auras

Deplunt artus , riguo redundant :

Omnia rabo.

Vindicis cæli super hæc filebant

Tela : non pœnas , pater , irrogabas.

95. Languido stabas pede , nec rubenti

Nube tonabas.

Insper miles Solymæus instat ,

Implicat frontem paliuro adunco :

Ipse pro sceptro manus implicatur

100. Simplice junco.

Vepribus frontem lacer , & liquenti

Squallibus vultum sanie , videri

Turpis est : rabo vitiata fœdat :

Ora cicatrix.

R. iijj

105. Ligna per sectas fabricanda cedros,
 Artifex ferro bifido secutus,
 Mortis erexit trabe sub bicorni
 Infame theatrum.

Tollitur passis spatiosa ramis,
 110. Christe, crux palmæ tibi destinatae
 Ferculum, tristis tibi præparati
 Pompa triumphi.

Tene jam dura video gravatum
 Mole & Tortores humeris iniquum
 115. Pondus imponunt, lateri satelles
 Fusus oberrat.

Additur Christo comes, & peracto
 Urbis emensæ spatio, venit,
 Mons ubi longo super astra surgit
 120. Golgota dorso.

Ter ferunt montem scopulo sonanti
 Ad sacrum Christi trepidasse numen:
 Rauca ter surdum gemuit sub imis
 Terra cavernis.

125. Immemor rerum Solymæa pubes
 Instat, & nudum rigido reclinat
 Numen in ligno; cohibet trabalis
 Brachia clavus.

Inde sublimi tenues in auras
 130. Arduus trunco datur, & latrones
 Inter, è ligno fragili pependit
 Tam grave pondus.

Quid paves, Natura? Quid erubescis?
 Non tuum crimen, facinus furoris
 135. Non tui: unius fuit illud unum.
 Crimen amoris.

Miles effossi penetræ cordis
 Efferus, torta patefecit hasta:
 Sanguinis rupto rapidus cucurrit
 140. Pectore torrens.

Sol laborantes medio repressit
 Territus cæli spatio quadrigas:

Unda suspensos tenuit paventi
Litore cursus.

145. Tum caput movit Libanus, moveri
Insolens: manes Acheron remisit,
Et sacri rupto patuere velo,
Abdita templi.

150. Tristibus fontes fluitasse rivis,
Et reclinatum capitis superbi
Tum ferunt cedros posuisse flexa
Fronte cacumen.

155. Frustra per quas abisse rupes,
Intimis colles trepidasse venis,
Et modis totam simulacra miris
Acta per urbem.

Christe, te flerunt specubus sub altis
Saxa, te rivi, liquidique fontes;
Christe, te flerunt stupefacta mœstis
Rura colonis.

160. Et tuum funus perhibent profundis
Armenas silvis gemuisse tigres,
Teque Getulos rigidis leones
Flesse sub antris.

165. Dum dolent rupes, pecudesque brutæ,
Numinis fato super immolati,
Non homo justus dabit ulla durus
Signa doloris?

170. Cuncta plorato lacrymosus imbre
Ora perfundat liquor, & sonoris
Personent circum loca verberata
Planctibus auræ.

IN
 FONTEM POLYCRENEN;
 BAVILLÆO IN AGRO
 AQUARUM PERENNITATE
 ET COPIA PERNOBILEM.
 AD GUILLELMUM LAMONIUM
 PRINCIPEM SENATUS.

ODE XX.

- R**URIS splendide fons LAMONIANI;
 Quo non alter aquæ perennioris
 Manat agmine copiosiori;
 Collis primus honos siticulosi,
 5. Vallis delitit tibi adjacentis,
 Quo te carmine, fons beate, dicam?
 Nil te purius est, salubriusve:
 Et si nobilis unda fabulosæ
 De Pindo tibi ceteret Hippocrenes,
 10. Aut quos carmine prisca prædicavit
 Fontes fabula fabulosiores,
 Ipsa omnis tibi cedat Hippocrene.
 Et quos carmine prisca prædicavit
 Fontes fabula fabulosiores.
 15. Quando sæpe tuæ vides sub udo
 Ripæ gramine, Principem Senatus,
 Venatu nimio jacere fessum,
 Mirarique tuam perennitatem,
 Secessumque per otiosorem,
 20. Moram ducere non malè otiosam.

- Mollis namque toto sedens sub herbæ,
 Legit Virgiliumve, Tulliumve,
 Suas delicias, suosque amores:
 25. Aut quodcumque operum venustiorum,
 Olim, tempora prisca, protulistis.
 Sedis Liligeræ sacrum tribunal,
 Toti jura dat unde Civitati,
 Non illum faciat beatiorem.
 Vos ô nobilium proinde aquarum,
 30. Fontes undique quot quot estis omnes,
 Fonti cedite jam LAMONIANO.

IN EUNDEM FONTEM.

O D E XXI.

- G**AUDE sorte tuâ: sat es beatus,
 Fons solo edite SANCARONIANO;
 Et quamvis per agros inelegantes,
 Et vilem thalamum, atque scrupulosas
 5. Per valles, iter is laboriosum:
 Nec sat terra tuo sit æqua rivo,
 Fortunâ utere. LAMONAEUS ille,
 Princeps Ordinis ille purpurati,
 Regni gloria prima, sæculique:
 10. Musarum ille amor, ille LAMONAEUS
 Amat te bonus, atque sæpe visit,
 Septembres ubi per vacationes,
 Urbe aulaque procul tumultuosâ:
 Obiit lata sui vireta ruris:
 15. Quin & sapius esse te suarum
 Metam destinat ambulationum.
 Ergo desine velle sumptuosas
 Cunas, ac thalamum decentiorem,

- Cultus desine velle mundiores,
 20. Fortunamque aliam : sat es beatus.

SERENISSIMO PRINCIPI
 EMMANUELI THEODOSIO
 A T U R R E A R V E R N I Æ
 B U L L O N I O
 S. R. E. CARDINALI.

*Solitudinis in quam secessit commendatio &
 Sammartiniana ad Pontifaram ipsius
 Villa amœnitas.*

H E N D E C A S Y L L A B U M .

O D E X X I I .

- N** O N me sollicitæ morentur urbis
 Et plausus, & opes, & inquietis
 Vulgi gratia promerenda votis :
 Quando ruris amor, tumultuosa,
 5. O lux ordinis una purpurati,
 Omnium optime BULLONI optimatum,
 Te, pro tempore, separavit urbe :
 Omni ut denique liber ac solutus
 Curarum strepitu, tibi tuisque
 10. Veræ laudis amans libris vacares.
 Nec frustra meruit tuæ beatus
 Ager Pontifaræ tuos amores,
 Tanto à Principe sic merens amari.
 Ourbs ! ô Isara ! ô amœnitates
 15. Pratorum prope flumen adjacentum :
 Cæli ô temperies, benignitasque,
 Et clementia mansuetioris !

O colles !

- O colles ! ô agri ! placentque vallis !
 Ruris otia blanda delicati !
20. Ubertas opulenta fructuosæ
 Telluris ! Juga vitibus benigna !
 Camporum ô species procul parentum !
 Domus munda , nitens , perelegansque ,
 Ipsiis ô domus invidenda diviis !
25. Quid pictos memorem tot & tot aureis
 Hortos floribus , & vireta læta ?
 Quid umbras loquar ac opacitates
 Ad ripam salicum prope assitarum ,
 Et qui pervolitant citi , levesque
30. Toto fluminis alveo phaseli ?
 Conspectum plaga discoloris herbæ
 Vestitu exhilarata ut ornat omnem ?
 O florens & amœna solitudo !
 Quies dulcibus ambienda Musis ,
35. Sedes vatibus appetenda sacris ,
 Omnibusque colenda literatis :
 Hero quamdiu erit suo superba.
 Et te præterea vel otiosum ,
 BULLONI , tua villa dum tenebit :
40. Vos urbes , populi , celebritates ,
 Honos , ambitio , favor valete.
 Unam denique , BULLONI , tuarum
 Tecum rure tuo ambulationum
 Regum prætulerim omnium favori.
45. Tecum maluerim usque feriari ,
 Et pendere tuo frequens ab ore ,
 Otiisve tuis , negotiisve
 Interesse dies silendo totos ,
 Te sic vivere , sic loqui scientem
50. Longum audire , tuos studere , mores .
 Mores ah ! niveos , nec hujus ævi ,
 Ipsi quos adeo stupent boni omnes ,
 Quos tanti facit urbs , & omnis aula,
 Nil tanti ut faciat vel urbs , vel aula,
55. Nil tantum stupeant ut boni omnes :

Rap. Tom. III.

S

Tecum maluerim usque rusticari,
Quam decernere fata cæterorum.

ILLUSTRISSIMO VIRO

NICOLAO DE LAMOIGNON
DE BASVILLE,

Senatus Principis filio, Magistro libello-
rum supplicum, Judici integerrimo.

ODE XXIII.

*In villam perelegantem nuper ab ipso
edificatam.*

- N**E c te, carminibus meis,
Dici tam meritam dicere non amem,
Ac longe, reliquas super
Villas, egregiis tollere laudibus
5. Nostri Curso Lamonidæ.
Princeps purpureo quam datus ordini,
Ingens ipse LAMONIUS
Donavit veteris nomine Cursoni.
O rus uber, & elegans!
10. O Launæ tui Curso Lamoniadæ
Jam secessus amabilis!
Rancæ fessus ubi tædia diluat
Urbis, lenibus otiis:
Insanasque fori sollicitudines,
15. Turbæ jurgia Civica
Mox permutet agri non malè desidis
Agris liberioribus.
O dotata quies ruris honoribus!

- O pax ! ô domino domus
20. Plus ornata tuo , quam quibus undique
Sic es splendida , sic nites ,
Artis deliciis ! Nullaque principum
Villarum è numero , tibi
Jam se prætulerit simplice nobilis
25. Cultu munditiæ , paris
Nec sese æquiparet dote modestiæ :
Quali laude , Lamonidûm ,
Et sic ingenio non male discrepes ,
Quam vel non Pudor improbet.
30. Idcirco melior jam domus omnibus
Luxus atque , opulentiæ
Villarum reliquarum immodicam nimis
Objurgare superbiam
At me , vestibuli limine ab arduo
35. Quantum magnifica aspici
Percellit facies illius , illius
Admirabilis atrii :
Tectorum species unde parentium
Campis se procul explicat.
40. Ut me tota domus , sparsaque per domum
Quædam mulcet amœnitas !
Ut sic exhilarant omnia , quæ decus
Spirant undique Gratiæ !
Nec te non memorem sub penetralibus
Ipsis , pars potior domus.
45. Musæum domini marmoreâ sacrum
Magni Patris imagine :
Hic & spirat adhuc vivus , & omnia
Circum temperat : ore quo
Reddebat trepidæ jura LAMONIUS
50. Urbi. Sed mihi devio
In lucum penetrare , & nemus assitum
Mirari vacat : ut placet .
Et quæ planities , margine ab edita ,
55. Horto præjacet ultimo :
Ex quâ se facies libera collium

- Vicinorum aperit, jugis
 In Bacchum & Cererem luxuriantibus.
 Quid Pomaria prædicem,
 60. Tot digesta suis in stationibus ?
 Quid fructus viridem loqnar
 Ad murum applicitos ! Unde coloribus
 Pingi rite queant suis,
 Nec solis radio simplice percoqui.
 65. Hic & divite copia
 Hornæ scēna patet magnificentiæ :
 Et discerera, per areas
 Certas, mala suo Persica, quæ pater
 Vino perluit Evius
 70. Et prunis suus est hic honor, & pyris,
 Puri nectari uvidæ
 Hic ficus oculis ac manibus fiunt
 Ultro se faciles legi.
 Exquisita modis ô domus omnibus !
 75. At multo melior tamen,
 Si virtutis iter dum teret arduæ
 Alta mente LAMONIUS,
 Urbesque & populos, more Clientium,
 Coram Rege tuebitur,
 80. Tantis eloquii fulmina dum mover
 Jam famosa laboribus,
 Instatque attonitæ dicere Curiæ
 Causas, juraque Principum,
 Respirare tui ruris in otio
 85. Tu longum incolumem sinas.
 Nec te præterea, magne LAMONIDE,
 Si me, si satis audias,
 Nec te quando tuas excubat ad fores
 Stipatus trabeis Honor
 90. Urat famæ avidum, noctis amabiles
 Somnos rumpere pertinax,
 Dum curis animum macerat acribus,
 Non hoc pollicitus suis.
 Ergo, crede mihi, desine publicis.

55. Grandes velle negotiis

Mentis magnanimæ perdere spiritus :

Per te clatus eris fatis ,

Præstent longa modo tempora sospitem.

A C H I L L I

H A R L Æ O

P R O C U R A T O R I

SENATUS GENERALI


R. RAPINUS SOC. JESU

GRATIAS AGIT


Quod foci ob infirmitatem sibi concessi
Provisorem se promiserit.

O D E XXIV.

P R O P I N Q U A , per me jam licet, ingruat.
Hyems procellis fœda nigrantibus,
Cælumque contristans profundum.
Bruma gelu fragiles acuto.



5. Percindat auras : ipse cubiculi
Ridebo molli tutus ab angulo
Anni furores impotentis ,
Difficilemque Aquilonis iram.



10. Fit illa per te nam mihi copia ,
Lux purpurati clarius ordinis
H A R L Æ E , cum mandas beatum
Igne calere tuo poetam,

Sin




Tui sub umbra non male nominis
Spirare dignum : quamlibet imminens


15. Festinet infirmo salutem
Præripere emeritam Senectus.



Tanto benignus munere, das mihi,
Das vitam amico : cui bene pristinos
Ceu sis redonaturus annos,
20. Præteritum. reparabis ævum.



Mox ergo, ut atrum nubibus horridus
Cælo November protulerit caput,
Curabo non jam differendum
Igne caminum animare. largo.



25. Quid plura poscam, Teque tuamq; opem
Præbente : demum sit modus is mihi
Rerum fatigato, fovendæ
Subsidium hoc sit honos Senectæ.



- Tum te Decembrem fervidus ad focum
30. HARLÆ dicam : Vivis ut unice
Attentus & Regicolendo,
Juribus. & populi asserendis.




- Narrabo toti qualia Curiz
Responsa reddis, justitiam fori
35. Quibus tueri perseveras
Consiliis, animoque quanto



Ut civitati consulis, & rei
Parcus reservas oria publicæ :
Ut cuncta curas, non silebo.
40. Carminibus patriam per omnem

LIBER.



Tum fama nostris se tua differet.
Modis & addam non popularibus,
Quam promptus ad laudem citatis.
Nobile curris iter quadrigis.



45. Innata virtus prodere ut ambiat,
Per ora avorum, quæ penetralibus
Domus repræsentant sub altis
Atria magna oculis tuentum.




50. Quondam ut supremum te sibi judicem
Urbs speret omnis, qui tibi Civium
Nimbus salutantum, superbis
Quæ foribus fremit unda vulgi.



55. Tibi faventis. Quo tua promovent
Te fata dicam, quos genus inclytum.
Porrendat, & quantos honores
Tam merito tibi destinatos.



60. Quo nota virtus, quo populi favor,
Famæque quo Te certa fides tuæ
Vitæque constanter severæ
Quo grave te ferat institutum?



Majora dicam: laudibus è ruis
Eervebit ignis, cum crepitantibus
Ad nomen HARLÆI carminum
Coeperit exhilarare flammis.



65. Quo Musa tendis? Si sapis, abstine
Jam plura porro dicere: laudibus
Sed semper HARLÆUM memento
Difficilem penitus ferendis.

S. iij.

 TRADUCTION

DE L'ODE XXIV.

DU

MESME REMERCIMENT

A MONSEIGNEUR

LE


PROCUREUR GENERAL.

ODE.


QUE le triste Hyver commence
 A déployer ses horreurs :
 Que le Ciel plein d'inclemence
 Verse ses sombres fureurs :
 Que le froid Aquilon gronde :
 Que l'Air en Frimats se fonde :
 Que tout gele : j'y consens.
 Dans mon bienheureux azile,
 Auprès de mon feu, tranquile
 Je rirai du mauvais temps.




Toi, qui rehausses la gloire.
 De nostre Auguste Senat ;
 Toi, dont vivra la memoire
 Tant que durera l'Estat,
 Grand HARLAY, tu m'as crû digne
 De cette faveur insigne,
 Qui prévient tous mes besoins :
 Et dans la saison fâcheuse
 Si ma vieillesse est heureuse,
 Je ne le dois qu'à tes soins.




Mon âge en maux si fertile
 Ne me laissoit plus jouir
 Que d'une santé debile ,
 Qui s'alloit évanouir :
 Mais de l'Hyver redoutable
 Ton amitié secourable
 Rend les efforts impuissans :
 Déjà ton genereux zele
 Dans mes veines renouvelle
 L'ardeur de mes jeunes ans.



Lorsque des glacés rivages
 Le premier froid reviendra ,
 Et que par de longs nuages
 L'Air moins doux s'épaissira :
 Alors contre ma coutume ,
 Je veux qu'un grand feu s'allume
 Pour répondre à tes souhaits :
 Et libre d'inquiétude
 Je ne mettrai mon étude
 Qu'à jouir de tes bienfaits.



Dans la vieillesse importune
 Où j'avance tous les jours ,
 Est-il pour moi de fortune
 Preferable à ton secours ?
 Las des vains projets du monde ,
 Content d'une paix profonde ,
 Je benis mon heureux sort :
 Le seul desir qui m'anime ,
 C'est, HARLAY , que ton estime
 M'honore jusqu'à la mort.




Dans le loisir où m'invite
 Le calme que je te doi ,
 Je chanterai ton mérite.


Par des Vers dignes de Toi.
 Je dirai qu'infatigable
 D'un Roi Grand & redoutable
 Tu suis les justes projets ;
 Et de quel vigilance
 Tu secondes sa prudence
 Pour rendre heureux ses Sujets.



Je publierai ces Réponses
 Que tu rends avec éclat,
 Et de quel air tu prononces
 Ce que tu dis au Senat.
 De ton tribunal Auguste
 Par tes conseils toujours juste
 Je vanterai les Arrests :
 Et des Affaires publiques
 Où sans cesse tu t'appliques
 Les admirables succès.




Ton Nom digne de memoire
 A la faveur de mes Vers,
 Volera couvert de gloire.
 Jusqu'au bout de l'Univers :
 Je dirai d'un ton sublime
 La vive ardeur qui t'anime
 A courir à la Vertu :
 Et combien prompt & rapide
 Ton Genie heureux te guide
 Dans ce chemin peu battu.




Mais à cet éclat illustre
 Dont tu brilles à nos yeux,
 Tu sçais joindre un nouveau lustre
 Que tu prends de tes Ayeux.
 Les images honorables
 De ces ayeux venerables
 Ornent tes appartemens ;


Quiconque les examine
Voi ton antique origine
Dans ces nobles ornemens.



Que dirai-je de l'envie
Que témoignent tous les cœurs
De voir prolonger ta vie
Dans les plus brillans honneurs ?
Leurs desirs secrets demandent
Ces dignitez qui t'attendent
Dans la carrière où tu cours ;
Et tes loüanges qu'entonnent
Les clients qui t'environnent
Les présagent tous les jours.



Que ne dois-tu point attendre
De la gloire de ton nom ?
Des honneurs où peut prétendre
La splendeur de ta Maison ?
De ta sagesse heroïque ,
De cette estime publique
Acquise par tant de droits ?
Enfin de cette constance
A protéger l'innocence
Pour mieux maintenir les Loix.



J'en dirai bien davantage
A ta louange excité
Par l'ardeur qui m'encourage
Quand je dis la vérité,
Et par ce feu qui m'agite
L'éloge de ton mérite
Plus vivement brillera.
A la faveur de sa flamme
La joye où nage mon ame
Au dehors éclatera ;



Mais ma Muse , on vous dispense
 De ce zele impetueux :
 Et le grand HARLAY s'offense
 D'un éloge fastueux.
 Satisfait d'en être digne ,
 Son cœur modeste s'indigne
 Des louanges qu'il entend :
 Sans trop chercher à lui plaire ,
 Aimons le d'un cœur sincere ,
 C'est-là tout ce qu'il prétend.

T R A D U C T I O N

DE L'ODE XXIV.

DE REMERCIMENT

D U P. R A P I N ,

A

MONSIEUR G O R G E .

O Vous qui entendez si bien les devoirs de la reconnoissance , & qui en sçavez inspirer les sentimens ! Graces venez à mon secours. Aydez-moi , par ce commerce si étroit que vous avez avec les Muses , à celebrer le nom de cet Ami bien-faisant , qui m'a guéri , & à qui j'ai d'extrêmes obligations.

Car vous l'avez regardé toujours d'un œil favorable , & vous l'avez même élevé dans vôtre sein. De là vient cet air si doux & si aimable , qui paroît sur son visage , cette candeur si ennemie de l'artifice , & du déguisement : cette ame
 qui

qui sçait se commander & regler ses desirs, qui est la marque d'un beau naturel. Car pourquoi cacher plus long-temps son merite & sa gloire ? C'est luy qui n'ayant point de passion plus ardente, que celle de faire du bien, & qui étant toujours appliqué à un exercice si noble, a été si genereux, que de s'attacher à prendre soin de moi par toutes sortes de secours, lors que j'étois dans une extrême langueur, & presque à l'extrémité. En quoi il me donna des marques d'une affection toute particuliere.

Ce fut dans sa maison de campagne, où m'ayant rendu presque tout l'esté, pendant trois années de suite, il me rétablit dans une parfaite santé, & me rendit à mes amis. Mais ce n'est ni par l'abondance ni par la délicatesse d'une table magnifique, qu'il m'a guéri : Sa vertu, son honnêteté, sa franchise, & tous les agrémens de sa personne y ont plus contribué, que tout le reste. Car c'est un homme qui n'a d'ambition que pour amasser ces sortes de tresors, qui enrichissent l'esprit. En effet, qui ne sçait avec quelle integrité il a manié les affaires du Roy, & combien il est éloigné de confier ses esperances au caprice de la fortune.

De sorte que si la plus grande gloire des Grands est d'estre bien-faisans : il faut que les Princes lui cedent. C'est estre au dessus de toutes les grandeurs, que d'avoir le cœur toujours prest à faire plaisir, & la main toujours ouverte pour répandre des graces ? Ce n'est point à dire de belles paroles, & à faire de magnifiques promesses, que consiste cette gloire : c'est à faire une profession publique de cultiver ses amis par toutes sortes de bons offices, & à obliger tout le monde.

C'est aussi ce qui m'engage, ô mon illustre Bienfacteur, à immortaliser vôtre Nom, & à publier vôtre gloire, en publiant le bien & l'honneur que vous m'avez fait. Car dès que vous

Rap. Tom. III.

T

avez bien voulu vous affectionner à me secourir, au moment que j'ai recouvré ma santé, je vous ai regardé en quelque façon comme mon Souverain. Vous me reçûtes alors dans votre Maison d'Auteuil, où je commençai à respirer la douceur d'un air si sain & si propre à me rétablir.

Que cette maison est charmante ! Que le Païs en est agreable, que le Ciel y est pur ! Les Zephyrs y regnent avec tant d'empire, que tout ce que la Grece & l'Italie ont eu autrefois de plus délicieux, n'a rien qui en approche. Mais que le * Bois voisin étale aux yeux une belle scène ! Que ces routes vastes & profondes, où l'on se perd dans les promenades qu'on y fait, sont admirables ! Que tout ce Païsage est riant ! Et que la vallée d'Auteuil a de quoi le disputer aux vâlons si celebres de l'ancienne Arcadie !

Qu'il fait beau voir les Troupeaux errer par ces campagnes, & les Cignes voguer si noblement sur le fleuve ! Les belles eaux qui coulent si majestueusement dans la plaine ! Quelle admirable foule de carrosses, qui font tant de bruit sur le rivage ; Que la prairie arrosée comme elle est du cours de la Seine, comme d'un magnifique Canal, qui descend de la Ville capitale du Royaume, a quelque chose de pompeux !

Mais que ce gazon dressé en lit de repos au milieu de la Terrasse de votre Jardin, est un endroit délicieux pour la vûe ! & que je renoncerois volontiers aux affaires pour vous y entretenir, couché négligemment sur l'herbe, ou assis à vos cottez. Et que j'aimerois beaucoup mieux vous y dire, des journées entières, bien des bagatelles, que d'aller à la Cour pour y traiter avec les Grands, de ce qu'il y a de plus important dans l'Etat !

O qu'on découvre bien de cet endroit cette

* Le Bois de Boislogne.

valle Plaine qui s'éleve si agreablement au delà de la Riviere ! On y voit quantité de beaux Villages placez sur les hauteurs voisines. Là face de ces magnifiques bâtimens du Louvre , des Tuileries , & des Invalides y paroist de loin , & se presente aux yeux en toute sa pompe ! Que la vûe de Paris y est admirable : & que cette superbe Ville, qui est maintenant la Maîtresse du monde, par le plus grand Roy , qui fut jamais , étalle de merveilles de ce côté-là !

D'un autre côté on apperçoit la Montagne de Meudon , sur laquelle est le Palais d'un grand Ministre^(a), & cette Terrasse si renommée. Pourquoi en dire davantage ? Il semble que tous les agrémens des Pais les plus délicieux ont été rassemblez en ce lieu là. Et pour moi je ne voudrois pas changer avec toutes les Beutez de la Thessalie, l'aimable séjour d'Auteuil , qui est celui de la paix & du repos. Ce séjour dont mon ami fait ses délices : & où la santé semble avoir établi sa demeure.

Mais je ne puis penser à parler des avantages d'une si charmante Maison sans en louer le Maître en même temps : puisque je lui suis redevable de ma guerison. Il est donc bien juste que je m'attache à lui , & que toute ma personne soit dévouée par reconnoissance à un homme si genereux & si bien-faisant , lequel a pû ces jours passez guerir deux ^(b) Amis qui n'étoient pas tout-à-fait indignes de cette grace : & qui même s'est fait un plaisir de les renvoyer l'un & l'autre tout-à-fait gueris.

(a) Monsieur le Marquis de Louvey.

(b) Le Pere Bouhours , & le Pere Rapin

RENATI
RAPINI
SOCIET. JESU
MISCELLANEA.



ILLUSTRISSIMO VIRO
 CLAUDIO PELTERIO
 ÆRarii Regii PRÆFECTO,

Regni Administro,

REN. RAPINUS Soc. JESU.

MUNERIS istius, quod in ea, qua nunc es, occupatione rerum, tibi offero, excusabis, opinor, importunitatem: cum intellexeris non tam meam quam literarum omnium causam agi in præsentî negotio. Veneramus ad te eodîe, quo Santolius noster, carmen suum tam tersum & elegans tibi offerebat: illud postquam accepisses, ea qua semper eum complexus es benevolentia: pudoris ac modestiæ sensu motus, nescio quo, admirabili certe & inaudito, in magno familiæ tuæ, quæ tum aderat pæne universa, cœtu declarasti, te sic abhorrere ab omni genere laudationum earum, quæ fieri solent apud Optimates, ut Poëtarum literatorumque omnium laudibus prorsus renunciare in animo haberes. Sive quod judicares te parum dignum, quem cumularent illi laudibus, uti solent, infinitis: sive quod illustriissimi Galliarum Cancellarii, laudum suarum hostis sempiterni modestiam imitandam tibi proponeres. Quod cum tuo illo vultu non familiari solum, sed gravi & serio persuasisses nobis om-

T iij

nibus, audiebamus te taciti, non sine admiratione tantæ virtutis. Sic enim ostendebas nobis animum tuum declaratione tam aperta tantæ moderationis, ut esset nemo nostrum, qui dubitaret, quam vere id sentiret.

Quamquam non erat opus, ut de te, animoque tuo tam valde nobis affirmares, quibus perfectissimus pudor tuus, & vitæ antea actæ ratio satis, faciebat fidem. Quid enim non sapientissime, consideratissimeque fecisti hactenus, in quo modestiam temperantiamque tuam desiderari sineres: cujus os fronsque ob oculos nobis versari solet, cum de vera laude cogitamus?

Cum tamen animo sedatiore seorsum apud me reputare cœpissem pudoris fortasse nimis circumspecti professionem tam nudam: impetrare à me non potui, ut filerem penitus, in re tam gravi, ubi agebatur dignitas literarum. An ego, cui per consuetudinem, familiaritatemque tuam ita diuturnam, meritorum tuorum magnitudo sic perspecta compertaque sit, ferre possem non graviter ac permolestè: ut tuæ laudi renunciare, & in ea spectatione dignitatis, qua nunc es, & in summa qua fuisti semper opinione virtutis? Eo accedebat, quod cum summam in literas, literatosque omnes amoris ac studii commovisses semper expectationem: injuriam sine dubio faceres humanitati tuæ, si humanis ingenuisque artibus te præberes parum æquum.

Quapropter cum ea te noverim indole: iisque moribus, ut constantiæ gloriam semper quæreres magis, quam modestiæ, quod æquabilitas vitæ expectari debet à viro gravi & sapiente: non laborabo admodum de te, super ea re, placando, in qua per vitæ rationem aliam, consilii que mutationem, firmitatis perderes opinionem. Veniat igitur tibi in animum, quomodo hactenus semper affectus fueris erga studium & amorem literarum,

qui excellentium in omni doctrinæ genere hominum consuetudine semper delectatus sis. Quare si Musas adhuc amas ut dicis, eas incipe velle non perdere, præpostera religione pudoris intempestivi.

Cogites te versari eo in loco, in quo neque Regis gloriæ, neque regni ipsius splendori consulere jam possis, ut debes: quin excites industriam studiosorum, quos sustentantes officiis, consiliis adjuves, & humanitate ac benevolentia foveas. Quod unum ad rerum nostrarum commendationem, immortalitatemque Principis desiderari videatur. Cum enim Administro regiarum pecuniarum regni totius amplitudo proposita esse debeat: non modo ad obscuritatem Gallici nominis pertineret nostrum de te silentium, sed etiam ad probum & infamiam literarum. Redeat in animum suavissima recordatio fortunati temporis illius, quo Cardinalis Richeleus tantum decoris & ornamenti rebus nostris attulit, suo in Musas amore, suæque liberalitate & beneficentia in literatos. Quid reliquos præstantes viros commemorem, qui se aliqua reipublicæ administrandæ, gloriæque sibi parandæ laude commendarunt, per amorem literarum? Quæ fuit semper, & nunc est, magnorum virorum consentiens opinio; nihil esse tam gloriosum viris Optimatibus, quam eorum labori & industriæ favere, in quibus recognoscunt aliquod meritum literarum.

Consideres quantum splendoris & gloriæ accesserit domui tuæ, ex quo tuam familiam fecisti tuæ quasi alumnam virtutis ac disciplinæ. An vero liberos tuos, sui memores nominis, natosque ad laudem, domesticis exemplis excitabis ad studium, à quo deterreas mortales cæteros, nescio qua temperantiæ ac moderationis æmulatione parum justa?

Consule temetipsum, tuosque mores, ut ea cogites & animo complectare, quæ valere queant ad nominis tui decus sempiternum. Nam quamvis excelstitas mentis non te finat amare vanitatem: non

dubito , si veræ solidæque gloriæ teneris ea cupiditate, qua nobiles & belli homines solent, quin faveas artibus iis, quæ filere de te posteritatem nunquam sinant. Rationibus iis quid addam præterea : nisi quod tuæ suavitatis & elegantix sit ut malis interdum habere commercium cum eruditis hominibus, quam cum locupletibus & pecuniosis ? Quod si recusares, tuam humanitatem, tuum ingenium, tuas literas, tuum Musarum amorem, tibi tuisque sic insitum, implorarem, finemque obsecrandi non facerem, donec id laudi gloriæque tuæ indulgeres. Cum viro, ut es supra ceteros sapienti, consilia, factæque omnia, ad tuendam, amplificandamque dignitatem, in posterum sint referenda. Neque enim sperare jam debes ex professione modestiæ quam præ te ferre cœpisti, obtinere posse te Musarum silentium, cum ea nominis celebritate sis, ut jam ignorari virtus tua minime queat. Nostrum erit vicissim, qui laudare te & admirari profiteamur, hanc dare operam : ne quid in posterum dicere vel facere nobis contingat, quo pudoris tui religio tantisper ostendi possit. Lutetiæ Parisiorum 12. Kal. Sextiles anni. M.
D C. L X X X I V.



ARMANDO DE GRAMONT

COMITI DE GUICHES,
ANTONII DE GRAMONT

DUCIS PARIS, POLEMARCHI FRANCIAE

FILIO NATU MAJORI.

VIRO ipsa indolis excelſitate ad decus nato, qui vel animum diſciplinis, vel corpus periculis ſemper præparaverat ad fortunam, in quam alebatur. Ubiſcumque locorum meruit ſub ſignis Principis, rem geſſit altiore animo, quam ſineret ætas. Pro militari rudimento edidit ſpeciem ſummæ virtutis, ad obſidionem Landreſtij, Valencenarum, Cameraci, Dunkercæ, aliarumque civitatum. Pace ad Pyrenæos inſita, bellum terra marique ſecutus, apud Polonos, & Batavos, gloriam quæſiit iſſdem artibus, per quas umbra & otium quæri ſolet à cæteris. Regio exercitui præſectus imperator ad Marſaliam, ea ætate, qua reliqui milites vix parere norunt. Regem Batavi ſuperbiam ulturum cum moraretur Rhenus, trajiciendi per flumen equitatus ſuaſor duxque primus, cum hoſti tranſitus celeritate oppreſſo inſecit terrorem, quem ſecuta ſit deditio quadraginta urbium & quatuor Provinciarum. Demum imperantem in Germania abſtulit morbi tabidi cæca vis, quem mille aditi pro patria caſus non læſerant. Vitam tot expeditionibus nobilem, immatura, ſed pia morte terminavit: dignus majori fortunæ indulgentia, ni favorem Numinis, fide & patientia, quæſiſſet in extremis. Tam bene merenti Filio mœſta Parens Margarita Chivréa Richelii Cardinalis conſanguinea Monum. poſuit. Obiit ad Chreufenacum in Germania xi. Kal. Decemb. M. DC. LXXIII, ann. agens XXXVIII.

VIRIS AMPLISSIMIS
 CHRISTIANO LAMONIO
 SENATUS ADVOCATO GENERALI,
 ET
 NICOLAO LAMONIO
 LIBELLORUM SUPPLICUM MAGISTRO,
 GUILLELMI LAMONIE

Principis Senatus filiis Illustrissimis.

S. M.

DABITIS, opinor, veniam pudorimeo, VIRI ILLUSTRISSIMI, quod in tanto literarum silentio, pro celebranda optimi Parentis vestri, de literis tam bene meriti memoria, 'primus in lucem prodire non dubitem. Videbitur enim audaciæ non mediocris tractare argumentum, cujus magnitudo detertere cæpit à scribendo cæteros omnes; & cum virum ornare velle laudibus, atque commendare posteritati: de quo quidquid dixeris, partem nullam assequare tantorum meritorum. Nam si consulatur rumor popularis de viri tam excellentis existimatione, eam justitiæ famam adeptus erat, quam pauci consecuti sunt hac ætate: sive spectetur ea fortitudo, quæ vim perferat pro tuenda æquitate, sive ea moderatio, quæ resistat propriæ cupiditati: in quo consistit veræ animi magnitudo. Sic autem versari in hominum vita communi: et in humanitatis simplicitate retinenda, nunquam

Relcedas à dignitate sapientis, quemadmodum fecit ille tam præclare & constanter, magnæ videbitur & eximæ cujusdam virtutis.

Sed in instituenda tanti viri laudatione, non tam imploranda eloquentiæ vis, artisque facultas requirenda, quam consulenda publica lux, & interroganda conscientia populorum: quorum tacitis suffragiis, occultisque votis ad summa quæque destinabatur, propter admirationem virtutis. Erat in eo summa fides, modestia, probitas, prudentia, comitas, temperantia, &, quo nihil magis decens est in viro constanti, æquabilitas universæ vitæ, conjuncta semper cum specie quadam liberalitatis & honestatis. Nam sive ingenii felicitate, sive bonitate naturæ, sive parentum disciplina, rectaque eruditione vitam semper egit sic alienam ab omni reprehensione, moresque habuit ita inculpato, ut in urbe maledicentissima, sæculo delicatissimo, corruptissimis judiciis, non modo sermones vulgi, licentiamque maledicentiæ, sed offensionis in quovis genere officiorum vel levissimæ suspicionem semper vitaverit: patiens veri, defensor æquitatis, fidei cultor, fraudis inimicus, vitiorum animadversor, & in turbulentis temporibus, atque in civitate inquieta pacis amans, & studiosus rerum tranquillarum. Cujus consilia recta si tempora adjuvissent, si per valetudinis infirmitatem animo grandia & excelsa pro communi bono agitati fortuna respondisset, magna facta fuisset accessio ad rerum nostrarum prosperitatem. Nam intelligentiam, prudentiam, curas cogitationesque omnes conferebat in publicam securitatem promovendam: qui cursus est ad gloriam, nominisque celebritatem certissimus. Sed non mihi assumam hoc loco, ut prædicem hominem cum, qui tantis instructus fuit semper, adornatusque virtutibus, quantas perfecta vel studio vel natura, mortalis conditio vix recipit. Vir si morum integritati jun-

xeris meritum literarum, opinione populari suffragioque publico sæculi sui eminentissimus, qui in tractatione rerum maximarum, semper ita versatus est, ut magnum nomen sibi fecerit in eo genere laudis quæ pertinet ad populi gratiam promerendam. Nam in summa, quæ nunc est negotiorum difficultate & molestia, non tam patebat omnibus ejus domus, quam vultus ipse animusque, perfusus ea frontis humanitate, qua magis capiuntur homines, quam re, beneficioque cæterorum.

Non dicam hic qua officiorum fide, qua religione, qua diligentia societatem vitæ excoluerit: quantum veræ solidæque laudis consecutus sit in procuranda re & incolumitate publica, consiliorum suorum vi ac pondere. Non commemorabo defensam religionem, innocentiam vindicatam, emendatas leges, conservata majorum instituta, urbanæ disciplinæ vim rationemque omnem restitutam; nihil non præclare fortiterque gestum, pro commodis populorum. De viri incomparabilis eximia pietate, de severitate judiciorum, de perspicacia animi, de ingenii excellentia, indolisque nobilitate, de humanitatis morumque suavitate, de magnificentia, despicientiaque rerum humanarum immensa esset oratio. In quibus omnibus gloriari licet utrique vestrum tanquam de laude domestica. Gloria enim optimi parentis vestri quædam est quasi hæreditas, cujus fruendæ jus habetis magis legitimum, quam fortunarum cæterarum. Est enim propria laus domus vestræ, quæ semper fuit disciplina virtutis, justitia, fide, pietate præstare cæteris omnibus. Sed puderet me, in tanta materiæ veluti infinitate, dicere tam paucis de viro tam admirabili, nisi cogitarem magis de excitanda industria & alacritate literatorum, in ornando, quam de meo, ad illius obitum, vel luctu vel desiderio ostentando: certus quidquid contingat,

tingat , futurum ut tantæ virtutis memoriam interire , aut extinguere nomen immortalitate tam dignum nunquam sinat æternitas. Tamdiu enim laudabitur LAMONIUS , quamdiu erunt literæ , per quas aut celebrabitur virtus , aut conservabitur memoria rerum nostrarum. Parisiis 3. Calend. Sextil. anno M. D C. LXXVIII.

IN IMAGINEM
JULII ROSPIGLIOSII
NUPER
CARDINALIS
EMINENTISSIMI
NUNC
SUMMI PONTIFICIS
CLEMENTIS IX.
EPIGRAMMA.

FALLOR ! ad excelsum respirat Imago ab ista
Nescio quid , totus quod colere orbis amet ;
Vos , ô Romani pictori applaudite colles :
Magnum pro vobis hoc Caput omen habet.

Scribebatur Parisiis VIII. Calend.
Octob. an. 1666.

Finis Tomi Tertii.

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101

DI VINO 101







